

萬 有 文 庫

第 二 集 七 百 種

王 雲 五 主 編

廣 羣 芳 譜

(一)

清 聖 祖 敕 撰

商 務 印 書 館 發 行

211855

國立政治大學圖書館藏

萬有文庫

登錄號碼：000282

書名號碼
五雲王

商務印書館發行

620
1.1



廣
行政
保
圖
會
分
本
國
書
之
章



典
悉矣
之流疏注
坤

本
基
所纂羣芳
原六
名山
夕

211855

御製
佩文齋
廣羣芳譜序

粵自神農氏嘗草辨穀。民始知樹藝醫藥。伊耆氏命羲和推步定曆以授時。民始知耕穫之不愆。而百工績熙。偉哉開物成務。啓牖來茲。聖帝之功。與天地並矣。朕聽政之暇。披閱典籍。留意農桑。繪耕織之圖。製永言之什。時巡所至。親歷田間。其稼穡之艱難。作勞之辛苦。既周知而洞悉矣。每思究百昌生殖之理。極萬變消長之情。著爲成編。以佑吾民。嘗謂爾雅具其名物。而郭璞陸佃孫炎之流。疏注埤翼。又加詳焉。其明備者。莫如本草。自本經以迄陶弘景蘇頌而下數十種。凡採治之法。無不該核。他如齊民要術。月令廣義諸書。其蒔植之宜。爲更晰矣。遐稽往牘。擷其英華。歸於簡括。良匪易也。比見近人所纂羣芳譜。蒐輯衆長。義類可取。但惜尙多疎漏。因命儒臣。卽祕府藏帙。攬摭蒼萃。刪其支冗。補其闕遺。上原六經。旁據子史。洎夫稗官野乘之言。才士之所歌吟。田夫之所傳述。皆著於篇。而奇花瑞草之產於名山。貢自遠徼。絕塞爲前代所未見聞者。亦咸列焉。復允廷臣之請。益以朕所賦詠。依類分載。總一百卷。命名曰佩文齋廣羣芳譜。冠以天時。尊歲令也。次穀次桑麻。崇民事也。次蔬茶果木花卉。資厚生溥利用也。終以藥物。重民命也。其諸天時蚤晚之候。人事種溉之方。地力彼此之殊。物性良楛之異。罔弗條舉。縷析燦然可觀焉。是書也。攬品彙之蕃滋。想羣生之率育。一展卷間。化機洋溢。於茲畢呈。固不惟矜淹洽侈藻麗也。以是刊布天

下垂之久遠。使吾民優游於農圃之中。家室盈寧。樂其業而不憚其勤。而大夫士以及民之秀者。因以區別物宜。審其淑慝。凜嗜好之常。慎節宣之度。於以躋仁壽而享泰平。亦不爲無所裨助也哉。

康熙四十七年五月初十日

附錄羣芳譜原敘 王象晉著

尼父有言。吾不如老農。不如老圃。世之耳食者。遂譁然曰。農與圃。小人事也。大人者。當劑調二氣。冶鑄萬有。烏用是齷齪者爲。果爾。則陳豳風者。不必聖。愛菊愛蓮者。不必賢。稅桑田。樹榛栗者。不必稱。塞淵侈詠歌哉。予性喜種植。斗室傍羅盆草數事。瓦鉢內蓄文魚數頭。薄田百畝。足供饘粥。郭門外有園一區。題以涉趣。中爲亭。顏以二如。雜藝蔬茹數十色。樹松竹棗杏數十株。植雜草野花數十器。種不必奇異。弟取其生意鬱勃。可覘化機。美實陸離。可充口食。較晴雨。時澆灌。可助天工。培根核。屏菑翳。可驗人事。暇則抽架上農經花史。手錄一二則。以補咨詢之所未備。每花明柳媚。日麗風和。攜斗酒。摘畦蔬。偕一二老友。話十餘年前陳事。醉則偃仰於花茵。莎榻淺紅濃綠間。聽松濤。聽鳥語。一切升沉寵辱。直付之花開花落。因取平日所涉歷咨詢者。類而著之於編。而又冠以天時歲令。以便從事。歷十餘寒暑。始克就緒。題之曰二如亭羣芳譜。與同志者共焉。相與怡情。相與育物。相與阜財。用而厚民生。卽不敢謂調二氣。治萬有。其於天地之大。生廣生。未必無小補云。因思尼父所言。蓋恐石隱者流。果於忘世。而非厭薄農圃。以爲瑣事不足爲也。請以質諸世之所謂大人者。

廣羣芳譜刊成進呈表

原任掌河南道事河南道監察御史加七級臣劉灝。恭承勅旨。校刊佩文齋廣羣芳譜。今已成書。謹奉表上進者。臣灝誠惶誠恐稽首頓首上言。伏以三才並建。資參贊以成能。庶物芸生。賴神靈而利用。神農首出。先嘗草木之滋。后稷誕生。卽識方苞之種。蓋將開物以成務。必先辨類而知名。是以東作西成。人時敬授。荔生萼秀。月令必書。考比興於風詩。方名悉載。溯權輿於釋詁。爾雅兼綜。史列農家者流。術是齊民之要。降而本草。代有專家。異產奇名。各徵風土。含華落實。別著春秋。言以人人而殊。物亦生生而廣。更有場師田老家傳。種樹之方。墨客詩人。藻結風花之思。見聞各異。篇帙紛綸。自非刊錄爲一書。誰識源流於萬類。欽惟皇帝陛下。德茂生成。休徵蕃庶。光昭千古。普同若木之華。化鼓八方。直被扶桑之國。聰明卓絕。格物靡遺。稼穡艱難。居心無逸。田疇景物。盡歸耕織之圖。車轍巡行。徧省桑麻之務。乃有道旁異草。徼外奇花。郭璞未詳。孫炎不識。一經聖覽。便悉嘉名。仰窺莫測。所自來。博學盡驚爲天授。品題所及。遠過箋疏。睹記不忘。何須載籍。乃猶時勤蒼萃。下逮芻蕘。特命編修。臣汪灝。臣張逸少。臣汪澐。臣黃龍眉。仰遵指授。敬事編摩。繙內府之藏書。廣羣芳之舊譜。農書花曆。藥品茶經。指掌可求。分條並載。一編在手。疑四序之皆春。百物羅前。如萬方之並貢。至若一花一木。曾被宸章。若賦若詩。久登御集。莫不轉鴻鈞於一氣。揚藻采

於千秋分冠簡端。尤光冊府。筆如垂露。灑五色於芳菲。文似慶雲。映三光於碧落。既成篇帙。更錫序文。天語輝皇。融六經之津液。奎文焜燿。徹十襲之縹緗。臣灑澗谷庸材。山林小草。早蒙收採。便得敷榮。竊負栽培。自貽傾覆。叨弘恩於使過。不棄菲葑。效末技以校書。日親梨棗。身是久枯之木。忽訝春回。心如已折之葵。猶承日照。剗剛告竣。少竭力於涓埃。豕亥傳訛。猶驚心於註誤。乃蒙口勅。許列頭銜。對玉簡以悚惶。瞻彤墀而踴躍。伏願光輝炳照。化育遐宣。澤及臣鄰。收杞梓榘枘之用。功施田野。成布帛菽粟之風。則龍木鳳芝。呈祥於連理之樹。一莖雙穗。獻瑞於大有之年矣。謹按天時譜六卷。穀譜四卷。桑麻譜二卷。蔬譜五卷。茶譜四卷。花譜三十二卷。果譜十四卷。木譜十四卷。竹譜五卷。卉譜六卷。藥譜八卷。校刊告成。臣灑無任瞻天仰聖。激切屏營之至。謹奉表隨進以聞。

康熙四十七年六月初一日。原任掌河南道事河南道監察御史加七級臣劉灑謹上表。

凡例

一羣芳譜原本大抵託興衆芳。寄情花木。可爲風雅之助。然或摭拾舊聞。或獨據己見。採擇未遍。不免登載疎漏。今將穀桑麻蔬茶花果木竹卉藥諸譜。皆搜羅羣編。依類增補。俾讀者咸知重農貴穀。爲率育羣生之本。下及庶草繁殖。弘茂對之化機。藥果資生。登人民於壽域。是書所關。舉世共賴。

一原本以羣芳命名。而冠以天譜歲譜。今改歲譜爲天時。記四時長養之理。萬彙榮枯之候。冠於諸譜之前。若天譜中曆數災祥。及泛言日月風雲星辰雨露等類。并歲譜中泛言節序者。俱與羣芳不甚貼切。槩不復錄。

一原本各譜中分題名目。條款不一。今每一物詳釋名狀。列於其首。次徵據事實。統標曰彙考。傳記序辨題跋雜著騷賦詩詞。統標曰集藻。其製用移植等目。統標曰別錄。庶分條簡要。編次畫一。至若原本首簡總論雜說中有可採者。並行附載。泛者略之。

一原本花木卉藥諸譜。按之經史傳記方書地志文集。及今耳目所見。闕漏者頗多。若金蓮花夜亮木。及海外諸奇花。海內諸名山所產山花。前人不經見者。今皆採補。以廣後人見聞。

一原本梅杏桃李之類。俱載入花中。今分見於花果兩處。更使開卷瞭然。

一葛木棉以類相從。附入桑麻譜。他如香附莎草。卉藥各見。芸香山礬。別爲二物。蘭蕙澤蘭。析作數種。俱各註明本條之下。以便觀覽。

一原本中藥譜僅五十有四種。爲數甚少。今照本草綱目。廣採補入。凡見於詩經爾雅楚辭。及唐宋歷代詩文者。增註其下。

一原本諸譜中。多有療治一條。今按醫療自有專書。如本草綱目證治準繩之類。可備詳考。纂入譜內。反多闕略。且恐叅究未精。泥方貽悞。寧闕之以致慎。

一原本終以鶴魚一譜。今按禽魚既與羣芳命名不符。且類族衆多。禽中不得專舉一鶴。魚中不得專舉金魚。復於本類不備。槩不復存。

一原本所載事實或闕書名。賦詠或闕人名。又或書官書號書地書爵書諡。今於其可考證者。悉爲標明。餘仍其舊。以示存疑。

廣羣芳譜總目

天時譜六卷

穀譜四卷

桑麻譜二卷

蔬譜五卷

茶譜四卷

花譜三十二卷

果譜十四卷

木譜十四卷

竹譜五卷

卉譜六卷

藥譜八卷

廣羣芳譜目錄

卷第一 天時譜一

春

卷第二 天時譜二

正月

二月

卷第三 天時譜三

三月

卷第四 天時譜四

夏

四月

卷第五 天時譜五

秋

七月

卷第六 天時譜六

冬

十月

卷第七 穀譜一

麥

瑞麥

雀麥

蕎麥 苦蕎麥

瞿麥

卷第八 穀譜二

稻

卷第九 穀譜三

黍

稷

稷子 稷稗 根 蔞草 翻草 東腐 黍禾 蒭草 感禾 楊禾 大禾 木禾

稷

蜀黍 玉蜀黍

粟

粱

卷第十 穀譜四

大豆 穉豆

赤小豆

綠豆

白豆

豌豆

蠶豆

豇豆 黎豆 馬豆

菹豆

刀豆

大蠶豆

木豆

靈光豆

佛豆

脂麻 青囊 亞麻

卷第十一 桑麻譜一

桑 桑椹 桑寄生 桑花

柘 奴柘

卷第十二 桑麻譜二

苧麻

大麻

繸麻 疎麻

葛 鐵葛

木棉花

卷第十三 蔬譜一

薑

椒 川椒 崖椒 蔓椒 地椒 胡椒 番椒

茴 香八角茴香 蒔蘿 韭 孝文韭 諸葛韭

水韭

葱 水葱

蒜 水晶葱

薤

蘆 萎 以上辛馨

卷第十四 蔬譜二

苜蓿

白菜

蔓菁非

芥

同蒿

菠菜

萋蒿牡蒿

藜蒿

邪蒿

蕪蒿

莧馬齒莧

木馬齒

葵龍葵

蔞葵

卷第十五 蔬譜三

生菜

蔞菜以上園蔬

藜藜藿 藜藜藿 藜藜藿 藜藜藿
以上野蔬

鹿角菜以上水蔬

苦菜

巢菜

蓴

蒺藜

薇

芹紫芹

蕪菜

蕪迷蕪

水蕪

蕪臺菜

薺

紫菜

龍鬚菜

卷第十六 蔬譜四

山藥

野蘿蔔

卷第十七 蔬譜五

菜瓜

冬瓜

土菌

優殿

芋香芋 甘露子 土芋

萋苣以上食根

甘藷

蘿蔔水蘿蔔 胡蘿蔔

稍瓜

壺盧

木耳石耳

箱

黃瓜

瓠子

地耳以上菌屬

買菜

南瓜

茄子苦茄

嘉樹菜

專蹄菜

絲瓜

緬茄以上食實

雞候菜

芸薇

冬風菜

藜菜

羞菜以上奇蔬

白鼓釘

浮薺

燕子不來香

鴈腸子

燈蛾兒

鴛觀草

雀舌草

歪脖菜

卷第十八 茶譜一

茶

卷第十九 茶譜二

茶

卷第二十 茶譜三

穀菜

藜菜

佛上菜

剪刀股

水菜

獼猴腳跡

野籬落

芽兒拳

牛尾瘟

羅漢菜

龍巖菜

蒔菜

莖菜

孟娘菜

豬殃殃

看麥娘

眼子菜

羊耳禿

板蕎蕎

兔絲根

根子菜

高河菜

菹菜

確菜

眞珠菜

絲蕎蕎

狗腳跡

貓耳朵

黃花菜

天藕兒

草鞋片

龍芽菜

蓮花菜以上雜蔬

蕪菜

香菜

雪裏蕪

牛塘利

破破柄

籬籬頭

油灼灼

老鶴筋

抓抓兒

杏葉菜

茶

卷第二十一 茶譜四

茶茶花 阜盧

卷第二十二 花譜一

梅花

卷第二十三 花譜二

梅花

卷第二十四 花譜三

梅花紅梅 茶梅

卷第二十五 花譜四

杏花 桃花

卷第二十六 花譜五

桃花夾竹桃 金絲桃

卷第二十七 花譜六

李花 梨花

卷第二十八 花譜七

棠梨花

常棣花

櫻桃花

石榴花

卷第二十九 花譜八

荷花

卷第三十 花譜九

荷花

卷第三十一 花譜十

荷花

山蓮 西番蓮 以上實見果譜

鐵線蓮

朝日蓮

卷第三十二 花譜十一

牡丹

卷第三十三 花譜十二

牡丹

卷第三十四 花譜十三

牡丹

魚兒牡丹 繡枝牡丹

秋牡丹

卷第三十五 花譜十四

海棠

卷第三十六 花譜十五

卷第三十七 花譜十六

玉藥 瓊花

卷第三十八 花譜十七

木蘭 辛夷

紫荊 紫薇

卷第三十九 花譜十八

杜鵑 黃杜鵑 山枇杷 木槿

卷第四十 花譜十九

巖桂

卷第四十一 花譜二十

山茶 蠟梅

卷第四十二 花譜二十一

迎春 金雀

卷第四十三 花譜二十二

玫瑰 刺蘼

山礬

玉蘭

卮子

扶桑

瑞香 結香
以上木本

酴醾 金沙

月季 四季

雪毬

合驩 有情樹

薔薇

木香

棟花

木芙蓉

棣棠

茉莉雪瓣 紫茉莉 素馨

含笑

指甲花

凌霄以上蔓本

卷第四十四 花譜二十三

蘭蕙 蘭草 蕙草 澤蘭 眞珠蘭 伊蘭
風蘭 朱蘭 箬蘭 馬蘭

卷第四十五 花譜二十四

芍藥

卷第四十六 花譜二十五

金燈 金盞側金盞

翦春羅 翦秋羅 翦羅花 翦金羅 翦紅紗 石竹

罌粟 麗春

虞美人 萱花 鹿葱 水葱 蜀葵

錦葵 天葵 旌節花 西番葵

卷第四十七 花譜二十六

百合花 山丹

鳳仙 金錢 滴滴金

玉簪 秋葵

曼陀羅 蓼花

卷第四十八 花譜二十七

菊花

卷第四十九 花譜二十八

菊花

卷第五十 花譜二十九

菊花

卷第五十一 花譜三十

菊花 繡線菊 藍菊 雙鸞菊 文菊 七月菊 翠菊

卷第五十二 花譜三十一

雞冠

水仙 檫祇 水仙樹
以上草本

卷第五十三 花譜三十二

萬年花

金蓮

苾碧

九花樹

萬連

金盞花

紅綬花

優鉢曇

迎輦花

金步搖

靈壽花

都勝花

無憂花

瘴川花

那伽花

提羅迦

拘尼陁

繫白象樹花

簇蝶花

俱那衛

木蓮

石蓮

洛如

太平瑞聖花

七寶花

鷲毛玉鳳花

蟬花

石蟬花

錦帶花

青囊花

旱金花

上元紅

泡花

枸那花

水西花

象蹄花

白鶴花

望仙花

金莖花

白菱花

百日紅

閩山丹

金鉢盂

纈絲花

笑靨花

紫羅欄

紫花兒

紅麥花

米篩花

蕾蔭花

悶頭花

蝎子花

龍女花

和山花

優曇花

金梅

青鸞花

金縷梅

撚蠟

春桂

黃山旌節花

瓔珞花

紫雲花

蕢桃

海罽花

蕊珠花

玉鈴花

瑣瑣花

仙都花

四照花

覆杯花

查葡花

紫鐸花

傲雲花

山釵花

絳穎花

蠟瓣花

疊雪花

囊環花

美人菊

醉春花

鷺羣花

海瓊花

寶網花

紫霞杯

黃花

馬蹄蘭

地榭花

鸞枝

長樂花

優鉢羅花

戎王子

冬瑰花

海紅

燕蓊花

玉燭花

杏香花

萬蝶花

眞珠花

鷹爪花

閣提花

御帶花

玉手爐花

小黃蘂花

繭漆花

滿堂春

御仙花

壽春花

散水花

孩兒花

練春紅

長十八

波羅花

疊羅花

藍雀花

翠蛾眉以上異花

梅海梅

杏

桃羊桃

卷第五十五 果譜二

李

梨榧 榧 榧梓

棠梨沙棠

棣以上花見花譜

卷第五十六 果譜三

櫻桃山櫻桃

楊梅

枇杷

卷第五十七 果譜四

柰

林檎

蘋果

橄欖木威

餘甘子

山楂

枳椇

葡萄野葡萄

卷第五十八 果譜五

棗天棗 糲棗 酸棗 波斯棗 千年棗 萬歲棗

柿棹柿 軟柿 蕃柿

木瓜 椶櫚 以上膚果

卷第五十九 果譜六

安石榴花見花譜

栗石栗 天師栗

榧

榛胡榛子

松子

核桃山胡桃 蔓胡桃 銀杏

卷第六十 果譜七

荔枝

卷第六十一 果譜八

荔支

卷第六十二 果譜九

荔支

卷第六十三 果譜十

荔支 隈枝 錦荔支 龍眼 山龍眼 龍荔

卷第六十四 果譜十一

橘 橘皮

卷第六十五 果譜十二

柑 佛手柑 橙 香櫞

卷第六十六 果譜十三

蓮 花見花譜 藕

荔 慈姑 以上水果

卷第六十七 果譜十四

甜瓜 西瓜 北瓜

如何樹實 平仲

人面子 夫編子

金橘 金豆

蔗

柚

菱

枳 枸橘 以上殼果

芡

石瓜 以上蔬果

劉子

不周山果

繫彌子

都咸子

千歲子

五斂子

都昆子

椰子 青田核 殿樹

州樹子

韶子

彌子

關桃子

王壇子

蠡齊子

那核婆

火炭子

穀子

羊矢子

粉骨子

胡頹子 山茱萸

稠黎子

烏沙爾器 以上異果

古度子

不納子

國樹子

五子

梅桃

士翁子

探子

無石子

猪肉子

部諦子

藤核子

日頭子

塔骨子

醋林子

桃花水

無花果

波羅蜜

鬼見愁

前樹子

白緣子

楊搖子

枸槽子

都念子

婆羅婆

黎檬子

木賴子

木連子

秋風子

布衲子

蓬蓬奈

法佛哈

文光果

優曇鉢 以上無花而實

樂華 念珠樹

以上可為念珠

都桷子

多感子

冬熟

猴總子

侯騷

磐磐檣樹

櫓罟子

羅晃子

蘿蒙子

黃皮子

黃肚子

抹猛果

米孫烏什哈

天仙果

無患子

文官果

檣樹子

蕉子

猴鬪子

多南子

仙樹實

齊噉

槎擦子

古米子

特乃子

朱圓子

鹽麩子

枸柰子

烏喇柰

槃多樹

菩提子

卷第六十八 木譜一

松實見果譜

卷第六十九 木譜二

松

卷第七十 木譜三

松松花 松脂 艾蒨香 水松 落葉松 杆松

卷第七十一 木譜四

柏柏實 竹柏 檜樅

卷第七十二 木譜五

杉 梓鼠梓

石楠

卷第七十三 木譜六

桐刺桐花 岡桐 楨桐 臭桐 胡桐 海梧 折桐

卷第七十四 木譜七

榆

槐

卷第七十五 木譜八

檀紫檀 槩蓬 駸馬

漆

豫章樟腦

栴

楸 山楸

楓 楓香 槭

榕

楮

椿

樗 山樗

櫟

卷第七十六

木譜九

柳

卷第七十七

木譜十

柳

卷第七十八

木譜十一

柳 柳絮

柳寄生

檉柳

檉柳 水楊

白楊

移楊 以上喬木

卷第七十九

木譜十二

女貞

冬青 水冬青

枸骨

烏白

檉榔

欒 欒欄木

海欒

蒲葵

黃楊

樺木

蘭天竹

荊 荊楮

棘 以上灌木

卷第八十

木譜十三

檀香

降真香

蜜香樹

龍腦香

安息香樹

麝香木

羯布羅香

檳香

必栗香 以上香木

靈壽木

娑羅木

扶桑

若木

丹木

建木

迷穀

棧木

白荅

文莖

苦辛

盼木

稷木

崇吾山木

楸木

檉木

机木

北號山木

芑木

樛木

彫棠

芟

黃棘

天楸

蒙木

帝休

栝木

帝屋

亢木

菊柏

三珠樹

雄常樹

欒

甘粗

甘華

朱木

尋木

文玉樹

不死樹

聖木

服常琅玕樹

楛

榭

柎

楨

楨

杙

橋

冥靈

燃支

赤木

仁壽木

模木

楷木

不盡木

相稼櫃

返魂樹

聲風木

指星木

平露

賓連

垂龍木

女香樹

青檀木

發日樹

生金樹

長生樹

丹青樹

文木

上林苑樹

卷第八十一

木譜十四

君子樹

不灰木

員生樹

蘇枋

翳木

貝多樹

鬼目樹

薔母樹

梓椈

莎樹

抱木

酒樹

播移樹

大食國樹

婆田羅樹

波羅樹

琪樹

黝木

阿勃參

羅漢木

額常

赤水木

拘尼佗樹

緜木

賣子木

佛頂青

棹

影木

文衆木

春浮

毗野樹

綸木

鳳首木

鹿木

鬻齊

思儻木

鎖鎖木

人面木

稠錫樹

憐木

櫛木

椴木

仙人樹

燧木

摩廚

菩提樹

歌畢佗樹

勾芒木

木龍樹

獨桓樹

瑞木

臙脂木

櫛木

千歲木

鐵樹

柯樹

木麻

夜光木

都句

壽木

石樓樹

婆那娑樹

嬰彌

幢樹

色綾木

蜻蜓樹

紫銑樹

龍骨木

鸚鵡木

強木

淨土樹

虎刺

大空

萬葛樹

候風木

恆春樹

懶子樹

菴羅樹

咀賴羅

禮

倒生木

沒樹

尸利沙樹

韓木

虎斑木

閻浮樹

黃櫨

不凋木

黃葛

水清木以上異木

藤 女蘿

卷第八十二 竹譜一

竹

卷第八十三 竹譜二

竹

卷第八十四 竹譜三

竹

卷第八十五 竹譜四

竹

卷第八十六 竹譜五

竹筍 竹實 越王竹 淡竹葉 錦竹 篤竹 竹菜

卷第八十七 卉譜一

芝

卷第八十八 卉譜二

薯蕷 莫莢

屈軼 延嘉

蔚荔

絡石以上藤屬

蕙蒲

吉祥草

朱草

菖蒲以上靈草

書帶草

鴛鴦草

翠雲草

老少年以上芳草

芸牛芸草

杜若

蘼蕪根為芎藭見藥譜

白芷

茅香 白茅香 排草 以上香草

瓶香 耕香

卷第八十九 卉譜三

紅花臙脂

茜草

藍 擊藍 鼠尾草 以上染草

狼把草

芭蕉

沙根為香附子見藥譜

茅孟

蓬

青蒿 荻蒿 馬先蒿 以上隰草

黃花蒿 角蒿 茵陳蒿

卷第九十 卉譜四

菰

蒲香蒲 蘋

蘆

箬

苻

卷第九十一 卉譜五

萍

藻 海藻

海帶

綸

藓草以上水草

苔水苔

垣衣 屋遊 瓦松

仙人縉 羅漢條 以上苔屬

卷第九十二 卉譜六

祝餘

條

黃蘗

膏蓉

無條

蓂草

籜

植楮

鬼草

榮草

荀草

葶膏

薰草

風條

焉酸

蓐草

嘉榮

蒿草

藜草

獲草

高粱山草

雞穀

茗饒

藟

莫

蒿

芭

鹽

結縷

蘆

搖車

絲馬

胞

雞腸草

薔

藹車

藹草

玉紅草

留夸

不死草

明莖草

吉雲草

神精香草

夢草

却睡草

瑤琨碧草

地日草

鳳葵草

躡空草

壽榮草

迷迭

龍鬚草
龍常草

虹草

宵明草

黃渠草

閒遐草

合歡草

濡紆草

娑羅草

遙香草

莽煌草

芸苗草

芸蓬草

銅鼓草

珊瑚鞭

紅席草

鹹草

千步香草

睡草

龍芻

蓆具草

相思草

活人草

麝香草

懸腸草

宮人草

護門草

金光草

玄鹿草

鶴子草

醒醉草

變晝草

迎涼草

左行草

青草槐

野狐絲

望舒草

蜜草

老鸛瓜籬

鴨舌草

銅匙草

水耐冬

天芋

油點草

三賴草

金盤草

蕪荑

息雞草

千金草

金星草

石長生紅茂草

通泉草

女香以上異草

鼠麴草

馬鞭草蛇含

石帆

佛甲草

虎耳草

離鬲草

仙人掌

宜南草

仙人掌

萍蓬草

雞足草

知風草

扁擔草

嬌草

馬房

星星草

黃背草

塔子頭

水稗草

鳳尾草

稠種

琉璃草

蝎子草

特勒蘇草

恆春草

烟草以上雜草

卷第九十三

藥譜一

甘草

黃耆

人參

沙參

薺危

桔梗

長松

黃精黃獨

葳蕤

知母

肉蓯蓉

列當

銷陽

天麻

木

狗脊

貫衆

巴戟天

遠志

百脉根

淫羊藿

卷第九十四

藥譜二

仙茅

玄參

地榆

丹參

紫參

王孫

紫草

白頭翁

白及

三七

黃連胡黃連

黃芩

秦艽

柴胡

前胡

防風

獨活

土當歸

都管草

升麻

苦參

白鮮

延胡索

貝母

石蒜

龍膽

細辛木細辛 及已

鬼督郵

徐長卿

白微

白前

草犀

釵子股

吉利草

良耀草

硃砂根

辟虺雷

錦地羅

紫金牛

拳參

鐵線草

金絲草以上山草

卷第九十五

藥譜三

當歸

芎藭

蛇牀

藁本徐黃

蜘蛛香

木香

甘松香

山柰

廉姜

山薑

豆蔻

縮砂密

益智

萹芡

蒟醬

肉豆蔻

補骨脂

薑黃

鬱金

蓬莪茂

荆三稜

香附子苗為莎草別見卉譜

艾納香

兜納香

藿香藿山草

麻伯

相鳥

天雄草

益妳草

香薷

爵牀

赤車使者

假蘇

薄荷

地錢

紫蘇

水蘇

薺葶石薺葶以上芳草

菴藷對廬

艾千年艾

陰地厥

九牛草

益母草

鑿菜

薇銜

夏枯草

劉寄奴草

曲節草

麗春草

青葙桃朱術

天靈草

思莢子

大薊

飛廉

大青

卷第九十六

藥譜四

續斷

鉤芩

漏蘆

牛蒡

蒼耳

小青

胡盧巴

蠶實

麻黃

木賊

地菘

豨薟

牛膝

紫苑女苑

麥門冬

燈心草

地黃

鹿蹄草

敗醬

欵冬

酸漿

蜀羊泉

王不留行

葶藶

車前

決明

地膚

連翹

葫蘆

水英

狗舌草

鱧腸

三白草

蠶繭草

蛇繭草

海根

火炭母草

穀精草

海金沙

地楊梅

虎杖

蒺藜沙苑蒺藜

半邊蓮

紫花地丁

鬼鍼草

水楊梅

地蜈蚣草

攀倒甌

水甘草

狼牙

獨用將軍留軍待

見腫消

防葵

防葵

卷第九十七

藥譜五

大黃

商陸

狼毒

防葵

狼牙

茵茹

大戟

澤漆

甘遂

續隨子

葇蓉

雲實

蓖麻博落迴

黑天赤利子

常山杜壘山 土紅山

藜蘆山慈石

參果根

馬腸根

水藜蘆

附子

烏頭

白附子

天南星虎掌草

蒟蒻菩薩草

半夏

蚤休

鬼臼

射干

坐拏草

押不蘆

芫花

蕘花

醉魚草

莽草

茵芋

苦堇

毛茛

海薑

陰命

牛扁

虱建草

蓴麻

格注草

海芋

鉤吻

透山根以上毒草

卷第九十八

藥譜六

兔絲

五味子

覆盆子

蓬蘽

懸鉤子

蛇莓

使君子

木鱉子

番木鱉

馬兜鈴

預知子

牽牛

栝樓

王瓜

黃環

天門冬

百部

何首烏

草薺

菝葜

土茯苓

白欬

女萎

赭魁

鵝抱

伏雞子仰盆

人肝藤

九仙子

山豆根

黃藥子

解毒子奴會子

海藥實

白藥子陳家白藥

甘家白藥 會州白藥

衝洞根 突厥白

威靈仙

翦草

防己

木通

通脫木天壽根

金銀藤

鈎藤倒掛藤

白兔藿

白英

芫蘭

赤地利

紫葛

烏歛莓

葎草

澤瀉

羊蹄

酸模

龍舌草醬舌

苦草以上水草

石斛

骨碎補

石韋

石莧石垂

景天

石胡荽

螺曆草

酢漿草酸草 三葉

地錦金瘡小草

崖椽雞翁藤 半天回

野蘭根

紫背金盤醋筒草

白龍鬚以上石草

馬勃苔部

卷第九十九 藥譜七

屈草

別羈

離樓草

黃護草

雀醫草

木甘草

益決草

九熟草

兌草

異草

灌草

葩草

莘草

英草華

封華

慎華

節草

讓實

羊實

桑莖實

可聚實

滿陰實

馬顛

馬逢

兔棗

鹿良

雞涅

犀洛

雀梅

燕齒

土齒

金莖

白背

青雌

白辛

赤舉

赤涅

赤赫

黃穉

黃辨

紫給

文石

石芸

知杖

并苦

姑活

疥拍腹

載

吉祥草

土落草

無風獨搖草

刺虎

地茄子

布里草

撮石合草

透骨草

紫藍

路石

竹付

河煎

索千

白女腸

五母麻

慶

雞脚草

倚待草

陀得花

石逍遙

田母草

茆質汗

露筋草

蛇眼草

糞藍

曠石

祕惡

區余

良達

白扇根

五色符

腴

兔肝草

藥王草

建水草

黃寮郎

田麻

胡堇草

九龍草

鵝項草

巴朱

敗石

盧精

王明

戈共

黃白支

救救人者

芥

斷罐草

筋于根

百藥祖

黃花了

芥心草

小兒羣

荔支草

蛇魚草

柴紫

石劇

唐夷

師系

舩虹

父陞根

常吏之生

鳩鳥漿

千金鑿

盧藥

催風使

百兩金

苦芥子

獨脚仙

水銀草

九里香草

卷第一百 藥譜八

白筵草

環腸草

割耳草

雲花草

野芎草

織霞草

牛脂芳

鴨脚青

天仙蓮

雙頭蓮

豬藍子

天芥菜

佛掌花

郭公刺

籩箕柴

碎米柴

羊屎柴

山枇杷柴

三角風

葉下紅

滿江紅

隔山消

石見穿

墓頭回

羊茅

阿兒只

阿息兒

奴哥撒兒以上雜草

薏苡穀部

檳榔山檳榔

大腹子

馬檳榔

茱萸以上果部

桂

丁香

烏藥研藥

乳香

沒藥

騏驎竭

阿魏

盧會

黃蘗

小蘗

厚朴

杜仲

秦皮

皂角波斯皂莢 鬼皂莢 肥皂莢 酸角

訶黎勒

婆羅得

巴豆

大風子

海紅豆

相思子

豬腰子

金櫻子

衛茅

五加

枸杞

漚疏

楊楮

木天蓼

放杖木

接骨木

新雉木

合新木

俳蒲木

遂陽木

學木核

枸核

木核

荻皮

柵木

乾陀木

馬瘍木

黃屑

角落木

大木皮以上木部

芙樹

茯苓茯神 神木

白馬骨

豬苓以上寓木

慈母

廣羣芳譜卷第一

天時譜

春

【禮記鄉飲酒義】東方者春。春之為言蠢也。產萬物者聖也。【注】蠢動生之貌也。聖之為言生也。【疏】東方產育萬物。故為春為聖。【爾雅】春為青陽。【注】氣青而溫陽。春為發生。【公羊傳】春者何。歲之始也。【注】春者。天地開闢之端。養生之首。【管子】東方曰歲星。其時曰春。其氣曰風。風生木。【梁元帝纂要】春日陽春。青春芳春。三春九春。風曰陽風。春風暄風。柔風惠風。景曰媚景。時曰良時。嘉時。芳時。辰曰良辰。嘉辰。芳辰。節曰華節。芳節。嘉節。良節。韶節。淑節。草曰弱草。芳草。草芳卉。木曰華木。華樹。芳樹。陽樹。林曰茂林。芳林。

【詩小雅】春日遲遲。卉木萋萋。倉庚喈喈。采繁祁祁。【詩正義】周成王太平之時。于春時親

耕籍田。以勸農桑。又祈求社稷。使年豐。【周禮天官】內宰。上春詔王后帥六宮之人。而生種。種之種。而

獻之于王。【注】先種後熟曰種。後種先熟曰稔。【史記叔孫通傳】孝惠帝曾春出遊離宮。叔孫生曰。古

者有春嘗果。方今櫻桃熟。可獻。願陛下出。因取櫻桃獻宗廟。上許之。諸果獻由此興。【前漢書文帝

【紀】元年三月詔曰。方春和時。草木羣生之物。皆有以自樂。【律曆志】少陽者。東方。東動也。陽氣動。物于時爲春。春。蠢也。物蠢生。迺動運。【後漢書明帝紀】永平三年春。詔曰。夫春者。歲之始也。始得其正。則三時有成。有司其勉順時氣。勸督農桑。【章帝紀】元和二年。詔曰。方春生養。萬物孳甲。宜助萌陽。以育時物。【郎凱傳】方春東作。布德之元。陽氣開發。養導萬物。【逸周書】禹禁春三月山林不登斧。以成草木之長。【管子】日至六十日。而陽凍釋。七日而陰凍釋。陰凍釋而菽稷。故春事二十五日之內耳。【莊子】春雨日時。草木怒生。銚鋤于是乎始修。草木之到植者過半。而不知其然。【尸子】春爲忠也。東方而春。春動也。是故鳥獸孕。榮華生。萬物遂。忠之至也。【呂氏春秋】冬至後五旬七日。菖蒲生。乃耕。菖者百草之先生者也。于是始耕。【淮南子】春風至。則甘雨降。生育萬物。草木榮華。莫見其爲者。而功旣成矣。【春秋繁露】木者。春生之性。農之本也。【原】劉向別錄。鄒衍居燕。燕有谷地。美而春不生黍稷。衍吹律。暖氣乃至。草木乃生。至今名黍谷。【圖】焦氏易林。百草嘉卉。萌芽將出。昆蟲扶戶。陽明所得。谷風布氣。萬物出生。萌庶長養。華葉茂盛。【春秋元命苞】春者。神明推移。精華結紐。【注】神明猶陰陽也。相推使物精華結成紐。結要也。【春秋文耀鉤】春致其時。華實乃榮。【洛陽伽藍記】法雲寺北。有臨淮王彧宅。彧性愛山林。又重賓客。至于春風扇揚。花樹如錦。晨食南館。夜遊後園。僚窠成羣。俊民滿席。絲桐發響。羽觴流行。詩賦并陳。清言乍起。莫不領其玄奧。忘其褊悵焉。是以入彧室者。謂登仙也。荊州

秀才張裴裳常爲五言。有句云：異林花共色，別樹鳥同聲。或以蛟龍錦賜之。【史略】北齊盧士深妻崔氏，有才學。春日以桃花和雪，與兒齧面。云：取紅花取白雪，與兒洗面作光悅。取白雪取紅花，與兒洗面作妍華。取雪白取花紅，與兒洗面作華容。【國史補】曲江大會，先牒教坊請奏。上御紫雲樓，垂簾觀焉。時或擬作樂，則爲之移日。故曹松詩云：追遊若遇三清樂，行從應妨一日春。勅下後，人置皮袋，例以圖障酒器，錢絹入其中。逢花卽飲。故張籍詩云：無人不借花園宿，到處皆攜酒器行。【原】曲江春宴錄：長安貴家遊賞，翦百花裝成獅子，互相送遺。獅子有小連環，欲送以蜀錦流蘇牽之。曰：春光且莫去，留與醉人看。虞松方春謂握月擔風，且留後日吞花臥酒，不可過時。【玉塵集】穆宗宮中花開，以重頂帳蒙蔽，置惜春御史，號曰括春。【開元天寶遺事】學士許慎選放曠不拘小節，多與親友結宴于花圃中，未嘗具帷幄，設坐具，使童僕輩聚落花鋪于坐下，曰：吾自有花裯，何消坐具。楊國忠子弟每春至之時，求名花異木，植於檻中，以板爲底，以木爲輪，使牽之自轉。所至之處，檻在目前，而便卽歡賞，目之爲移春檻。長安貴遊子弟，每至春時遊宴，供帳于園囿中，隨行載以油幕，或遇陰雨，以幕覆之，盡驩而歸。長安俠少每至春時，結朋聯黨，各乘矮馬，飾以錦鞵金絡，竝轡于花樹下往來，使僕從執酒皿而隨之。遇好園則駐馬而飲。長安士女春時鬪花，戴插以奇花多者爲勝，皆用千金市名花，植于庭苑中，以備春時之鬪也。長安士女遊春野步，遇名花則設席藉草，以紅裙遞相插挂，以爲宴幄。寧王春時于後園中，紉紅絲

爲繩密綴金鈴繫于花梢之上。每有烏鵲翔集。則令園吏掣鈴索以驚之。蓋惜花之故也。【六一詩

話】梅聖俞嘗與范希文席上賦河豚詩。春洲生荻芽。春岸飛楊花。河豚當是時。貴不數魚蝦。河豚常出於春暮。羣游水上。食絮而肥。南人多與荻芽爲羹。云最美。【溫公詩話】先朝春月。多召兩府兩制三館

於後苑賞花。釣魚賦詩。嘉祐末。仁宗復修故事。羣臣和御製詩。是日微陰寒。韓魏公時爲首相。詩卒章云。輕雲閣雨迎天仗。寒色留春入壽杯。二十年前曾侍宴。台司今日喜重陪。【東坡集】吳越王妃。每歲春

必歸臨安。王遺書曰。陌上花開。可緩緩歸矣。吳人用其語爲歌。【歲時雜記】一月二氣六候。自小寒至

穀雨。四月八氣二十四候。每候五日。以一花之風信應之。小寒。一候梅花。二候山茶。三候水仙。大寒。一候

瑞香。二候蘭花。三候山礬。立春。一候迎春。二候櫻桃。三候望春。雨水。一候菜花。二候杏花。三候李花。驚蟄。

一候桃花。二候棠梨。三候薔薇。春分。一候海棠。二候梨花。三候木蘭。清明。一候桐花。二候麥花。三候柳花。

穀雨。一候牡丹。二候酴醾。三候楝花。楝花竟。則立夏。【曲洧舊聞】范蜀公居許。作長嘯堂。前有茶蘼架。

春時宴客。花落酒杯中。飲以大白。舉坐無遺。謂之飛英會。【東臯雜錄】花信風。梅花風最先。楝花風最

後。凡廿四番。以爲寒絕後。唐人詩云。楝花開後風光好。梅子黃時雨意濃。徐師川詩云。一百五日寒食雨。

二十四番花信風。又古詩云。早禾秧雨初晴後。苦楝花風吹日長。【蓬窗續錄】曲江宴。唐進士會同年

於此。豪客園戶爭以名花布道上。進士乘馬盛服鮮製。推同年俊少者爲探花使。白居易詩。春風得意馬

蹶疾。一日看徧長安花。【道山清話】哲宗御講筵。手折一柳枝。翫。程頤爲講官。奏曰。方春萬物發生之時。不可非時毀折。哲宗亟擲于地。【漁隱叢話】蔡繁卿守揚州。春時作萬花會。用花十餘萬枝。園

【遜齋閑覽】河朔春時多大風。飛塵撼木。數日一作二三日方止。以訪左右。對曰。不得是風。且無年。名曰吹花。擘柳風。草木百穀皆藉之。【乾淳歲時記】禁中賞花。非一先期。後苑及修內司。分任排辦。凡諸

苑亭榭。花木妝點一新。錦簾綃幕。飛梭繡毬。以至茵褥。設放器玩。盆窠珍禽異物。各務奇麗。起自梅堂賞梅。芳春堂賞杏花。桃源觀桃。粲錦堂金林檎。照妝亭海棠。蘭亭修禊。至于鍾美堂。大花爲極盛。堂前三面。皆以花石爲臺。各植名品。臺後分植玉蘭繡毬數百株。儼如鏤玉屏。堂內左右。各列三層雕花彩檻。護以彩色牡丹畫衣。間列碾玉水晶金壺。及大食玻璃官窰等瓶。各簪奇品。如姚魏御衣黃照殿紅之類。幾千朵。至于梁棟窗戶間。亦以湘筒貯花。鱗次簇插。何翅萬朵。自中殿妃嬪。以至內官。賞賜有差。下至伶官樂部。應奉人等。亦霑恩賜。謂之隨花賞。至暮春。則稽古會瀛堂賞瓊花。靜侶亭紫笑淨香亭采蘭挑筍。則春事已在綠陰芳草間矣。蔣苑使有小圃。不滿二畝。而花木匠。亭榭奇巧。春時悉以所有書畫玩器。羅列滿前。鬧竿花蓋之類。悉皆縷絲金玉爲之。且立標竿射垛。及鞦韆梭門。鬪雞蹴鞠諸戲事。以娛遊客。衣冠士女至者。招邀杯酒。往往禁煙乃已。謂之放春。【湖山勝槩】豐樂樓舊爲衆樂亭。又改聳翠樓。政和中改今名。淳祐間。趙京尹重建。宏麗爲湖山冠。又甃月池。立秋千梭門。植花木。構數亭。春時遊人繁盛。

【清閒供】春時晨起點梅花湯。課奚奴灑掃護階苔。取薔薇露浣手。薰玉蕤香。讀古赤文綠字書。晌午探筍蕨。供胡麻。汲泉試新茗。午後乘款段馬。執翦水鞭。攜斗酒雙柑。往聽黃鸝。日晡坐柳風前。裂五色牋。集錦囊佳句。薄暮。遶徑灌花。【花史】漢武帝嘗以吸花絲所織錦。賜麗娟。命作舞衣。春暮宴于花下。舞時故以袖拂落花。滿身都著。舞態愈媚。謂之百花舞。宗測春遊山谷間。見奇花異草。則繫於帶上。歸而圖其形狀。名聚芳圖。百花帶。人多效之。武陵儒生苗。形事園池。以接賓客。有野春亭。雜植山花。五色錯列。平潮上有龍湫山花。爛熳不可枚舉。近寺茅簷草舍。皆繞植桃李。春遊士女輻湊。杯盤狼籍。無不手撚花枝。醉呼潦倒者。【西湖志】杭州壽安坊。俗稱官巷。宋時謂之花市。亦曰花團。蓋汴京壽安山下多花園。春時賞宴。爭華競侈。錦簇繡圍。移都後。以花市比之。故稱壽安坊。今兩岸多賣花之家。亦其遺俗也。【隸釋】賦【御製春雨賦】神籥網緼。化機和煦。元氣上融。醲膏下聚。首五行者曰水。潤萬物者惟雨。于時蒼祇蒞節。青鳥司晨。餘寒未斂。禁火方新。風輕颺以習習。雲密布而鱗鱗。垂九霄之嘉澍。飛四野之甘津。始觸石以吐液。旋彌空而散澤。初曳縷以吹絲。繼緣雷而滴墀。乍密還疎。欲斷又續。拂宇披檐。挹川注谷。既磅礴而淋漓。亦瀰漫而滲漉。憂綺埒之明璣。流銅池之文穀。木欣欣以向榮。草萋萋而如沐。若夫徂畛徂隰。是蓑是襦。陸麥漸秀。田禾始苗。廣地道之發育。資土脈之沃饒。雖霑體而塗足。幸渥葉而濡條。況乃灌溉神州。歲汪赤縣。無遠弗屆。靡幽不徧。灑郊牧而歡呼。浹寰瀛而舞抃。慶玉燭之長調。喜豐年之屢見。

夫惟天地之德。廣大無私。春生夏長。雲行雨施。寓栽培于無意。普美利于不知。植品物以咸若。含細大而莫遺。所以解澤徬徨。湛恩深厚。覆被民生。惠鮮隴畝。興有滄于三陽。敷仙霖於千耦。世並享夫豐亨。俗咸登於仁壽。洋洋乎造物之弘功。予一人乎何有。

【晉夏侯湛春可樂賦】春可樂兮。樂東作之良時。嘉新田之啓榮。悅中疇之發苗。桑冉冉以奮條。麥遂遂以揚秀。澤苗翳渚。原卉耀阜。春可樂兮。樂崇陸之可娛。登夷岡以迴眺。超矯駕乎山隅。綴雜花以爲蓋。集繁蕤以飾裳。散風衣之馥氣。納戢懷之潛芳。鶯交交以弄音。翠翾翾以輕翔。招君子以偕樂。攜淑人以微行。【周庾信春賦】宜春苑中春已歸。披香殿裏作春衣。新年鳥聲千種囀。二月楊花滿路飛。河陽一縣併是花。金谷從來滿園樹。一叢香草足礙人。數尺游絲卽橫路。開上林而競入。擁河橋而爭度。出麗華之金屋。下飛燕之蘭宮。釵朶多而訝重。髻鬢高而畏風。眉將柳而爭綠。面共桃而競紅。影來池裏。花落衫中。苔始綠而藏魚。麥纔青而覆雉。吹簫弄玉之臺。鳴佩凌波之水。移戚里而家富。入新豐而酒美。石榴聊泛。蒲桃醖醕。芙蓉玉盞。蓮子金杯。新芽竹筍。細核楊梅。綠珠捧琴至。文君送酒來。玉管初調。鳴絃暫撫。陽春綠水之曲。對鳳廻鸞之舞。更炙笙簧。還移箏柱。月入歌扇。花承節鼓。協律都尉。射雉中郎。停車小苑。連騎長楊。金鞍始被。柘弓新張。拂塵看馬埽。分朋入射堂。馬是天池之龍種。帶乃荆山之玉梁。豔錦安天鹿。新綾織鳳皇。三日曲水向河津。日晚河邊多解神。樹下流杯客。沙頭度水人。鏤薄窄衫袖。穿珠帖領巾。百

丈山頭日欲斜。三哺未醉莫還家。池中水影懸勝鏡。屋裏衣香不如花。

【文賦散句】**晉**傅玄陽春賦。乾坤細縑。冲氣穆清。幽蟄蠢動。萬物樂生。依依陽柳。翩翩浮萍。桃之夭夭。灼灼其榮。繁華曄而耀野。煒芬葩而揚英。【湛方生懷春賦】麥芄芄而含秀。桑藹藹而敷榮。華照灼

以爛林。葉婀娜以媚莖。【王廙春可樂賦】春可樂兮。樂孟月之初陽。冰泮渙以微流。土冒檝而解剛。野

暄卉以揮綠。山蔥蒨以發蒼。【李顥四時賦】平臯眇莽。中林蔥青。野馬飛澗。晨虹垂旌。陽燕南徂。陰鴈

北征。素華皓皓。丹秀熒熒。【謝萬春遊賦】青陽司候。勾芒御辰。陳條灌以摧枯。初莖蔚其曜新。羃豐葉

而爲幄。靡翠草而成茵。【宋劉義恭感春賦】天曉曖而流寒。日陰翳而淪精。風淑穆而吹蘭。雨濛濛而

洗莖。草承澤而擢秀。花順氣而飛馨。【梁元帝春賦】洛陽小苑之西。長安大道之東。苔染池而盡綠。桃

含山而併紅。露霑枝而重葉。網縈花而曳風。【隋蕭愨春賦】落花無限數。飛鳥排花度。禁苑玉饒風。吹

花春滿路。【唐王勃春思賦】蜀川風候隔秦川。今年節物異常年。霜前柳葉銜霜翠。雪裏梅花犯雪妍。

霜前雪裏知春早。看柳看梅覺春好。思萬里之佳期。憶三秦之遠道。澹蕩春色。悠揚懷抱。野何樹而無花。

水何隄而無草。【宋之問春宴韋曲莊序】萬株果樹。色雜雲霞。千畝竹林。氣含煙霧。激樊川而縈碧。

瀨。浸以成波。望太乙而鄰少微。森然逼座。鋪落花以爲藉。結垂楊而代幄。霽景含日。晚霞五彩。而丹青

韶光卷雲。春臯一色而凝黛。【李邕春賦】楊廻曲沼。李雜芳園。條煙濃而曳地。花錦緝而當軒。【李

白春夜宴桃李園序】幽賞未已。高談轉清。開瓊筵以坐花。飛羽觴而醉月。【惜餘春賦】平原萋兮綺色愛芳草兮如翦。惜餘春之將闌。每爲恨而不淺。

【五言古詩】御製春】旭日含新淑。春光覆滿屋。東皇轉歲華。融氣雜山谷。

園【晉郭璞春】青陽暢和氣。谷風穆以溫。英莖擘林蒼。昆蟲咸啓門。高臺臨迅流。四座列王孫。羽蓋停雲陰。翠鬱映玉樽。【齊謝朓新渚】宛洛佳遨遊。春色滿皇州。結軫青郊路。廻瞰蒼江流。日華川上動。風光

草際浮。桃李成蹊徑。桑榆蔭道周。東都已俶載。言歸望綠疇。【梁簡文帝春日】年還樂應滿。春歸思復

生。桃含可憐紫。柳發斷腸青。落花隨燕入。遊絲帶蝶驚。邯鄲歌管地。見許欲留情。【晚日後堂】幔陰通

碧砌。日影度城隅。岸柳垂長葉。窗桃落細跗。花留蛺蝶粉。竹翳蜻蜓珠。賞心無與共。染翰獨踟蹰。【元

帝春日】新鶯隱葉囀。新燕向窗飛。柳絮時依酒。梅花乍入衣。玉珂逐風度。金鞍映日暉。無令春色晚。獨

望行人歸。【望春】葉濃知柳密。花盡覺梅疎。蘭生未可握。蒲小不堪書。【江淹當春四韻】雷萌山中

草。雲煦江上花。流煙漾璇景。輕風泛凌霞。我有幽蘭念。銜意矚望斜。友人殊未還。獨慰檐前華。【虞羲

春郊】光風轉蕙暉。香霧鬱蘭津。暄遲蝶弄蕊。景麗鳥和春。樵歌喧隴暮。漁棹亂江晨。山中芳杜若。依依

獨思人。【王筠春遊】叢蘭已飛蝶。楊柳未藏鴉。物色相煎蕩。微步出東家。既同翡翠翼。復如桃李花。欲

以千金笑。廻君流水車。【鮑泉春日】新燕始新歸。新蝶復新飛。新花滿新樹。新月麗新暉。新光新氣早。

新望新盈抱。新水新綠浮。新禽新聽好。新景自新還。新葉復新攀。新枝雖可結。新愁詎解顏。【蕭瑱春

日貽劉孝綽】澗水初流碧。山櫻早發紅。新禽爭弄響。落蕊亂從風。拂檐多軟幹。映戶悉花叢。誰云相去

遠。垂柳對高桐。【聞人蒨春日】高臺動春色。清池映日華。綠葵向光轉。翠柳逐風斜。林有鳴心鳥。園多

奪目花。相與咸知節。嘆子獨離家。【陳徐陵春日】岸煙起暮色。岸水帶斜暉。徑狹橫枝度。簾搖驚燕飛。

落花承步履。流澗寫行衣。何殊九枝蓋。薄暮洞庭歸。【周庾信詠春】逍遙遊桂苑。寂絕想桃源。狹石分

花徑。長橋映水門。管聲驚百鳥。人衣香一園。定知歡未足。橫琴坐樹根。【楊師道春朝閒步】休沐乘閒

豫。清晨步百林。池塘藉芳草。蘭芷襲幽衿。霧中分曉日。花裏弄春禽。野徑香恆滿。山堦筍屢侵。何須命輕

蓋。桃李自成陰。【唐李白春思】燕草如碧絲。秦桑低綠枝。當君懷歸日。是妾斷腸時。春風不相識。何

事入羅幃。【張子容春江花月夜】林花發岸口。氣色動江新。此夜江中月。流光花上春。分明石潭裏。

宜照浣紗人。【王維贈裴十迪】風景日夕佳。與君賦新詩。澹然望遠空。如意方支頤。春風動百草。蘭蕙

生我籬。曖曖日暖閨。田家來致詞。欣欣春還臯。淡淡水生陂。桃李雖未開。萋萋滿芳枝。請君理還策。敢告

將農時。【韓愈感春】偶坐藤樹下。暮春下旬間。藤陰已可庇。落蕊還漫漫。疊疊新葉大。瓏瓏晚花乾。青

天高寥寥。兩蝶飛翻翻。時節適當爾。懷悲自無端。【孟郊長安早春】旭日朱樓光。東風不驚塵。公子醉

未起。美人爭探春。探春不爲桑。探春不爲麥。日日出西園。祇望花柳色。乃知田家春。不入五侯宅。【獨

孤及山中春思】獼祭川水大。人家春日長。獨謠晝不暮。搔首慚年芳。靡草知節換。含葩向新陽。不嫌三徑深。爲我生池塘。亭午井竈閒。雀聲響空倉。花落沒屐齒。風動羣木香。歸路雲水外。天涯杳茫茫。獨卷萬里心。深入山鳥行。芳景物相迫。春愁未遽忘。【權德輿春日戲題】江春好游衍。處處芳菲積。綵舫入花津。香車依柳陌。綠楊煙裊裊。紅蕊鶯寂寂。如何愁思人。獨與風光隔。【宋曾鞏和張友直城東春日】東流抱孤城。雨洗見春色。風吹百草根。道路千里碧。莫盡溪漫漫。波瀾散無跡。遙林缺見山。冉冉蒼藹積。沙禽有行蹤。文字不可識。青松對桃李。桃紅李花白。紅白勢方競。青青守巖側。君意無不諧。研談欲俱得。賦詩多所陳。炳若觀龜拆。城東不待到。衆物已歷歷。【朱子春日言懷】春至草木變。郊園猶掩扉。茲晨與心會。覽物徧芳菲。桃萼破淺紅。時禽悅朝暉。泉谷暖方融。原田水初肥。東作興庶忙。歲功始在茲。端居適自慰。世事復有期。終然心所向。農畝還當歸。【元吳師道德興開化道中】春晨氣澄穆。雜卉香滿路。百舌鳴高林。墟煙淡如霧。農夫啓門出。在野各有務。行人獨何爲。憧憧自來去。兩崖蒼石間。湍水激清瀉。山桃爛紅芳。光影連上下。春風忽怒起。意乃媚行者。飛花撲人來。攬之欲盈把。【倪瓚春日雲林齋居】池泉春漲深。徑苔夕陰滿。諷詠紫霞篇。馳情華陽館。晴嵐拂書幌。飛花浮茗盃。階下松粉黃。窗間雲氣暖。石梁蘿蔦垂。翳翳行蹤斷。非與世相違。冥栖久忘返。【七言古詩】【晉】陳賀循庭中有奇樹。三春節物始芳菲。遊絲細草動春暉。香風飄舞花間度。好鳥和鳴枝上飛。臨池間竹偏增綠。依塔映雪紛如玉。溫室庭

前竟不言。鼓吹樓中能作曲。曾聞遠別舊難思。攀折會取贈佳期。長條本自堪爲帶。密葉由來好作幃。星稀漢轉月輪明。徘徊夜鵲屢相驚。欲識幽人蘭杜徑。山窗芳桂復叢生。【唐文德后遊春曲】上苑杏花

朝日明。蘭閨豔妾動春情。井上新花偷面色。簷前嫩柳效身輕。花中去來看蝶舞。樹上長短聽流鶯。林下何須遠借問。出衆風流舊有名。【温庭筠陽春曲】雲母空窗曉煙薄。香昏龍氣凝暉閣。霏霏霧雨杏花

天。簾外春威著羅幕。曲闌伏檻金麒麟。沙苑芳郊連翠茵。廐馬何能齧芳草。路人不敢隨流塵。【惜春

詞】百舌問花花不語。低回似恨橫塘雨。蜂爭粉蕊蝶分香。不似垂楊惜金縷。願君留得長妖韶。莫逐東風還蕩搖。秦女含嚔向煙月。愁紅帶露空迢迢。【原】宋寇準江南春】波渺渺。柳依依。孤村芳樹遠。斜日

杏花飛。江南春盡離腸斷。蘋滿汀洲人未歸。【歐陽修春寒】東風吹雲海天黑。饑龍凍雲雨不滴。噴

雷隱隱愁煙白。宿露無光瑤草寂。東皇染花滿春園。天爲花迷惜春色。呼雲鑱月恐紅蕙。幾日春陰養花魄。悠悠遠絮縈空擲。愁思織春挽不得。高樓去天無幾尺。遠岫參差亂屏碧。【徐積江南春】今年是處

春風早。江南地暖春逾好。春風次第入江山。先入梅花旣芳草。芳草春深似有情。眞共江山到洞庭。落花流水武陵道。湖中有山春更青。斜陽西落一點明。少年莫上岳陽城。【陸游雨霽出遊】十日苦雨一日

晴。拂拭拄杖西村行。清溝泠泠流細水。好風習習吹衣輕。四鄰蛙聲已閣閣。兩岸柳色爭青青。辛夷先開半委地。海棠獨立方傾城。春工遇物初不擇。亦秀燕麥開蕪菁。薺花如雪又爛熳。百草紅紫那知名。小魚

誰取置道側。細柳穿頰危。將烹欣然買。放寄吾意。草萊無地蘇。疲氓【元周權春日卽事】吳蠶欲老疇未秧。拍隄野水廻。橫塘淡煙疎。樹綠陰薄。落花飛絮。白日長。寒具油乾。過冷節。匆匆芳事歸。鷓鴣枕書睡。足午窗明。雪乳浮浮。翻兔褐。

【五言律詩】御製春日郊行】春殿晴雲曉。變輿出禁闈。桃花臨紫陌。柳色啓青暉。細雨清塵界。和風散德威。馬嘶馳道遠。滿地盡芳菲。【玉泉春曉】郊墅初晴後。芳春曙色旋。孤巒堆畫障。細穴吐新泉。浪靜鮮鱗躍。風恬紫葍妍。怡情看萬象。浩浩思無邊。【春日觀花】枝上流鶯蚤。千紅萬紫香。氣融催景麗。風過遞年芳。穠李花猶淺。垂楊葉未長。澗中春溜發。疑是奏笙簧。

【七言律詩】唐宋之間春日芙蓉園侍宴】芙蓉秦地沼。盧橘漢家園。谷轉斜盤徑。川廻曲抱源。風來花自舞。春入鳥能言。侍宴瑤池夕。歸途騎吹繁。年光竹裏徧。春色杏間遙。煙氣籠青閣。流文蕩畫橋。飛花隨蝶舞。豔曲伴鶯嬌。今日陪歡豫。還疑陟紫霄。【七言律詩】杜甫春夜喜雨】好雨知時節。當春乃發生。隨風潛入夜。潤物細無聲。野徑雲俱黑。江船火獨明。曉看紅濕處。花重錦官城。【七言律詩】秦系春日閒居】一似桃源隱。將今過

客迷礙冠門。柳長驚夢院。鶯啼澆藥泉。流細圍碁日。影低舉家無外事。共愛草萋萋。【王建長安春遊】騎馬傍閑坊。新衣著雨香。桃花紅粉醉。柳絮白雲狂。不覺愁春去。何曾得日長。牡丹相次發。城裏又須忙。

【韋述春日山莊】初歲開韶月。田家喜載陽。晚晴搖水態。遲景蕩春光。浦淨漁舟遠。花飛樵路香。自然

成野趣。都使俗情忘。【元稹遣春】失却游花伴。因風浪引將。柳堤遙認馬。梅徑誤尋香。晚景行看謝。春心漸欲狂。園林都不到。何處枉風光。【于良史春山月夜】春山多勝事。賞翫夜忘歸。掬水月在手。弄花香滿衣。興來無遠近。欲去惜芳菲。南望鳴鐘處。樓臺深翠微。【李商隱判春】一桃復一李。井上占年芳。笑處如臨鏡。窺時不隱牆。敢言西子短。誰覺宓妃長。珠玉終相類。同名作夜光。【春宵自遣】地勝遺塵事。身閑念歲華。晚晴風過竹。深夜月當花。石亂知泉咽。苔荒任徑斜。陶然恃琴酒。忘却在山家。【春遊】橋峻斑駁疾。川長白鳥高。煙輕唯潤柳。風濫欲吹桃。徙倚三層閣。摩挲七寶刀。庾郎年最少。青草妒春袍。【李中喜春雨有寄】青春終日雨。公子莫思情。任阻西園會。且觀南畝耕。最憐滋隴麥。不恨濕林鶯。父老應相賀。豐年兆已成。【僧貫休春興】柳暖鶯多語。花明草盡長。風流在詩句。牽率繞池塘。叫切禽名宇。飛狂蝶姓莊。時來真可惜。自勉掇蘭芳。【原】僧皎然春興【片雨拂檐楹。煩襟四座清。霏微過麥隴。蕭散傍莎城。靜愛和花落。幽聞入竹聲。朝觀趣無限。高詠寄閒情。】宋梅堯臣和元興遊春韻【乘閒多野興。信馬與君行。碧樹斜通市。清流曲抱城。山花高下色。春鳥短長聲。日暮吾廬近。還歌空復情。【春陰】濃淡雲無定。淒微氣宇寒。鳩鳴桑葉吐。村暗杏花殘。客子行裘薄。春塘野水寬。輕雷欣已發。謬作採茶官。【李彌遜春日雜韻】幽栖足春事。晴日苦相催。屐齒穿沙穩。筇鬚礙竹回。光風初轉蕙。殘雪欲欺梅。自是經過少。柴門日日開。【真山民春遊】春光潑眼明。占勝得新亭。棠醉風扶起。柳眠鶯喚醒。非無

杯泛綠。安得髻皆青。且事日爲樂。歌聲莫暫停。【元陳樵春日】細雨花陰重。輕煙草色勻。驚禽長避客。嬌燕却依人。絃管紅樓酒。踰蹠紫陌塵。東風競遊賞。因想上林春。【葉顥春日】曉洞雲歸濕。青山草木新。天桃含宿雨。嫩柳裊輕塵。蝶翅寒猶怯。蜂衙晚漸陳。香風簇羅綺。已有蹋青人。

【七言律詩】御製景山春望】雲霄千尺倚丹丘。輦下山河一望收。鳳翥中天連紫闕。龍蟠北極壯皇州。煙生沆瀣春初麗。露濕芙蓉翠欲流。却向閭閻看葑屋。崇高還廬廟堂憂。【後苑漫興】佳氣青蔥繞苑牆。紅泉紫岫勝雲莊。雕欄細草經春滿。綺閣繁花入午香。雨露生成隨品類。鳶魚飛躍自低昂。閑亭久坐渾無事。靜對琴書覺意長。

【唐張謂春園家晏】南園春色正相宜。大婦同行少婦隨。竹裏登樓人不見。花間覓路鳥先知。櫻桃解結垂簷子。楊柳能低入戶枝。山簡醉來歌一曲。參差笑煞郢中兒。【包何和程員外春日東郊卽事】郎官休浣憐遲日。野老歡娛爲有年。幾處折花驚蝶夢。數家留葉待蠶眠。藤垂委地縈珠寶。泉迸侵堦浸綠錢。直到閉關朝謁去。鶯聲不散柳含煙。【李紳憶春日曲江宴後許至芙蓉園】春風上苑開桃李。詔許看花入御園。香徑草中廻玉勒。鳳凰池畔泛金樽。綠絲垂柳遮風暗。紅藥低叢拂砌繁。歸繞曲江春景晚。未央明月鎖千門。【王建春日五門西望】百官朝下五門西。塵起春風過玉堤。黃帕蓋鞍呈過馬。紅羅纏頸鬪回雞。館松枝重牆頭出。御柳條長水面齊。唯有教坊南草色。古苔陰地冷萋萋。【楊巨源長安

春遊】鳳城春報曲江頭。上客年年是勝遊。日暖雲山當廣陌。天清絲管在高樓。龍蔥樹色分仙閣。縹緲花香泛御溝。桂壁朱門新邸第。漢家恩澤問鄼侯。【白居易錢塘湖春行】孤山寺北賈亭西。水面初平

雲脚低。幾處早鶯爭暖樹。誰家新燕啄春泥。亂花漸欲迷人眼。淺草纔能沒馬蹏。最愛湖東行不足。綠楊陰裏白沙堤。【杭州春望】望海樓明照曙霞。護江堤白蹋晴沙。潮聲夜入伍員廟。柳色春藏蘇小家。紅

袖織綾誇柿蒂。青旗沽酒趁梨花。誰開湖寺西南路。草綠裙腰一道斜。【認春】認得春風先到處。西園

南面水東頭。柳初變後條猶重。花未開前枝已稠。暗助醉顏尋綠酒。潛添睡興著紅樓。知君未別陽春數。直待春深好擬遊。【溫庭筠春日野行】日西塘水金堤斜。碧草芊芊暗吐芽。野岸明媚山芍藥。水田叫

噪官蝦蟆。鏡中有浪動菱蔓。陌上無風飄柳花。何事輕橈向溪客。綠萍方好不還家。【方千春日】年去

年來似有期。日高添睡是春時。雖將細雨催蘆筍。却用東風染柳絲。重霧已應吞海色。輕霜何事挫花枝。此時野客因花醉。醉臥花間應不知。【宋陳襄春日賞林亭】把酒春亭覽衆芳。水精簾箔逗山光。孤松

冷落千年換。野槿紛華一日香。綠圃煙深迷蛺蝶。曲池波暖睡鴛鴦。文園莫惜羈裘費。買取宜城作醉鄉。【王廷珪春日山行】緩鞚青絲馬不嘶。春山草長靜山扉。迸林新筍斑斑出。隔水幽禽款款飛。雨過泉

聲鳴嶺背。日長花氣撲人衣。雲藏遠岫茶煙起。知有僧居在翠微。【陸游春日小園】市塵不到放翁家。

繞麥穿桑野徑斜。夜雨長深三尺水。曉寒留得一分花。悶從鄰舍分春瓮。閒就僧窗試露芽。自此年光應

更好。日驅秧馬聽繅車。【雨霽春色粲然喜而有賦】應接年光日漸慵。猶能一飲百花空。半霑蝶粉籬
櫳雨。遠送鶯聲巷陌風。千縷麴塵楊柳綠。萬枝猩血海棠紅。從來造物陶甄手。却在閒人詩句中。【朱
子和秀野韻】江臯晴日麗芳華。翠竹疎疎映白沙。路轉忽逢沽酒客。眼明惟見滿園花。望中景助詩人
趣。物外春歸釋子家。向晚却尋芳草徑。夕陽流水遶村斜。【戴昺春事】春事關心常起蚤。愛看景物試
凭欄。戲魚池面微添綠。唬鳥枝頭尙帶寒。斬棘重樊新插柳。剡泉頻灌自栽蘭。年年賸有園林興。每恨廬
邊地不寬。【方岳春日雜興】高下雲藏野老家。縱橫水漱竹籬斜。勒將春去許多雨。流出山來都是花。
白首風煙三徑草。清時鼓吹一池蛙。身閒不耐閒雙手。洗甌炊香夜作茶。南岡北嶺對窗扉。看盡朝嵐
與夕霏。社後未曾聞燕語。雨中誰不惜花飛。山醅約莫幾時熟。沙筍輪囷一尺圍。莫怨風光損桃李。茶蘼
芍藥又芳菲。【高翥春日湖上】清波門外放船時。盡日輕寒戀客衣。花下笑聲人共語。柳邊檣影燕初
飛。曉風不定棠梨瘦。夜雨相連薺麥肥。最憶故山春正好。夜來先遣夢魂歸。【真山民春曉雨】破曉檐
花未放乾。披衣和夢倚闌干。釀成苔暈地猶濕。老盡鶯聲風正寒。無客醉敲金鞮響。有人睡怯翠衾單。牡
丹一夜成消瘦。下却珠簾不忍看。【元宋无春日野步】翳日橙陰翠幄遮。葑園高下奕枰斜。陂塘幾曲
深淺水。桃李一溪紅白花。蘋尾自跳魚放子。綠頭相並鴨眠沙。春郊景物堪圖寫。輸與煙樵雨牧家。【
明陸樹聲】一番風雨釀重陰。雲樹蒼茫自遠林。徑滿煙蘿圍作障。石分泉路細鳴琴。青門插柳關幽思。

紫陌行春滯賞心。最是桃花爭欲放。不禁庭院曉寒侵。【曹大章】東風綠草到平臺。小檻晴臨曲磴隈。月影上洲楊柳亂。霧香沾酒杏花開。佳人步郭逢君飲。臥病憐春強自來。尋勝正當花度日。蕊宮鶯蝶一齊回。【于若瀛】不問深紅與淺紅。名園次第暗芳叢。乍隨絮逐仍依草。忽向西飛又轉東。嫩碧朝添眉自恨。流黃夜罷錦成空。年年一度開還落。始信隋家翦未工。

【五言排律】**園**唐王叡春草碧色。習習東風扇。萋萋草色新。淺深千里碧。高下一時春。嫩葉舒煙際。微香動水濱。金塘明夕照。輦路惹芳塵。造化功何廣。陽和力自均。今當發生日。瀝懇祝良辰。【張嗣初賦得春色滿皇州】何處年華好。皇州淑氣勻。朝陽潛應律。草木暗迎春。柳變金隄畔。蘭抽曲水濱。輕黃垂輦道。微綠映天津。麗景浮丹闕。晴光擁紫宸。不知幽遠地。今日幾枝新。【李商隱永樂縣所居一草一木無非自栽今春悉已芳茂因書卽事一章】手種悲陳事。心期翫物華。柳飛彭澤雪。桃散武陵霞。枳嫩栖鸞葉。桐香待鳳花。綬藤縈弱蔓。袍草展新芽。學植功雖倍。成蹊跡尙賒。芳年誰共翫。終老邵平瓜。【李郢春日題山家】偶與樵人熟。春殘日日來。依崗尋紫菊。挽樹得青梅。燕靜銜泥起。蜂喧抱蕊回。嫩茶重攪綠。新酒略吹醅。漠漠蠶生紙。涓涓水弄苔。丁香正堪結。留步小庭隈。【鄭谷木向榮】園林青氣動。衆木散寒聲。敗葉牆陰在。滋條雪後榮。欣欣春令早。藹藹日華輕。庾嶺梅先覺。隋堤柳暗驚。山川應物候。臯壤起農情。祇待開花日。連栖出谷鶯。

【五言絕句】御製春夜】玉鑪煙靄盡。夜靜百花香。曙氣浮丹陛。春光拂象牀。

【唐張九齡答韋博士】上苑春先入。中園花盡開。唯餘幽徑草。尙待日光催。【張起春情】畫閣餘寒

在新年。舊燕歸。梅花猶帶雪。未得試春衣。【張仲素春遊曲】萬樹江邊杏。新開一夜風。滿園深淺色。照

在綠波中。煙柳飛輕絮。風榆落小錢。濛濛百花裏。羅綺競秋千。【孟郊春後雨】昨夜一霎雨。天意蘇

羣物。何物最先知。虛庭草爭出。【王建春意】雖是杏園主。一株臨古岐。從傷春意早。乞取舊開枝。

【權德輿春日戲題】隨風柳絮輕。映日杏花明。無奈花深處。流鶯三數聲。【許渾長安早春】雲月有歸

處。故山清洛南。秦城一花落。春夢滿江潭。【宋陸游春雨】湖上新春柳。搖搖欲喚人。多情今夜雨。先洗

馬蹏塵。【楊萬里春日】日落碧簷外。人行紅雨中。幽人詩酒裏。又是一春風。

【七言絕句】御製春日】佳氣山川浹地行。物隨節候變初晴。雪消樹底花爭發。冰泮池頭草欲生。

【春晴舟中作】野水漫漫野岸長。幾行嫩柳帶斜陽。不知春色來多少。但覺飛花處處香。

【唐岑參山房春事】風恬日暖蕩春光。戲蝶遊蜂亂入房。數枝門柳低衣桁。一片山花落筆牀。【王

維遊春詞】經過柳陌與桃溪。尋逐春光著處迷。鳥度時時衝絮起。花繁滾滾壓枝低。【韋應物春思】

野花如雪繞江城。坐見年芳憶帝京。闔闔曉開凝碧樹。曾陪鷓鴣聽流鶯。【錢起春郊】水透冰渠漸有

聲。氣融煙霧晚來明。東風好作陽和使。逢草逢花報發生。【盧綸曲江春望】菖蒲翻葉柳交枝。暗上蓮

舟鳥不知。更到無花最深處。玉樓金殿影參差。【翫春因寄馮衛二補闕戲呈李益】掖垣春色自天來。紅藥當階次第開。萱草叢叢爾何物。等閒穿破綠莓苔。【韓愈曲江春遊寄白二十二舍人】漠漠輕陰晚自開。青天白日映樓臺。曲江水滿花千樹。有底忙時不肯來。【白居易晚春】晝靜簾疎燕語頻。雙雙鬪雀動階塵。柴扉日暮隨風掩。落盡閑花不見人。【元稹與吳侍郎春遊】蒼龍闕下陪驄馬。紫閣峯頭見白雲。滿眼流光隨日度。今朝花落更紛紛。【李賀南園】花枝草蔓眼中開。小白長紅越女腮。可憐日暮嬌香落。嫁與春風不用媒。【李約江南春】池塘春暖水紋開。堤柳垂絲間野梅。江上年年芳意早。蓬瀛春色逐潮來。【羅鄴春日題城南韋曲】韋曲城南錦繡堆。千金不惜買花栽。誰知豪貴多羈束。落盡春紅不見來。【韋莊春陌】滿街芳草卓香車。仙子門前白日斜。腸斷東風各回首。一枝春雪凍梅花。【王周問春】遊絲垂幄雨依依。枝上紅香片片飛。把酒問春因底意。爲誰來後爲誰歸。【春答】花枝千萬趁春開。三月闌珊卽自回。剩向東園種桃李。明年依舊爲君來。【劉兼春遊】柳成金穗草如茵。載酒尋花共賞春。先入醉鄉君莫問。十年風景在三秦。【宋寇準春晝偶書】白晝偶成芳草夢。起來幽興有新詩。風簾不動黃鸝語。坐見庭花日影移。【趙抃賞春亭】滂葩浩豔滿亭隈。當席芳樽醉看來。始信君恩不私物。亂山窮處亦花開。【歐陽修豐樂亭遊春】綠樹交加山鳥嘯。晴嵐蕩漾落花飛。鳥歌花落太守醉。明日酒醒春已歸。春雲澹澹日輝輝。草惹行襟絮拂衣。行到亭西逢太守。籃輿酩酊插花歸。紅

樹青山日欲斜。長郊草色綠無涯。遊人不管春將老。來往亭前踢落花。【王珪宮詞】麗日祥煙鎖禁林。櫻桃初熟杏成陰。年年翠輦來遊幸。花落春宮一寸深。【王安石春風】春風過柳綠如纒。晴日蒸紅出小桃。池暖水香魚沒處。一環清浪湧亭臯。【秦觀春日】黃金蕪蕪滿垂楊。尚有春寒到畫堂。酒力漸消歌扇怯。入簾飛雪帶梅香。【崔鶻春日村居】春草門前已沒靴。更無人過野人家。離離細竹時聞雨。淡淡疎簾不隔花。【王鉞段橋春望】拾翠車間輦路塵。山南山北杜鵑春。誰家庭院東風裏。吹出桃花不見人。【金元好問梁園春】暖入金溝細浪添。津橋楊柳綠纖纖。賣花聲動天街遠。幾處春風揭繡簾。【元薩都刺春日偶成】踢馬歸來過早春。空階已見草如茵。東風吹綠青溪柳。馬上輕寒不著人。【馬臻春日閒居】茶香庭院一枰棋。柳影侵堦日自移。因見刺桐花滿樹。等閒憶煞故園時。【西湖春日】要囑園丁取折枝。紅桃白李紫薔薇。石函橋畔人煙晚。挑得春光一擔歸。【春日幽居】淺淺春風尙帶寒。日斜香篆半燒殘。杏花一樹開如錦。怕觸啼鶯不倚闌。【釋石屋山居吟】滿山筍蕨滿園茶。一樹紅花間白花。大抵四時春最好。就中尤好是山家。

【詩散句】**晉陶潛**歡言酌春酒。摘我園中蔬。【齊謝朓】喧鳥覆春洲。雜英滿芳甸。【梁沈約】春風搖雜樹。葳蕤綠且丹。【蕭子範】春情寄柳色。鳥語出梅中。【陳張正見】春光落雲葉。花影發晴枝。【唐王勃】草綠縈春帶。榆青綴古錢。芳樹搖春晚。晴雲入座飛。【岑參】竹深喧暮鳥。花缺露春山。

鶯聲隨坐嘯，柳色喚行春。**【原】**杜甫漢節梅花外，春城海水邊。夜雨翦春韭，新炊間黃粱。野館

濃花發，春帆細雨來。一徑野花落，孤村春水生。雲溪花淡淡，春郭水泠泠。**【圖】**錢起蘭蕙暖初吐，

春鳩鳴欲巢。**【嚴維】**柳塘春水漫，花塢夕陽遲。**【李嘉祐】**野渡花爭發，春塘水亂流。**【儲嗣宗】**鶴

語松上月，花明雪裏春。**【劉禹錫】**花含欲語意，草有鬪生心。**【柳宗元】**平野春草綠，晚鶯嘯遠林。

【白居易】紅簇交枝杏，春含卷葉荷。春樹花珠顆，春塘水麴塵。**【崔塗】**忽覺草木變，始知天地春。

【曹松】御柳舞著水，野鶯嘯破春。**【宋余靖】**松溪千蓋雨，茶圃一旗春。**【司馬光】**草遠春街碧，花

繁夕市紅。**【毛滂】**春渚連天闊，春風夾岸香。**【王安石】**冉冉春行暮，菲菲物競華。**【蘇軾】**行看花

柳動，共享無邊春。**【晁補之】**春風入木心，皮肌發紅綠。**【吳中復】**花涵清露曉，風卷綠波春。**【元**

馬祖常】竹光浮畫碧，花蕊颺春紅。**【陳樵】**春風何處來，草木忽已榮。**【倪瓚】**靡蕪細雨濕，桃李春

風寒。**【馬臻】**淑氣浮芳鮮，山澤一時綠。**【原】**馮琦梅圃懸春月，松扉拂澗虹。**【圖】**唐王維草色全

經細雨濕，花枝欲動春風寒。**【李白】**長安白日照春空，綠楊結煙垂裏風。**【杜甫】**落花遊絲白日靜，

鳴鳩乳燕青春深。**【李賀】**朱城報春更漏轉，光風催蘭吹小殿。**【温庭筠】**霏霏霧雨杏花天，簾外春

威著羅幕。**【曹松】**半夜笙歌教洗月，平明桃李放燒春。**【司空圖】**孤嶼池痕春漲滿，小欄花韻午晴

初。**【宋韓琦】**草濕漫鋪留醉席，榆寒難掃買春錢。**【石延年】**鶯聲不逐春光老，花影長隨日脚流。

【王安石】濃綠萬枝紅一點。動人春色不須多。【蘇軾】臥聞百舌呼春風。起尋花柳村村同。陋巷關門負朝日。小園除雪得春蔬。迢迢爐香初泛夜。離離花影欲搖春。【陸游】小桃婀娜并芳柔。紅蘭茁芽滿春洲。小樓一夜聽春雨。深巷明朝賣杏花。新陽蘇醒春前柳。輕暖醫治雪後梅。春深水暖多魚婢。雨足年豐少麥奴。靜院春風傳浴鼓。畫廊晚雨濕茶煙。【元耶律楚材】花藏徑畔春泉碧。雲散林梢晚照明。【郝經】四圍紅錦春風軟。滿地綠陰春晝長。【許衡】萬樹春紅羅錦綺。一灣晴碧捲玻璃。【王惲】花枝入簾春夢香。遊絲翻空清晝長。【許謙】春風生草雉堞青。隨處軟茵供小坐。【倪瓚】柳絮如煙迷曉浦。杏花飛雪點春波。【顧阿瑛】桃花亭亭笑酣春。溪邊浣花染溪水。【馬臻】蟄雷夜送催花雨。香徑春迷鬪草人。【唐上官儀】春堤芳草積。【杜甫】春風花草香。【武元衡】春風綻百花。【白居易】春染柳梢黃。【韋莊】杏花春陌馬聲嬌。【宋劉筠】杏梁春晚燕占泥。【宋祁】風光駘蕩百花春。【蘇軾】滿地春風掃落花。【陸游】春晚江邊草過腰。春近野梅香初動。【元虞集】山雨欲來春樹暗。桃花吹雨春牽纜。【周權】渚波春綠荻芽新。【郭鈺】野徑春煙匝翠蘿。萬絲煙柳鎖春晴。【葉顛】隔溪春色兩三花。

【詞】**虞**唐馮延巳三臺令。春色春色。依舊青山紫陌。日斜柳暗花羞。醉臥春風少年。少年少年。少行樂直須及早。【王建三臺令】蝴蝶蝴蝶。飛上金枝玉葉。君前對舞春風。百葉桃花樹紅。紅樹紅樹。燕語鶯啼。

日暮。【宋毛滂憶秦娥】夜夜。夜了花朝也。連忙指點銀瓶索酒嘗。明朝花落知多少。莫把殘紅掃。愁

人。一片花飛減却春。【洪适生查子】桃疎蝶惜春。柳困鶯銜絮。日影過簾旌。多少閒愁緒。紅綻武陵

溪。綠暗章臺路。春色似行人。無意花間住。【唐和凝春光好】蘋葉軟。杏花明。畫船輕。雙浴鴛鴦出綠汀。

棹歌聲。春水春風無浪。春天半雨半晴。紅粉相隨南浦晚。幾含情。【宋張榘浣溪沙】習習輕風破海

棠。鞦韆移影上廻廊。晝長蝴蝶爲誰忙。度柳早鶯分暖綠。過花小蝶帶春香。滿庭芳草又斜陽。【高

觀菩薩蠻】春風吹綠湖邊草。春光依舊湖邊道。玉勒錦障泥。少年遊冶時。煙明花似繡。且醉旗亭酒。

斜日照花西。歸鴉花外啼。【程垓菩薩蠻】畫橋泊泊春江綠。行人正在春江曲。花潤接平川。有人花底

眠。東風原自好。日怕催花老。安得萬垂楊。繫教春日長。【周密謁金門】芳事晚。數點杏鈿香淺。惻惻

輕寒風翦。錦屏春夢遠。穉柳拖煙嬌軟。花影暗藏深院。初試輕衫并畫扇。牡丹紅未展。【李之儀

好事近】春到雨初晴。正在小樓時節。柳眼向人微笑。傍闌干堪折。暮山濃淡瑣煙霏。梅杏半明滅。玉

笋莫辭沉醉。判歸時斜月。【唐歐陽炯清平樂】春來階砌。春雨如絲細。春徑滿飄紅杏蒂。春燕舞隨風

勢。春幡細縷春繒。春閨一點春燈。自是春心撩亂。非關春夢無憑。【宋王安國清平樂】留春不住。費

盡鶯兒語。滿地殘紅宮錦污。昨夜南園風雨。小憐初上琵琶。曉來思繞天涯。不肯畫堂朱戶。春風自在

楊花。【王安中清平樂】花時微雨。未減春分數。占取簾疏花密處。把酒聽歌金縷。斜風輕度濃香閒

情正與春長。向晚紅燈入坐。嘗新青杏隨觴。【盧祖臯西江月】燕掠晴絲裊。魚吹水葉粼粼。禁街微雨灑芳塵。寒食清明相近。謾著宮羅試暖。閒呼社酒酬春。晚風簾幕悄無人。二十四番花信。【毛滂西江月】煙雨半藏楊柳。風花初著桃花。玉人細細酌流霞。醉裏將春留下。柳外鴛鴦作伴。花邊蝴蝶爲家。醉翁醉也且由他。月在柳橋花下。【周密西江月】波影暖浮玉甃。柳陰深鎖金鋪。湘桃花褪燕調雛。又是一番春暮。碧桂情深鳳怨。雲屏夢淺鶯呼。繡窗人倦冷薰爐。簾影搖搖亭午。【吳潛南柯子】池水凝新碧。欄花駐老紅。有人獨倚橋東。手把一枝楊柳繫春風。鵲伴遊絲墮。蜂黏落蕊空。秋千庭院小簾櫳。多少閒情閒緒。雨聲中。【楊无咎於中好】墻頭豔杏花初試。繞珍叢。細按紅蕊。欲知占盡春明媚。悄無意看桃李。持杯準擬花間醉。一葉兩葉飛墮。晚來旋旋深無地。更聽得東風起。【毛滂蹋莎行】階影紅遲。柳苞黃徧。纖雲弄日陰晴半。重簾不捲篆香橫。小花初破春叢淺。鳳繡猶重。鳴爐長暖。屏山翠入江南遠。醉輕夢短枕閒欹。綠窗窈窕風光轉。【元何可視蝶戀花】金井啼鴉深院曉。颺盡東風。柳絮吹難了。燕子多情相識早。杏梁依舊舊雙雙到。一縷沉煙簾幕悄。滿眼飛花。祇攪人懷抱。十二玉樓春樹杪。天涯不斷青青草。【宋俞國寶風入松】一春長費買花錢。日日醉湖邊。玉驄慣識西湖路。驕嘶過沽酒樓前。紅杏香中歌舞。綠楊影裏秋千。暖風十里麗人天。花壓髻雲偏。畫船載得春歸去。餘情付湖水湖煙。明日重扶殘醉。來尋陌上花鈿。【柳永木蘭花慢】坼桐花爛熳。乍疎雨。洗清明。正豔杏燒

林。細。桃。繡。野。芳。景。如。屏。傾。城。盡。尋。勝。賞。驟。雕。鞍。紺。轡。出。郊。坳。風。暖。繁。絃。脆。管。萬。家。競。奏。新。聲。盈。盈。鬪。草。踢。青。人。豔。冶。遞。逢。迎。向。路。旁。往。往。遺。簪。墜。珥。珠。翠。縱。橫。歡。情。對。佳。麗。地。任。金。壘。罄。竭。玉。山。傾。擲。却。明。朝。永。日。畫。堂。一。枕。春。醒。【黃機喜遷鶯】平湖百畝種滿湖蓮葉繞堤楊柳冉冉波光輝輝煙影空翠濕露襟袖靜愜鄰雞啼午暖逼沙鷗眠晝西園路更紅塵不斷蝶酣蜂瘦知否堪畫處野薺蕪菁冒地鋪茵繡桃李陰邊桑麻叢裏斜矗酒帘誇酒竹寺小依山趾茅店平窺津口春又晚正香風有客倚闌搔首

別錄【汜勝之書】栽樹正月爲上時二月爲中時三月爲下時然棗雞口槐兔目桑蝦蟆眼榆負瘤散其餘雜木鼠耳宜起各其時凡種栽并插皆用此等形象【本草】凡採根物多以春月採者謂春初津潤始萌未衝枝葉勢力淳濃也春月移栽各樹宜上半月前則茂而結實移栽松柏槐柳桑柘橙橘各色樹皆可

廣羣芳譜卷第一

天時譜

正月立春雨水元日
入日上元附見

【禮記月令】孟春之月。日在營室。昏參中。旦尾中。【註】日月會於姬訾。而斗建寅之辰也。是月也。天氣下降。地氣上騰。天地和同。草木萌動。王命布農事。命田舍東郊。皆修封疆。審端徑術。善相丘陵。阪險原隰。土地所宜。五穀所殖。以教道民。必躬親之。田事既飭。先定準直。農乃不惑。【梁元帝纂要】正月孟春。亦曰孟陽。孟陬。上春。初春。開春。發春。獻春。首春。首歲。初歲。開歲。發歲。獻歲。肇歲。芳歲。華歲。【園花月令】是月也。迎春生。櫻桃胎。望春盈。眸蘭蕙芳。李能白。杏花飾其靨。【瓶史月表】正月。花盟主。梅花。寶珠茶。花客卿。山茶。鐵幹海棠。花使令。瑞香。報春。木瓜。【花曆】正月。瑞香烈。徑草綠。百花萌動。

【詩豳風】三之日于耜。【疏】三之日。三陽之月。夏之正月也。于耜。往修田器也。【禮記月令】是月也。天子乃以元日祈穀於上帝。乃擇元辰。天子親載耒耜。措之于參保介之御間。帥三公九卿諸侯大夫躬耕帝籍。天子三推。三公五推。卿諸侯九推。【周禮天官】上春詔王后帥六宮之人。而生種稷之種。而獻之于王。【夏小正】正月柳稊。【註】稊也者。發莖也。梅杏棗桃則華。【註】棗桃山桃也。【大戴

【禮】孟春百草權輿。【國語】太史順時覩土農祥晨正土乃脈發。【註】農祥天駟卽房星也晨正中也。謂正月初也。【管子】正月令農始作服於公田農耕及雪釋耕始焉芸卒焉。【西京雜記】戚夫人侍高帝常以正月上辰出池邊盥濯食蓬餌以祓妖邪。【酉陽雜俎】北朝婦人正月進箕帚長生花。【夢溪筆談】正月陽氣始建兆乎萬物故曰登明。【續明道雜志】紹聖戊寅歲余在黃州見上元沽酒人頭已簪麥穗土人言當年不爾。【賞心樂事】正月玉照堂賞梅叢奎閣賞山茶湖山尋梅攬月橋看新柳。【歲華紀麗】正月二十三日聖壽寺前蠶市張公詠始卽寺爲會使民鬻農器。【立春】禮記月令先立春三日太史謁之天子曰某日立春盛德在木天子乃齋立春之日天子親帥三公九卿諸侯大夫以迎春於東郊。【後漢書禮儀志】立春日夜漏未盡五刻京師百官皆衣青衣郡國縣道官下至斗食令史皆服青幘立春旛施土牛耕人於門外以示兆民。【易通卦驗】立春條風至冰解楊柳津。【要覽】列子御風常以立春歸於八荒是風至則草木發生。【玉泉記】立春日取弘農宜陽金門山竹爲管河內葭草爲灰以候陽氣。【摭遺】東晉李鄂立春日命以蘆葍芹芽爲菜盤相餽。【四時寶鏡】立春日春餅生菜號春盤。【景龍文館記】正月八日立春內出綵花賜近臣武平一應制云鸞輅青旂下帝臺東郊上苑望春來黃鶯未解林間囀紅蕖先從殿裏開畫閣條風初變柳銀塘曲水半含苔欣逢睿藻光韶律更促霞觴長景催是日中宗手勅批云平一年雖最少文甚警新悅紅蕖之先開

訝黃鶯之未囀。循還吟咀。賞嘆兼懷。今更賜花一枝。以彰其美。所賜學士花。竝令插在頭上。後所賜者平一左右交插。因舞蹈拜謝。時崔日用乘酣飲。欲奪平一所賜花。上於簾下見之。謂平一曰。日用何爲奪卿花。平一跪奏曰。讀書萬卷。從日用滿口虛張。賜花一枝。學平一終身不獲。上及侍臣大笑。因更賜酒一杯。當時嘆美。

【齊人月令】立春日。食生菜。取迎新之意。

【東京夢華錄】立春日。自郎官御史以上。皆賜春幡勝。入賀訖。戴歸私第。又士大夫家。翦綵爲春幡。或綴於花枝之下。或剪爲春蝶。春錢。春勝。以爲戲。東坡立春日。亦簪幡勝。過子由。諸子姪笑指云。伯伯老人亦簪花勝耶。

【圓】撫言】安定郡王立春日。作五辛盤。

【圓】修真祕言】立春日。清朝北望。有紫綠白雲者。爲三元君三素飛雲也。蘇魏公作春帖子詞。萬年枝上看春色。三素雲中望玉晨。

【熙朝樂事】立春舉酒。縷切粉皮。雜以七種生菜。供奉筵間。蓋古人辛盤之遺意焉。

【雨水】【圓】孝經緯】立春後十五日。斗指寅爲雨水。

【七修類稿】雨水正月中。天一生水。春始屬木。然生木者必水也。

【元日】【圓】舊唐書姚璿傳】長壽二年元日大雪。上謂羣臣曰。元日雪。百穀豐。此語有何故實。璿曰。汜勝之書。雪是五穀之精。

【四民月令】梅花酒。元日服之却老。

【風土記】元日食五辛。以煉形。以助五臟。

【圓】裴玄新語】正旦縣官殺羊。懸其頭於門。又磔雞以禱之。俗說以厭厲氣。玄以問河南伏君。伏君曰。是月土氣上升。草木萌動。羊嚼百草。雞啄五穀。故殺之以助生氣。

【荆楚歲時記】正月一日。進椒柏酒。飲桃湯。進屠蘇酒。膠牙錫。下五辛盤。造桃版著戶。謂之仙木。按四

民月令云。過臘一日。謂之小歲。拜賀君親。進椒酒。椒是玉衡星精。服之令人身輕耐老。柏是仙藥。成公子安椒花銘。則曰。肇惟歲首。月正元日。厥味惟珍。蠲除百疾。是知小歲則用之。漢朝元正則行之。桃者五行之精。厭伏邪氣。制百鬼也。董助云。俗有歲首用椒酒。椒花芬香。故采花以貢樽。【風俗記】正旦楚人上松柏頌。周庾信有柏葉銘。【清異錄】咸通後。士風尙於正旦未明。佩紫赤囊。中盛人參木香。如豆樣。時傾出嚼吞之。至日出乃止。號迎年佩。【石湖詩註】成都元日。滴酥爲花。熬芋爲柳葉。三夕張燈如上元。【熙朝樂事】正月朔日。簽柏枝於柿餅。以大橘承之。謂之百事大吉。【人日】**園**景龍文館記。景龍四年七日。宴大明殿。賜王公以下綵縷人勝。李嶠應制詩。桂吐半輪迎此夜。莫開七葉應今朝。蘇頌詩。七葉仙萸承月吐。千林御柳拂烟開。崔日用詩。曲江苔色冰前液。上苑梅香雪裏飄。【荆楚歲時記】正月七日爲人日。以七種菜爲羹。剪綵爲人。或鏤金箔爲人。以貼屏風。亦戴之頭鬢。又造花勝以相遺。登高賦詩。【上元】**園**明皇雜錄。唐上元夜。宮人以黃羅包柑。遣近臣。謂之傳柑宴。**園**影燈記。洛陽人家造芋。郎君食之。宜男女。【荆楚歲時記】正月望日。作豆糜以祀門戶。先以柳枝插門。隨枝所指。以酒脯飲食及豆粥。插箸而祭。【聞見近錄】紹聖二年上元。幸集禧觀。出宮花。賜從駕臣僚各數十枝。時人榮之。

園梁昭明太子錦帶書。北斗周天。送玄冥之故節。東風拂地。啓青陽之芳辰。梅花舒兩歲之裝。柏

葉汎三光之酒

【宋張耒人日飲酒賦】歲後七日其名曰人愛此嘉名飲酒歡欣豈竹木之始和生

庶彙而施仁【明倪謙早春賦】漏暖信于梅枝兮見天心之來復窺韶光于柳眼兮驗百卉之回綠
【顧起元元夕賦】霧淑風隄乍旖旎以醒柳霜墟冰嶠尙參差而落梅

【五言古詩】梁沈約初春【夾道覓陽春相將共攜手草色猶自腓林中都未有無事逐梅花空教信
楊柳且復歸去來含情寄杯酒】周宗懷蚤春【昨暝春風起今朝春氣來鶯鳴一兩轉花樹數重開散

粉成初蝶翦綵作新梅遊客三千里無暇上高臺【隋薛道衡人日】入春纔七日離家已二年人歸落
鴈後思發在花前【唐白居易立春後五日】立春後五日春態紛婀娜白日斜漸長碧雲低欲墮殘冰

折玉片新萼排紅顆遇物盡欣欣愛春非獨我迎芳後園立就暖前簷坐還有惆悵心欲別紅爐火

【七言古詩】唐李賀正月樂詞【上樓迎春新春歸暗黃著柳宮漏遲薄薄淡靄弄野姿寒綠幽風生
短絲錦牀曉臥玉肌冷露臉未開對朝暝官街柳帶不堪折早晚菖蒲勝綰結

【五言律詩】御製元夜與諸王宴飲乾清宮【今夕丹帷宴聯翩集懿親傳柑宜令節行葦樂芳春香泛
紅螺重光搖絳蠟新不須歌湛露明月足留人

【唐虞世南奉和獻歲讌宮臣】履端初啓節長苑命高筵肆夏喧金奏重潤響朱絃春光催柳色日彩
泛槐烟微臣同濫吹謬得仰鈞天【盧照鄰元日述懷】筮仕無中秩歸耕有外臣人歌小歲酒花舞大

唐春草色迷三徑。風光動四鄰。願得長如此。年年物候新。【高紹晦日宴高氏林亭】嘯侶入山家。臨春翫物華。葛絲調綠水。桂醕酌丹霞。岸柳開新葉。庭梅落早花。興洽林亭晚。方還倒載車。【嚴維晦日宴遊】晦口湔裾俗。春樓致酒時。出山還已醉。謝客舊能詩。溪柳薰晴淺。巖花待閨遲。爲邦久無事。比屋自熙熙。【白居易新居早春】靜巷無來客。深居不出門。鋪沙蓋苔面。掃雪擁松根。漸暖宜閒步。初晴愛小園。見花都未有。唯覺樹枝繁。【曹松立春】春日一杯酒。便吟春日詩。木梢寒未覺。地脈暖先知。烏轉星沉後。山分雪薄時。寧無翦花手。贈與最芳枝。【宋呂夷簡江南立春】灰律何時應。江春昨夜來。細風先動柳。殘雪不藏梅。餘冷迷清管。微和發凍醅。閉門無客到。樽俎爲誰開。【宋伯仁歲旦】居閒無賀客。早起但如常。桃版隨人換。梅花隔歲香。春風回笑語。雲氣卜豐穰。柏酒何勞勸。心康壽自長。【元趙孟頫早春】谿上春無賴。清晨坐水亭。草芽隨意綠。柳眼向人青。初日收濃霧。微波亂小星。誰歌採蘋曲。愁絕不堪聽。

【七言律詩】唐韋元旦奉和立春遊苑迎春應制。灞涘長安恒近日。殷正臘月早迎新。池魚戲葉仍含凍。宮女裁花已作春。向苑雲疑承翠幄。入林風若起青蘋。年年斗柄東無限。願挹瓊觴壽北辰。【馬懷素奉和立春遊苑迎春應制】元籥飛灰出洞房。青郊迎氣肇初陽。仙輿暫下宜春苑。御醴行開薦壽觴。映水輕苔猶隱綠。隄弱柳未輸黃。惟有裁花飾簪鬢。恒隨聖藻狎年光。【杜甫立春】春日春盤細

生菜忽憶兩京梅發時。盤出高門行白玉。菜傳纖手送青絲。巫峽寒江那對眼。杜陵遠客不勝悲。此身未
知歸定處。呼兒覓紙一題詩。【戴叔倫和汴州李相公勉人日喜春】年來日日春光好。今日春光好更

新。獨獻菜羹憐應節。遍傳金勝喜逢人。烟添柳色看猶淺。鳥踏梅花落已頻。東閣此時聞一曲。翻令
和者不勝春。【園】韋莊立春【青帝東來日馭遲。暖烟輕逐曉風吹。鬪袍公子樽前覺。錦帳佳人夢裏知。雪圃

乍開紅菜甲。綵幡新翦綠楊絲。殷勤爲作宜春曲。題向花牋貼繡楣。【宋韓琦至和乙未元日立春】

元日難逢是立春。普天誰不喜佳辰。一年氣候均諸節。萬卉芳菲實九旬。柏葉始傾爲壽酒。土牛隨示力
耕人。故陰盡革無餘臘。端朔陽來慶共新。【蘇軾正月二十日往岐亭郡人潘古郭三人送予於女王

城東禪莊院】十日春寒不出門。不知江柳已搖村。稍聞泱泱流冰谷。盡放青青沒燒痕。數畝荒園留我

住。半瓶濁酒待君溫。去年今日關山路。細雨梅花正斷魂。【范成大立春日郊行】竹擁溪橋麥蓋坡。土

牛行處亦笙歌。麴塵欲暗垂垂柳。酷面初明淺淺波。日滿縣前春市合。潮平浦口暮帆多。春來不欲兼無

句。奈此金旛綵勝何。【陸游立春前一日作】開年化日已舒長。漸見風和鳥變吭。冒土萱芽穿嫩綠。拂

橋柳色弄輕黃。重溫壽酒屠蘇醖。探惜春盤餅餌香。不入城門今幾歲。遙知車馬正匆忙。【立春日】日

出風和宿醉醒。山家樂事滿餘齡。年豐臘雪經三白。地暖春郊已遍青。菜細簇花宜薄餅。酒香浮螳瀉長

瓶。湖村好景吟難盡。乞與侯家作畫屏。【朱淑真立春】停杯不飲待春來。和氣先春動六街。生菜乍挑

宜捲餅。羅幡旋翦稱聯釵。休論殘臘千重恨。管入新年百事諧。從此對花并對景。盡拘風月入詩懷。

【元程鉅夫和王寅夫郎中元日立春】馬蹄塵裏度芳辰。帶得陽和到七閩。山翠倚天迎好客。風光滿地屬吟身。高情古柳仍青眼。時態天桃自絳脣。從此不憂江海遠。春官袖有十分春。【楊維禎嬉春體】今

朝立春好天氣。況是太平朝野時。走向南鄰覓酒伴。還從西墅買花枝。陶令久辭彭澤縣。山公祇愛習家池。宜春帖子題贈爾。日日春遊日日宜。西子湖頭春色濃。望湖樓下水連空。柳條千樹僧眼碧。桃花一株人面紅。天氣渾如曲江節。野人正是杜陵翁。得錢沽酒勿復較。如此好懷誰與同。

【五言排律】唐冷朝陽立春。玉律傳佳節。青陽應北辰。土牛呈歲稔。綵燕表年春。臘盡星廻次。寒餘月建寅。風光何處好。雲物望中新。流水初銷凍。潛魚欲振鱗。梅花將柳色。偏思越鄉人。【明吳兆元旦書事】閩中風景麗。元旦百花開。有岸皆縈草。無波不染苔。樹光搖粉堞。雲彩照金壘。濃黛新年點。春衣隔歲裁。夜爐藏宿火。曉燭翦殘灰。袖裏分餘蕙。釵邊冒落梅。松枝當戶插。淑氣拂窗來。正好隨懽笑。那知客思催。

【五言絕句】御製春盤。小摘園中露。新香糝作羹。歲和欣有兆。甘菜已春生。

【唐杜甫瀼西果園】正月喧鶯未。茲辰放鷓初。雪籬梅可折。風樹柳微舒。【李中早春】一種和風至。千花未散妍。草心竝柳眼。長是被恩先。【儲嗣宗早春】野樹花初發。空山獨見時。踟躕歷陽道。鄉思滿

南枝【宋朱子立春前一日】雪花寒送臘梅萼暖生春歲晚江村路雲迷景更新

【七言絕句】**唐**元稹第三歲日詠春風憑楊員外寄長安柳【三日春風已有情拂人頭面稍憐輕殷勤爲報長安柳莫惜枝條動軟聲】**楊**巨源城東早春【詩家清景在新春綠柳纔黃半未勻若待上林

花似錦出門俱是看花人】**韓**滉晦日呈諸判官【晦日新晴春自嬌萬家攀折渡長橋年年老向江城

守不覺東風換柳條】**來**鵬早春【新曆才將半紙開小庭猶聚爆竿灰偏憎楊柳難鈴轄又惹東風意

緒來】**宋**黃庶探春【雪裏猶能醉落梅好營杯具待春來東風便試新刀尺萬葉千花一手栽】**方**

岳立春【綵燕雙簪翡翠翹巧裁銀勝試春韶東風已到闌干北看見嬌黃上柳條】**真**山民早春【小

桃枝上認年華隨分紅開一兩花將謂春風只城市也吹春色到山家】**元**劉詵元日【曉街泥淺馬蹄

過元日雖陰地已和處處桃花如二月東風應比去年多】**劉**因探春【道邊殘雪護頽牆牆外柔絲露

淺黃春色雖微已堪惜輕寒休近柳梢傍】**趙**雍早春【高捲珠簾日漸長梅花庭院雪飄香閒倚闌干

看新柳不知誰爲染鵝黃】**明**李東陽正月十八日甘棠院【上元纔過又尋春紅白山花粲粲新似喜

使君初病起隔欄相向笑迎人】**陳**繼儒早春【春風無力柳條斜新草微分一抹沙欲向主人借鋤插

掃開殘雪種梅花

【詩散句】**原**唐杜甫【元日到人日未有不陰時冰雪鶯難至春寒花較遲】**增**唐張謂【北斗回新歲

東園值早春。竹風能醒酒。花月解留人。【趙璜】正月今朝半。陽臺信未廻。水芹寒不食。山杏雨應開。

【宋之問】節晦莫全落。春遲柳暗催。【杜甫】春城廻北斗。郢樹發南枝。【金李俊民】梅從今夜落。柑

憶舊時傳。【原】唐杜甫樽前柏葉休。隨酒勝裏金花巧耐寒。【方干】正氣纔隨灰律變。殘寒更被野

梅欺。【羅隱】一三三四五六七。萬物生芽是今日。【宋蘇軾】七種共挑人日菜。千枝先翦上元燈。

【劉克莊】旋遣廚人挑薺菜。虛勞座客頌椒花。未將柏葉簪新歲。且與梅花敍隔年。【陸游】菊芽冒

土如爭出。柳色搖村已漸勻。【蘇軾】挑菜年年俗。青蒿黃韭試春盤。

【詞】御製立春調寄太平時。淑景維新爆竹聲。手調羹。詞臣載筆賦瓊英。學西京。鳳閣龍樓晝漸長。

物資生。勸官勉力盡昇平。竹馬迎。

【原】宋蘇軾減字木蘭花。春牛春杖。無限春光來海上。便與春工。染得桃花似肉紅。春幡春勝。一陣春

風吹酒醒。不似天涯。捲起楊花似雪花。【原】歐陽修蝶戀花。簾幙東風寒料峭。雪裏香梅。先報春來早。

紅蠟枝頭雙燕小。金刀翦綵呈纖巧。旋暖金爐熏蕙藻。酒入橫波。困不禁煩惱。繡被五更春睡好。羅帷

不覺紗幮曉。【原】辛棄疾蝶戀花。誰向椒盤簪綵勝。整整韶華。爭上春風鬢。往日不堪重記省。爲花常

把新春恨。春未來時先借問。晚恨開遲。早又飄零近。今歲花期消息定。只愁風雨無憑準。【原】孫巨

源傳言玉女。一夜東風。不見柳梢殘雪。御樓烟暖。對鼇山綵結。簫鼓向晚。鳳輦初回宮闕。千門燈火。九

遶風月。繡閣人人乍嬉遊。困又歇。豔妝初試。把珠簾半揭。嬌羞向人。手撚玉梅低說。相逢長是上元時節。【丘密洞仙歌】江城梅柳。慣得春先處。催趁風光上歌舞。見九衢車馬。流水如龍。喧笑語羅綺香塵載路。歡娛多暇日。樽俎風流。重見承平舊官府。有多少佳麗事。墮珥遺簪。芳徑裏瑟瑟珠璣翠羽。好借取韶華醉連宵。更莫待收燈酒闌人去。【辛棄疾漢宮春】春已歸來。看美人頭上。裊裊春幡。無端風雨未冝收。盡餘寒。年時燕子。料今宵夢到西園。渾未辨。黃柑薦酒。更傳青韭堆盤。却笑東風從此。便薰梅染柳。更沒些閑。閑時又來鏡裏。轉變朱顏。清愁不斷。問何人會解連環。生怕見。花開花落。朝來塞雁先還。

別錄原【占候】占書云。三日得甲。爲上歲。四日中歲。五日下歲。月內有甲寅。米賤。得辛。一日旱。二日小收。三四日主水。麥半收。五六日小旱。七分收。八日歲稔。一云春旱不收。一日麥收十分。二日禾蠶收。三日四日田蠶全收。五日六日麻粟麥蠶半收。七日八日旱。禾麻麥粟少收。絲貴。通書云。歲首甲子。蟲災桑穀貴。丙子旱。戊子收。壬子綿貴。周益公日記云。歲首甲寅。穀畜貴。丙寅。油鹽貴。戊寅。壬寅。穀先貴後賤。庚寅。穀畜貴。月內有三卯。宜豆。無則早種禾。一云。一日得卯十分收。二日低田半收。三四日大水。五日六日半收。七日八日春澇全收。乙卯。荆楚米貴。丁卯。周秦米貴。己卯。燕趙米貴。辛卯。韓魏米貴。癸卯。宋魯豆貴。得辰。一日雨多。二日風多。先旱半熟。低田全收。七日雨多。麻豆全收。三日雨晴勻。四日收七分。五日歲稔。六日大稔。七日水損田。蕎麥收。八日先旱後澇。九日大麥收。仲夏水災。十日旱。禾半收。十一日五

穀不收。冬大雪。十二日。冬大雪。五穀收。歲首得甲申。五穀收。丙申。穀損。蟲食菜。戊申。六畜災。壬申。澇得酉。一日。二日。大豐。三日。四日。民安。五日。至十日。中歲。民不安。十一。十二日。歲大熟。月內有三子。葉少。蠶多。無三子。則葉多。蠶少。有三卯。則早豆收。無則少收。有三亥。主大水。一云。正月得三亥。湖田變成海。在正月。節氣內方準。占書云。一日。雞。天晴。人安。國泰。二日。犬。晴。主大熟。三日。猪。晴。主君安。四日。羊。晴。主春暖。臣順。五日。馬。晴。明。四望無怨氣。六日。牛。晴。明。日月光明。大熟。七日。人。晴。明。民安。君臣和。八日。穀。夜晴。五穀熟。所值之日。晴暖。則安泰。蕃息。呂覽云。元旦值甲。穀賤。乙。穀貴。丙。四月旱。丁。絲綿貴。戊。米麥貴。己。米貴。蠶傷。多風雨。庚。田熟。辛。米平。麥麻貴。壬。絹布豆貴。米麥平。癸。主禾傷。多雨。一曰。元日值戊。主春旱。四十五日。上元初日。占百果。中日。占晚稻。末日。占早稻。占穀。旦至食爲麥。食至日。眊爲稷。眊至。舖爲黍。舖至。下舖爲菽。下舖至。日入爲麻。欲終日。有雨。有雲。有風。有日。日當其時者。深而多實。無雲。有風。日當其時。淺而多實。有雲。風無日。當其時。深而少實。有日。無雲。風當其時者。稼有敗。如食頃小敗。熟五斗。米頃大敗。風復起。有雲。其稼復起。各以其時。用雲色。占種其所宜。其日雨雪。苦寒。歲惡。占土牛。頭黃。主熟。又專主菜麥大熟。青春多瘟。赤春旱。黑春水。白春多風。身上鄉。蹄主下鄉。田家以此占頗驗。元旦至十二日。每日取水一瓶。稱之一日。主正月。二日。主二月。其日水重。則其月雨多。輕則少。初一。五鼓。束高長草。把燒之名。照庭火。伺燒將過。看向何方倒。所向之方。其年必熟。乃以大椽重舉拋丟。聽其聲。則衆和曰。一跌

田禾盛茂。二跌五穀滿倉。三跌六畜成羣。四跌人口和平。如此隨口說。不拘幾跌。元日牛俱臥。則苗難立。半臥半起。歲中平。俱立則五穀熟。【臞仙神隱】立春。天陰無風。民安。蠶麥十倍。東風吉。人民安。果穀盛。【種植】大麥。杏。豌豆。芋。【移栽】棗。棠。梔子。木香。紫薇。白薇。玫瑰。銀杏。櫻桃。錦帶。金雀。木蘭。榆。柏。柳。松。槐。【貼接】蠟梅。黃薔薇。梅。【插壓】木樨。杜鵑。【培壅】石榴。梨。海棠。【澆灌】桃。瑞香。杏。李。【整頓】燒荒田。耕禾地。燒苜蓿根。理蔬畦。壟瓜畦。整農具。修花圃。糞田畝。【修樹】諸果樹。修去低小亂枝。勿分木力。則結子肥大。元旦五鼓。以斧斫諸果樹。則結子繁而不落。辰日亦可。李樹。石榴。以石安。丫中堆根下。則結子繁。元旦雞鳴時。以火照諸樹。無蟲。此時蟲尚未出。凡聚葉腐枝。皆蟲所穴。宜去之。【收採】絡石。菊根。【田忌】天火子。地火戌。糞忌未。九焦辰。荒蕪巳。

二月驚蟄春分春社中
和節花朝附見

【禮記月令】仲春之月。日在奎。昏弧中。旦建星中。【注】日月會於降婁。而斗建卯之辰也。始雨水。桃始華。是月也。耕者少舍。乃修闔扇。寢廟畢備。毋作大事。以妨農之事。【梁元帝纂要】是月曰仲春。亦曰仲陽。【花月令】是月也。桃夭。棗棠。薔薇。登架。海棠。嬌。梨花。浴。木蘭。競秀。【瓶史月表】二月。花盟主。西府海棠。玉蘭。緋桃。花客卿。繡綠。杏花。花使令。寶相花。種田。紅木。桃李花。月季花。翦春羅。【花曆】玉蘭解。紫荊繁。

【詩爾風】四之日舉趾同我婦子。饁彼南畝。田峻至喜。四之日其蚤。獻羔祭韭。【夏小正】二月往稷黍禪。【傳】禪。禪也。榮董采蘩。【傳】榮董。菜也。采蘩。蘩由胡。由胡者繁母也。皆豆實也。榮芸時有見稊始收。【傳】有見稊而後始收。是小正序也。【晉書樂志】二月之管名爲夾鐘者。夾佐也。謂時物尙未盡出。陰德佐陽而出物也。【淮南子】二月官倉。其樹杏。【注】二月與農播穀。故官倉也。【白虎通】援神契曰。仲春獲禾。報社祭稷。以三牲何。重功故也。【原說文】卯。冒也。二月萬物冒地而出。象開門之形。故二月爲天門。【禮記】羯鼓錄。玄宗嘗遇二月初。詰旦巾櫛方畢。時當宿雨初晴。景色明麗。小殿內庭。柳杏將吐。覩而歎曰。對此景物。豈得不與他判斷之乎。左右相目。將命備酒。獨高力士遣取羯鼓。上旋命之。臨軒縱擊一曲。曲名春光好。神思自得。及顧柳杏。皆已發拆。上指而笑。謂嬪御曰。此一事不喚我作天公可乎。嬪御侍官。皆呼萬歲。【夢溪筆談】二月物生根魁。故曰天魁。【晁氏客話】望杏而耕。以杏花時爲耕候也。【成都古今記】二月有花市。【暇日記】二月白蘋水。【風土記】浙風俗。言春序正中。百花競放。乃遊賞之時。宋制。守土官於花朝日出郊勸農。【賞心樂事】二月現樂堂瑞香。玉照堂西湖梅。南湖挑菜。玉照堂紅梅。餐霞軒櫻桃花。杏花莊杏花。綺互亭千葉茶花。【驚蟄】【易解卦】天地解而雷雨作。雷雨作而百果草木皆甲拆。【前漢書五行志】雷出地。則長養華實。發揚隱伏。宣盛陽之德。【論衡】雷二月出地。百八十日雷出。則萬物出。【春分】【禮記】淮南子。天地之氣。莫大於和。和者

陰陽調日夜分而生物。春分而生。秋分而成。生之與成。必得和之精。【白虎通】明庶風春分至。王者正封疆。修田疇。【農家諺】二月昏。參星夕。杏花盛。桑葉白。【荆楚歲時記】春分日。民竝種戒火草於屋上。有烏如烏。先雞而鳴。架架格格。民候此鳥。則入田以爲候。【風俗記】鼓者春分之音。以助萬物發生。【王褒僮約】二月春分。被隄杜疆。落桑披機。種瓜作瓠。別茄披蔥。【集韻】鷓鴣。鳥名。春分鳴。則衆芳生。秋分鳴。則衆芳歇。【社】**圓**【禮記月令】擇元日。命民社。【注】社。后土也。使民祀焉。神其農業也。**圓**【禮記祭法】共工氏之霸九州也。其子曰后土。能平九州。故祀以爲社。【周禮疏】春社以祈膏雨。望五穀豐熟。**圓**【北史李士謙傳】士謙宗族豪盛。二社會宴。飲醉喧嘩。至士謙所。盛饌盈前。先設黍曰。孔子稱黍爲穀之長。荀卿亦云。食先黍稷。寧可違乎。少長肅然。退相謂曰。既見君子。乃覺吾徒不德。**圓**【臞仙神隱】社日祭五穀之神。【提要錄】社翁祈雨。不食舊水。故社日必有雨。謂之社翁雨。陸龜蒙詩。幾點社翁雨。一番花信風。【中和節】**圓**【舊唐書德宗本紀】詔曰。四序嘉辰。歷代增置。漢崇上巳。晉紀重陽。朕以春方發生。候及仲月。勾萌畢達。天地和同。俾其昭蘇。宜助暢茂。自今宜以二月一日爲中和節。內外官司。休假一日。貞元六年二月。百寮會宴曲江亭上。賦中和節羣臣賜宴七韻。是日進兆人本業三卷。司農獻黍粟各一斗。【新唐書李泌傳】帝以前世上巳九日。皆大宴集。而寒食多與上巳同時。欲以三月名節。自我爲古。若何而可。泌請廢正月晦。以二月朔爲中和節。因賜大臣戚里尺。謂之裁度。民間

以青囊盛百穀瓜果種相問遺。號爲獻生子。里閭釀宜春酒。以祭勾芒神。祈豐年。百官進農書。以示務本。帝悅。乃著令。與上巳九日爲三令節。中外皆賜緡錢燕會。【花朝】**增**【提要錄】二月十五日爲花朝。

【翰墨記】洛陽風俗。以二月二日爲花朝節。士庶遊玩。又爲挑菜節。【秦中歲時記】二月二日。曲江采菜。士民遊觀極盛。【誠齋詩話】東京二月十二日曰花朝。爲撲蝶會。【乾淳歲時記】二月二日。宮中

排辦挑菜御宴。先是預備朱綠花斛。下以羅帛作小卷。書品目於上。繫以紅絲。上植生菜。薺花諸品。俟宴酬樂作。自中殿以次。各以金篋挑之。后妃皇子貴主。婕妤及都知等。皆有賞無罰。以次每斛十號。五紅字爲賞。五黑字爲罰。上賞則成號。眞珠玉盃金器。北珠篋環珠翠領抹。次亦鈿銀酒器冠。銀翠花段帛龍涎御扇筆墨官窰定器之類。罰則舞唱吟詩念佛飲冷水吃生薑之類。用此以資戲笑。王宮貴邸亦多倣之。【熙朝樂事】二月二日。士女皆帶蓬萊。諺云。蓬開先百草。戴了春不老。二月十五爲花朝節。蓋花朝

月夕。世俗恒言二八兩月爲春秋之中。故以二月爲花朝。八月爲月夕也。【成都志】二月十五爲花

朝。爲撲蝶會。蜀人又以是日鬻蠶於市。因作樂縱觀。謂之蠶市。【壺中贅錄】閩中以二月二日爲踏青節。蜀中以爲踏草節。【宣府志】宣府花朝節。村民以五穀瓜果種相遺。謂之獻生。城中婦女剪綵爲花。

插之鬢髻。以爲應節。

【文賦散句】**增**【漢張衡歸田賦】仲春令月。時和氣清。原隰鬱茂。百草滋榮。【魏曹植節遊賦】仲

春之月百卉叢生。萋萋藹藹。翠葉朱莖。竹林青蔥。珍果含榮。感氣運之和順。樂時澤之有成。○**梁昭明**太子錦帶書。節應佳辰。時登令月。和風拂迴。淑氣浮空。走野馬於桃源。飛少女于李徑。花明麗日光。浮竇氏之機。鳥弄芳園。韻響王喬之管。○**唐**侯喜中和節賦。我后令節。中和孔嘉。凍已全解。桃仍欲華。慶賞之多。宴樂既均。于九有播植之始。教化爰貞于四遐。

○**四言古詩**。隋牛弘春祈稷歌。粒食興教。播厥有先。尊神致潔。報本惟虔。瞻榆束耒。望杏開田。用憑穡穀。式詠豐年。

○**五言古詩**。唐德宗中和節日宴百寮賜詩。韶華啓仲序。初吉諧良辰。肇茲中和節。式慶天地春。歡酣朝野同。生德區宇均。雲開灑膏露。草疏芳河津。歲華方載陽。東作方肆勤。慚非薰風唱。曷用慰吾人。東風變梅柳。萬彙生春光。中和紀月令。方與天地長。耽樂豈予尚。懿茲時景良。庶遂亭育恩。同致寰海康。君臣永終始。交泰符陰陽。曲沼水新碧。華林桃稍芳。勝賞信多歡。戒之在無荒。

○**五言律詩**。唐王勃仲春郊外。東園垂柳徑。西堰落花津。物色連三月。風光絕四鄰。鳥飛村覺曙。魚戲水知春。初晴山院裏。何處染鶯塵。○**白居易**春村。二月村園暖。桑間戴勝飛。農夫春舊穀。蠶妾擣新衣。牛馬因風遠。雞豚過社稀。黃昏林下路。鼓笛賽神歸。○**宋**徐鉉春分日。仲春初四日。春色正中分。綠野表回月。晴天斷續雲。燕飛猶箇箇。花落已紛紛。思婦高樓晚。歌聲不可聞。○**邵雍**二月吟。林下故無

知。唯知二月期。酒嘗新熟後。花賞半開時。只有醺酣趣。殊無爛熳悲。誰能將此景。長貯在心脾。【張拭

仲春過陽江亭子】亭古危臨岸。林幽巧近城。煙容隨雨住。花片著溪清。春事已如許。客懷誰與傾。庭前

幾株樹。滿意欲敷榮。【戴復古社日】今朝當社日。明日是花朝。佳節惟宜飲。東池適見招。綠深楊柳重。

紅透海棠嬌。自笑鬢邊雪。多年不冝消。【柳州月泉】東風生意鬧。農圃正宜勤。稻種開包曬。菊苗依

譜分。疇西曉耕雨。舍北暮鉏雲。莫待荒三徑。歸歟陶令君。【明張祥鳶】天氣近寒食。村居遠市朝。翠低

新柳弱。紅潤稗花嬌。聽鳥頻移榻。看雲偶過橋。隔村春社至。會赴野人招。【七言律詩】【唐李商隱二

月二日】二月二日江上行。東風日暖聞吹笙。花鬢柳眼各無賴。紫蝶黃蜂俱有情。萬里憶歸元亮井。三

年從事亞夫營。新春莫悟遊人意。更作風簷夜雨聲。【宋李公麟】千尋古櫟笑聲中。此日春風屬社

公。開眼已憐花壓帽。放懷聊喜酒治蠱。攜刀割肉餘風在。卜瓦傳神俚俗同。聞說已栽桃李徑。隔溪遙認

淺深紅。【元洪希文春半探花】芳菲著雨便成苔。問訊東君幾日回。閨月不曾花下去。今朝偶到樹

邊來。幾何間闊。鷺偏老。如此生疎蝶也猜。流水時光容易過。舉頭枝上已青梅。【方太古社日出遊】村

村社鼓隔溪聞。賽祀歸來客半醺。水緩山舒逢日暖。花明柳暗貌春分。平田白洫流新雨。絕壁青楓挂斷

雲。策杖提壺隨所適。野夫何不可同羣。【明曹大章】二月郊南柳色春。淡雲晴靄動芳辰。霏霏花氣偏

隨酒。嫋嫋鶯歌解和人。野舫醉乘明月渡。芳洲情與白鷗馴。武陵溪水深幾許。笑逐桃花欲問津。

【七言絕句】**原**唐韓愈賽神。白布長衫紫領巾。差科未動是閑人。麥苗含穗桑生甚。共向田頭樂社神。

【**增**】白居易二月二日。二月二日新雨晴。草芽菜甲一時生。輕衫細馬春年少。十字津頭一字行。**原**

【張籍吳楚歌詞】庭前春鳥啄林聲。紅夾羅襦縫未成。今朝社日停針線。起向朱櫻樹下行。**原**張演社

日村居。鵝湖山下稻梁肥。犍穉雞棲對掩扉。桑柘影斜春社散。家家扶得醉人歸。**原**宋王安石南浦

南浦東岡二月時。物華撩我有新詩。含風鴨綠粼粼起。弄日鵝黃裊裊垂。**原**黃庭堅觀化。竹笋纔生黃

犢角。蕨芽初長小兒拳。試尋野菜炊香飯。便是江南二月天。**原**范成大春日田園雜興。社下燒錢鼓似

雷。日斜扶得醉翁迴。青枝滿地花狼籍。知是兒孫鬪草來。**增**范成大社日獨坐。海棠雨後沁臙脂。楊

柳風前撚綠絲。香篆結雲深院靜。去年今日燕來時。**原**方岳社日。燕子今年措社來。翠瓶猶有去年梅。

丁寧莫管杏花俗。付與春風一道開。**原**金完顏璫春半喜晴。陰寒二月雪含雲。兩日開晴淑景新。借問

海棠紅幾許。杏花楊柳不曾春。**原**明陸樹聲。熙熙麗日開青野。漠漠平疇散碧波。山鳥一聲催布穀。

綠楊陰裏聽農歌。**增**王衡花朝。晴煙膏露若爲容。躑躅香苞望曉紅。莫怨五更風色惡。開花原是落

花風。**原**曹勳。羅綺生香散隱霞。春光不讓五侯家。東風二月蘇隄路。樹樹桃花間柳花。

【詩散句】**增**宋謝靈運。山桃發紅萼。野蕨漸紫苞。**原**唐德宗。東風變梅柳。萬彙生春光。**原**周庾信。

新年鳥聲千種囀。二月楊花滿路飛。**原**唐唐彥謙。二月雲煙迷柳色。九衢風土帶花香。寒郊二月

初離別。獨倚寒林嗅野梅。【圖】鄭谷【和暖又逢挑菜日。寂寥未是探花人。】宋邵雍【年年二月凭高

處。不見人家只見花。】陸游【數點霏微社公雨。兩叢濃淡女郎花。】元趙孟頫【二月江南鷺亂飛。百

花滿樹柳依依。】葉顥【燕子不來春又半。一簾花雨海棠時。】明吳稼證【三春花事終難負。二月風

光半未過。】唐杜甫【社雨報豐年。】釋皎然【二月湖南春草遍。】宋陳與義【二月山城未見花。

【別錄】原【占候】十二日晴。則百果實。十五日爲勸農日。晴主年豐。又爲花朝。晴則百果實。春分日風

從震來。穀熟麥賤。人安年豐。青雲歲豐。前後一日內有雷。主歲稔。【原】種植【穀黍稷。葛秫。韭。椒。蔥。夏蘿

蔔。梨。瓠子。王瓜。絲瓜。菠菜。苦蕒。莧。山藥。萵苣。稍瓜。茼蒿。生菜。茄。冬瓜。紫蘇。四月芥。西瓜。香芋。銀杏。十樣錦。

落花生。芝蔴。藕。枸杞。剪春羅。黃精。決明。松。萱草。山丹。蜀葵。罌粟。茶藨。柏。桑。椹。紅花。麗春。黃葵。金錢。翦秋羅。

金鳳。絡蔴。老少年。【移栽】草蔴。映山紅。茄。萵苣。各色藤菜。甘露。雪梅。堆栗。百合。苦蕒。薤。石榴。十姊妹。慈

菰。木瓜。茱萸。甘菊。松。梧桐。葡萄。薄荷。黃精。牛蒡。槐。紫荊。木槿。芙蓉。萱花。凌霄。杜鵑。桑。海棠。山茶。玉簪。迎春。

玫瑰。菊。石竹。望江南。苧蔴。芭蕉。【貼接】桃李。梨花。紅梅。杏。柑。海棠。丁香。柿。栗。桑。【插壓】石榴。芙蓉。梔

子。梨。葡萄。瑞香。木槿。薔薇。【壅培】木樨。【灌溉】櫻桃。芍藥。牡丹。瑞香。橙橘。【收採】萹蒿。蕨芽。板蕎。

蕎麥。管菜。白芨。薺菜。百合。馬蘭頭。蠶豆。苗。甘遂。薯蕷。王不留行。黃精。榆皮。人參。枸杞。蒲公英。黃蘗。雲母。薑

菜。白石英。石葦葉。白芷。白薺。甘草。紫石英。狼毒根。麝香。猪苓。地黃。金銀花。麥門冬。白朮。當歸。知母。天門冬。

苧根。牛膝。香附。茯苓。茯神。黃連。狗脊。蘘本。茅香根。升麻。黃芩。紫苑。葶藶。金雀花。前胡。防己。大黃。巴戟。天秦
皮。地榆。天雄。杜仲。丁香。柴胡。棟實。蓬蒿。桂皮。虎杖。【整頓】去樹裏架葡萄。【田忌】天火卯。地火酉。九
焦丑。糞忌戌。荒蕪酉。

廣羣芳譜卷第三

天時譜

三月寒食清明上巳穀雨附見

【禮記月令】季春之月。日在胃。昏七星中。旦牽牛中。【註】日月會於大梁。而斗建辰之辰也。桐始華。

萍始生。乃爲麥祈實。是月也。生氣方盛。陽氣發泄。勾者畢出。萌者盡達。不可以內。命野虞毋伐。

桑柘鳴鳩拂其羽。戴勝降于桑。【註】蠶將生之候也。具曲植籬筐。后妃齋戒。親東鄉躬桑。禁婦女毋觀。

省婦使以勸蠶事。【梁元帝纂要】三月曰季春。亦曰暮春。末春。晚春。【原】花月令。是月也。白桐榮。茶。

蘼條達。牡丹始繁。麥吐華。棟花應候。楊入大水爲萍。【圖】瓶史月表。三月。花盟主。牡丹。滇茶。蘭花。碧桃。

花客卿。川鶻。梨花。木香。紫荊。花使令。木筆。薔薇。謝豹。丁香。七姊妹。郁李。長春。【花曆】三月。木筆書空。棣。

萼。韡韡。海棠。睡。繡。毬。落。

【詩】豳風。蠶月條桑。取彼斧斨。以伐遠揚。【周頌】嗟嗟保介。維暮之春。亦又何求。如何新畝。於。

皇來牟。將受厥明。【註】暮春斗柄建辰。夏正之三月也。【夏小正】三月參則伏。攝桑萎楊。【傳】攝桑。攝。

而記之急桑也。萎楊。楊則花而後記之。采讖。【傳】讖。草也。祈麥實。【傳】麥者五穀之先見者。故急祈。

而記之也。拂桐芭【傳】拂也者桐芭之時也。或曰言桐芭始生貌拂拂然也。【淮南子】三月官鄉其

樹李昏張中則務種穀。【汜勝之書】三月榆莢舒。【四民月令】三月杏花盛。可蓄白沙輕土之田。

【風土記】三月雨謂之迎梅。【初學記】三月雨曰榆莢雨。【夢溪筆談】三月華葉從根而生。故曰從

魁。【賞心樂事】三月花院月丹。花院桃柳蒼寒堂西緋碧桃。滿霜亭北棣棠。碧宇觀筍芳草亭觀草。鬪

春堂牡丹芍藥。宜雨堂千葉海棠。豔香館林檎。花院紫牡丹。宜雨堂北黃薔薇。瀛巒勝處山花。經寮鬪茶。

羣仙繪幅樓芍藥。【聞見近錄】故事季春上池賜生花。自上至從臣皆簪花而歸。【演繁露】三月花

開時風名花信風。初汎觀則似謂此風來報花之消息耳。按呂氏春秋曰春之得風風不信則其花不成。

乃知花信風者風應花期其來有信也。【寒食】原【四民月令】齊人呼寒食爲冷節。寒食以麪爲蒸

餅樣團棗附之名曰棗餅。【鄴中記】并州俗冬至後百五日爲介子推斷火冷食三日。【荆楚歲時

記】去冬至一百五日卽有疾風甚雨謂之寒食。【玉燭寶典】寒食爲大麥粥。研杏仁爲酪。引錫沃

之。【酉陽雜俎】寒食賜近臣麥粥。帖綵毬鏤鷄子。原【零陽總記】蜀人遇寒食用楊桐葉并細冬青

葉染飯色青而有光。食之資陽氣。道家謂之青精乾飢食。今俗以夾麥青草搗汁和糯米作青粉團。烏柏

葉染烏飯作糕。是此遺意。【金門歲節】洛陽人家寒食日裝萬花輿。煮桃花粥。【揮塵後錄】朱新

仲少仕江寧。在王彥昭幕中。有代彥昭春日留客致語云。寒食止數日間。才晴又雨。牡丹蓋數種枝。欲拆

又芳。皆魯公帖與牡丹譜中全語也。【乾淳歲時記】清明前三日爲寒食節。都城人家皆插柳滿簷。雖

小坊幽曲。亦青青可愛。大家則加棗餠於柳上。然多取之湖堤。有詩云。莫把青青都折盡。明朝更有出城人。【熙朝樂事】清明前兩日。謂之寒食。人家插柳滿簷。青蒨可愛。男女亦咸戴之。諺云。清明不戴柳。紅

顏成皓首。【清明】願【素問】清明次五日。牡丹華。【四民月令】清明節。令蠶妾理蠶室。是月也。杏

花盛。種百穀。【志林】東坡在黃州。夢參寥誦所作新詩。覺而記兩句云。寒食清明都過了。石泉槐火一

時新。夢中曰。火固新矣。泉何故新。答曰。俗以清明日淘井。【春明退朝錄】周禮四時變火。唐惟清明取

榆柳火。以賜近臣。戚里。宋朝惟賜大臣。順陽氣也。【提要錄】清明雨爲杏花雨。【歲時雜記】清明

湖州進紫筍茶。【東京夢華錄】清明日。都人出郊。往往就芳樹之下。或園囿之間。羅列杯盤。互相勸酬。

抵暮而歸。各攜名花異果。山亭戲具。謂之門外土儀。轎子卽以楊柳雜花裝簇頂上。四垂遮映。緩入都門。

斜楊御柳。醉歸院落。明月梨花。最爲盛景。是月季春。萬花爛熳。牡丹芍藥。棣棠木香。種種上市。賣花者

歌叫之聲。清奇可聽。【穀雨】孝經緯。清明後十五日。斗指辰爲穀雨。言雨生百穀也。【牡丹譜】洛

陽以穀雨爲牡丹開候。而一百五者。長至一百五日。開最先。【溫公文集註】洛陽人謂穀雨爲牡丹厄。

【居家宜忌】穀雨日採茶炒藏。能治痰嗽。及療百病熱疾。【上巳】願【後漢書禮儀志】三月上巳日。

官民皆禊於東流水上。【宋書禮志】魏以後。但用三日。不復用巳。【韓詩外傳】鄭國之俗。上巳於溱

涓之上。招魂續魄。秉蘭草。祓除不祥。【荆楚歲時記】上巳日。取鼠麴汁。蜜和粉。謂之龍舌料。以厭時氣。

【千金月令】三月三日。上踏青履。

【洛陽圖經】上巳日。婦女以薺花點油。祝而灑之水上。若成龍。

風花卉之狀。則吉。謂之油花卜。【酉陽雜俎】唐中宗三月三日。賜侍臣細柳圈。言帶之免蠱毒。【圓

賞心樂事】三月三日。男女皆戴薺花。諺云。三春戴薺花。桃李羞繁華。【五色線】荆楚歲時記。三月三

日。四民踏百草。今人因有鬪百草之戲。鄭谷詩云。何如鬪百草。賭取鳳凰釵。

【文賦散句】【原】梁昭明太子錦帶書。景逼徂春。時臨變節。啼鶯出谷。爭傳求友之音。翔葉飛林。競

散佳人之靨。【晉張協洛禊賦】夫何三春之令月。嘉天氣之氤氳。和風穆以布暢。百卉曄而敷芬。

【阮瞻上巳賦】臨清川而嘉讌。聊假日以遊娛。蔭朝雲而爲蓋。托茂樹以爲廬。好修林之蒼鬱。樂草莽之

扶疎。列肆筵而設席。祈吉祥于斯塗。【簡文帝晚春賦】待餘春于北閣。藉高讌于南陂。水篩空而照

底。風入樹而香枝。嗟時序之廻斡。歎物候之推移。望初篁之傍嶺。愛新荷之發池。石憑波而倒植。林隱日

而橫垂。【蕭子範家園三日賦】權茲嘉月。悅此時良。庭散花蘂。傍插筠篁。灑玄醪于沼沚。浮絳棗于泱

泱。觀翠淪之出沒。戲青舸之低昂。【周庾信三日華林園馬射賦】于時玄鳥司曆。蒼龍馭行。羔獻冰開。

桐華萍合。皇帝幸于華林之園。千乘雷動。萬騎雲屯。落花與芝蓋同飛。楊柳共春旗一色。【唐王勃三

月上巳禊序】遲遲風景。出沒媚於郊原。片片仙雲。遠近生於林薄。雜花爭發。非止桃蹊。羣鳥亂飛。有

踰鶯谷。王孫春草處處爭鮮。仲阮芳園。家家並翠。於是攜旨酒。列芳筵。先祓禊於長洲。却申交於促席。
【王維暮春逍遙谷讌集序】巖谷先曙。羲和不能信其時。芳卉後春。勾芒不能一其令。桃徑窈窕。蘅臯超忽。驂御延佇于叢薄。珮玉升降于蒼翠。【蕭穎士蓬池禊飲序】禊。逸禮也。鄭風有之。蓋取諸勾萌發達。陽景敷煦。握芳蘭。臨清川。乘和蠲絜。用徼介祉。厥義存矣。

【四言古詩】晉張華三月三日後園會。暮春元日。陽氣清明。祁祁甘雨。膏澤流盈。習習祥風。啓滯導生。禽鳥翔逸。卉木滋榮。纖條被綠。翠華合英。

【五言古詩】御製時巡近郊憫農事有作。芳郊景物麗。淑氣扇暮春。靈雨應良節。光風薄佳辰。省耕已屆候。夙駕方來巡。前驅列式道。羽衛羅鉤陳。時有田間子。荷耒披車塵。譏訶勿頻數。疾苦當咨詢。千耦幸終畝。二鬴猶懸困。穗蓂爾勤動。痾瘵予隱親。賜出泉府拊。循屬官臣行。潦有挹器。冽井無枯津。所惠良未徧。嗷嗷愧斯人。

【宋謝惠連三月三日曲水集】四時著平分。三春稟融燠。遲遲和景婉。天天園桃灼。攜朋適郊野。味爽辭塵郭。斐雲興翠嶺。芳飈起華薄。解轡偃崇丘。藉草遶廻壑。際渚羅時筵。託波汎輕爵。【宋鮑照三日】氣暄動心思。柳青起春懷。時豔憐花藥。服淨俛登臺。提觴野中飲。愛心烟未開。露色染春草。泉源潔冰苔。泥泥濡露條。嫋嫋承風栽。鳧雛掇苦薺。黃鳥銜櫻梅。解衿欣景預。臨流競覆杯。美人竟何在。浮心空自摧。

【原】梁簡文帝三日侍宴林光殿曲水詩芳年多美色麗景復妍遙握蘭惟是旦採艾亦今朝迴沙溜碧水曲岫散桃夭綺花非一種風絲亂百條雲起相思觀日照飛虹橋繁華炫姝色燕趙豔妍妖金鞍汗血馬寶髻珊瑚翹蘭馨起縠袖蓮錦束瓊腰相看隱綠樹見人還自嬌玉桂鳴羅薦渠枕泛迴潮洛濱非拾羽滿握詎貽椒【晚春】紫蘭葉初滿黃鶯啣不稀石蹲還似獸蘿長更如衣水曲文魚聚林暝雅鳥飛渚蒲變新節巖桐長舊圍風花落未已山齋開夜扉【沈約三日率爾成篇】麗日屬元巳年芳具在斯開花已匝樹流鶯復滿枝洛陽繁華子長安輕薄兒東出千金堰西臨鴈鴛陂清晨戲伊水薄暮宿蘭池寧憶春蠶起日暮桑欲萎【圖】庾肩吾三日侍蘭亭曲水宴策星依夜動鑾駕總朝遊旌門臨苑樹相風出鳳樓春生露泥泥天覆雲油油桃花舒玉澗柳葉暗金溝禊川分曲沼帳殿掩芳洲踴躍頰魚出參差絳棗浮百戲俱臨水千鍾共逐流【惰蕭愨春晚】春庭聊縱望樓臺自相隱窗梅落晚花池竹開新筍泉鳴知水急雲來覺山近不愁花不飛到畏花飛盡【唐白居易寒食洛下宴遊贈馮李二少尹】豐年寒食節美景洛陽城三尹皆強健七日盡晴明東郊蹋青草南園攀紫荆風折海榴豔露墜木蘭英假開春未老宴合日屢傾珠翠混花影管絃藏水聲佳會不易得良辰亦難并聽吟歌暫輟看舞杯徐行米價賤如土酒味濃於餒此時不盡醉但恐負平生殷勤二曹長各捧一銀觥【崔護郡齋三月下旬作】春事日已歇池塘曠幽尋殘紅披獨墜嫩綠間淺深偃仰捲芳褥顧步愛新陰謀春未及竟初夏遽

見侵。【溫庭筠寒食節日寄楚望】芳蘭無意綠。弱柳何窮綫。心斷入淮山。夢長穿楚雨。繁花如二八。好月當三五。愁碧竟平臯。韶紅換幽圃。流鶯隱園樹。乳燕喧餘哺。曠望戀層臺。離憂集環堵。當年不自遣。晚得終何補。鄭谷有樵蘇。歸來要腰斧。【宋歐陽修暮春】幽憂無以銷。春日靜愈長。薰風入花骨。花枝午低昂。往來採花蜂。清蜜未滿房。春事已爛熳。落英漸飄揚。蛺蝶無所爲。飛飛助其忙。啼鳥亦屢變。新音巧調簧。遊絲最無事。百尺拖晴光。天工施造化。萬物感春陽。【陸游春晚書齋壁】海棠已成雪。桃李不足言。纖纖麥被野。鬱鬱桑連村。穉蠶細如蝨。杜宇號朝昏。展墓糝餌美。坐社黍酒渾。早筍漸上市。青韭初出園。老夫下箸喜。盡屏鷄與豚。幽居亦何樂。且洗兩耳喧。呼兒燒柏子。悠然坐東軒。【明文徵明】妍英弄芳意。麗色含春姿。物華浩無涯。駘蕩東風吹。東風日已熙。草色日已滋。青春萬里道。遊子有所思。浮雲漏白日。宿露朝已晞。攀條惜婉麗。忽得瑛瓊枝。芳踪未有托。暮景已西馳。菁華難復恃。結蘼聊自怡。【七言古詩】唐宋之間寒食陸渾別業】洛陽城裏花如雪。陸渾山中今始發。旦別河橋楊柳風。夕臥伊川桃李月。伊川桃李正芳新。寒食山中酒復春。野老不知堯舜力。酣歌一曲太平人。【王維寒食城東卽事】清谿一道穿桃李。演漾綠蒲涵白芷。谿上人家凡幾家。落花半落東流水。蹴踘屢過飛鳥上。鞦韆競出垂楊裏。少年分日作遨遊。不用清明兼上巳。【李賀三月樂詞】東方風來滿眼春。花城柳暗愁殺人。複宮深殿竹風起。新翠舞衿淨如水。光風轉蕙百餘里。暖霧驅雲撲天地。軍裝宮妓掃蛾淺。搖搖錦

城夾城暖。曲水飄香去不歸。梨花落盡成秋苑。【宋邵雍三月吟】滿城盡日行春去。言念行春還有數。眞宰何曾不發生。遊人其奈無憑據。梨花著雨漫成啼。柳絮因風爭肯住。一片清明好意多。奈何意好難分付。【明楊基清明看花】吉祥寺裏千堆錦。綠髮仙人對花飲。腰鼓金盤五色藍。醉歸猶帶花枝寢。東風壬子幾清明。三百年來寺已傾。沙河塘上癡兒女。猶頌錢塘太守名。看花我亦逢壬子。況是清明非偶爾。莫論南浦與西湖。楚水吳山正相似。青蓮居士識前因。金粟如來見後身。總不能知塵外劫。也須曾是會中人。【願何景明】長安三月百花殘。滿城飛絮何漫漫。千門萬戶東風起。陌上河邊春色闌。美人高樓鎖深院。白花濛濛落如霰。晴窗窈窕朝日遲。亂入簾櫳趁雙燕。遊絲相牽時裊裊。委地飄廊不須掃。君不見江頭綠葉吹香綿。隨波化作浮萍草。

【五言律詩】御製春日內苑賜宴詩并序。己未三月。律應姑洗。望日之吉。賜內閣大臣及侍衛宴於內苑。時乃玩花於絳雪。玉樹含風。浮杯於西齋。金池漾月。飲酒樂甚。因率題四韻。以示羣臣。春深內苑裏。珍席宴羣臣。蝶向雙檐舞。花飛複閣新。和羹期上佐。調鼎協洪鈞。簫鼓歡無極。芳年醉此辰。

【唐李益春晚賦得餘花落】留春春竟去。春去花如此。蝶舞遶應稀。鳥驚飛詎已。衰紅辭故萼。繁綠扶凋葉。自委不勝愁。庭風那更起。【願柳中庸寒食】春暮越江邊。春陰寒食天。杏花香麥粥。柳絮伴鞦韆。

酒是芳菲節。人當桃李年。不知何處恨。已解入箏弦。【張又新三月五日泛長沙東湖】上巳餘風景。芳

辰集遠坳湖光迷翡翠。草色醉蜻蜓。鳥弄桐花日。魚翻穀雨萍。從今留勝會。誰看畫蘭亭。【項斯晚

春花】陰洞日光薄。花開不及時。當春無半樹。經燒足空枝。踈與香風會。細將泉影移。此中人到少。開盡

幾人知。【原】唐彥謙上巳寄韓八【上巳接寒食。鶯花寥落晨。微微潑火雨。草草踏青人。涼似三秋景。清

無九陌塵。與余同病者。對此合傷神。【宋余靖暮春】草帶全鋪翠。花房半墜紅。農家榆莢雨。江國鯉

魚風。堤柳綿爭撲。山櫻火共烘。長安少年客。不信有衰翁。【蘇軾雨晴散步】雨過浮萍合。蛙聲滿四隣。

海棠真一夢。梅子欲嘗新。拄杖閒挑菜。鞦韆不見人。殷勤木芍藥。獨自殿餘春。【張九成晚春卽事】幽

事晚山色。幽齋春雨餘。亂紅欹澗水。浮綠漲郊墟。北牖迸新筍。西園生野蔬。槿籬遶茅屋。已分老樵漁。

【范成大寒食郊行】隴麥欣欣綠。山桃寂寂紅。帆邊魚蕩浪。木末酒旗風。信步隨芳草。迷途問小童。賞心

添脚力。呼渡過溪東。【陸游山家暮春】遶屋清陰合。綠堤綠草纖。起蠶初放食。新麥已磨鎌。苦筍先調

醬。青梅小蘸鹽。佳時幸無事。酒盡更須添。【戴昺次韻春事】海棠紅未了。又近牡丹時。送日多忙事。酬

春欠好詩。暖風吹麥早。晴晷轉花遲。不盡清遊興。重爲上巳期。【陳與義寒食】草草隨時事。蕭蕭傍水

門。濃陰花照野。寒食柳圍村。客袂空佳節。鶯聲忽故園。不知何處笛。吹恨滿清尊。【僧契嵩山亭晚春】

小庭晚來靜。林石自巉巖。犬去吠人語。花飛恣鳥銜。晴烟熏茂草。照日藹高杉。更喜團圓月。清光下碧巖。

【明李禎三月四日卽景】忽忽春將暮。俄過三月三。草誰憐益母。花自媚宜男。乍到尋巢燕。初眠上箔

蠶新茶與穉筍。鄉味憶江南。

【七言律詩】**【題】**唐皇甫冉三月三日義興李明府後亭泛舟。江南烟景復如何。聞道新亭更可過。處處藝蘭春浦綠。萋萋藉草遠山多。壺觴須就陶彭澤。風俗猶傳晉永和。更使輕橈徐轉去。微風落日水增波。

【杜牧殘春獨來南亭因寄張祐】暖雲如粉草如茵。獨步長堤不見人。一嶺桃花紅錦鞵。半溪山水碧羅新。高枝百舌猶欺鳥。帶葉梨花獨送春。仲蔚欲知何處在。苦吟林下拂詩塵。【温庭筠寒食日作】紅

深綠暗逕相交。抱暖含芳披紫袍。綵索平時牆婉婉。輕毬落處晚寥寥。窗中草色妬鷄卵。盤上芹泥憎燕巢。自有玉樓芳意在。不能騎馬度煙郊。【李山甫寒食】柳帶東風一向斜。春陰淡淡蔽人家。有時三

點兩點雨。到處十枝五枝花。萬井樓臺疑繡畫。九原珠翠似烟霞。年年今日誰相問。獨臥長安泣歲華。【來鵬清明日與友人遊玉粒塘莊】幾度春山共陸郎。清明時節好風光。細穿綠荇船頭滑。碎踏殘花屐

齒香。風急嶺南飄迥野。雨餘田水落芳塘。不堪吟罷東回首。滿耳蛙聲正夕陽。【寒食山館書情】獨把一杯山館中。每經時節恨飄蓬。侵堦草色連朝雨。滿地梨花昨夜風。蜀魄啼來春寂寞。楚魂吟後月朦朧。

分明記得還家夢。徐孺宅前湖水東。【韓偓春盡日】樹頭初日照西簷。樹底薦花夜雨露。外院池亭聞動鎖。後堂闌檻見垂簾。柳腰入戶風斜倚。榆莢堆牆水半淹。把酒送春惆悵在。年年三月病厭厭。【原

韋莊長安清明】早是傷春暮雨天。可憐芳草更芊芊。內官初賜清明火。上相閑分白打錢。紫陌亂嘶紅

叱撥綠楊高映畫鞦韆。遊人記得承平事。暗喜風光似昔年。【增】宋王禹偁寒食【今年寒食在商山山

裏風光亦可憐。稚子就花拈蛺蝶。人家依樹繫鞦韆。郊原曉綠初經雨。巷陌春陰乍禁烟。副使官閑莫惆悵。酒錢猶有撰碑錢。【韓琦上巳瓊林苑賜筵】春光濃簇寶津樓。樓下新波漲鴨頭。嘉節難逢真上巳。

賜筵榮入小瀛州。仙園雨過花遺靨。御陌風長絮作毳。禊飲不須辭巨白。清明來日尙歸休。【蔡襄上

巳日杭州東園】地上多于枝上花。東樓凝望惜年華。潮頭正對伍員廟。燕子爭歸百姓家。粉籜漸高山

徑筍。綠旗初展石巖茶。流芳自與人兼老。尊酒相逢莫重嗟。【原】歐陽修清明賜新火【魚鑰侵晨放九

門。天街一騎走紅塵。桐花應候催嘉節。榆火推恩忝侍臣。多病正愁錫粥冷。清香但愛蠟烟新。自憐慣識

金蓮燭。翰院曾經七見春。【曹組寒食輦下】海棠時節又清明。塵斂烟收雨乍晴。幾處青帘沽酒市。一

竿紅日賣花聲。綵毬時向梭門過。繡轂遙隨輦路行。日暮人人醉歸去。熙熙春物見昇平。【范成大上

巳日萬歲池呈程詠之】濃春酒暖絳烟霏。漲水平雪浪遲。綠岸翻鷗如北渚。紅塵躍馬似西池。麥苗

翦翦嘗新麪。梅子雙雙帶折枝。試比長安水邊景。祇無饑客爲題詩。【陸游春晚】雨足人家插稻秧。蠶

生隣女採桑黃。萬花掃迹春將暮。百草吹香日正長。閒覓啼鶯穿北崦。戲隨飛蝶過東岡。飄然且喜身強

健。不怪兒曹笑老彊。【楊萬里寒食雨作】雙燕衝簾報禁烟。喚驚晝夢聳詩肩。晚寒正與花爲地。曉雨

能令水作天。桃李海棠聯病眼。清明寒食又經年。老來不辦雕新句。報答風光且一篇。【三月十日】纔

看桃李錦城圍。忽便園林綠作堆。遠草將人雙眼去。飛花引蝶過牆來。簿書節裏無多著。懷抱朝來得好開。已是七分春去了。何須鳥語苦相催。【吳龍翰春晚郊行】芒鞋竹杖出柴關。簡點園林脚不閒。翠幄

初張花作局。錦棚成列筍爲班。烟波鷗鷺春風外。桑柘牛羊夕照閒。野興不須邀客共。芳樽濁酒對黃山。【許月卿三月】三月春如年少時。了知造化最兒嬉。智行無事柳飛絮。道發自然花滿枝。錦繡園林添

富貴。神仙院落鬪清奇。老天長似春三月。游戲人間不皺眉。【元王暉清明日錦隄行樂】浪說蘭亭禊

事修。年年春好錦隄遊。花翻舞袖驚歌板。柳隔高城暗酒樓。綠樹恐應春事老。金鞭重爲使君留。竹西路晚歸時醉。何處珠簾半上鉤。【李孝光次晚春韻】燕幕沉沉春晝永。閒敲碁子小闌東。拍天漲綠連朝

雨。滿地殘紅昨夜風。草際夢回詩有債。柳邊寒薄絮無功。韶光暗換千年事。莫遣閒愁著鬢中。【明楊基江村寒食】預折楊枝插繞簷。荳糜香軟麥餻甜。春衣未染新絲織。午篆猶分舊火添。小雨送春青見

萼。輕雷催筍碧抽尖。不因人遠傷離別。那得春愁上短髯。【沈周上巳日漫作】和風晴日正宜春。碧柳紅桃得得新。老謝祓除何故事。健追行樂有閒身。鄰翁採薺分家小。遊女揉花打路人。不限長安水邊好

太平隨地總堯民。

【五言排律】唐白居易春末。間出乘輕屐。徐行踏軟沙。觀魚傍湓浦。看竹入楊家。林迸穿籬筍。藤飄落水花。雨埋釣舟小。風颺酒旗斜。嫩剝青菱角。濃煎白茗茶。淹留不知夕。城樹欲棲鴉。

【五言絕句】御製途次逢寒食何處來春風淡蕩開晴旭不見杏花紅纔逢柳梢綠

【唐嚴維江南三月】江南季春天萼菜細如弦湖邊草作逕湖上葉如船
【原】劉禹錫春晚思悠哉

花葉自相催漠漠空中去何時天際來
【原】崔道融春晚三月寒食時
日色濃于酒落盡牆頭花鶯聲

隔原柳
【寒食夜】滿地梨花白風吹碎月明大家寒食夜獨貯望鄉情

【七言絕句】御製清明巳日纔從江岸行舟中還復度清明上林聞道花遲發留與歸時聽早鶯

【清明登玉泉山】寒食登高芳草青泉聲映柳覆春亭心中懷得天然處對對沙鷗樂野汀
【原】唐沈佺

期上巳日被禊渭濱應制寶馬香車清渭濱紅桃碧柳禊堂春皇情尙憶垂竿佐天祚先呈捧劍人

【原】錢起暮春歸故山草堂谷口殘春黃鳥啼辛夷花盡杏花飛始憐幽竹山窗下不改清陰待我歸

【原】韓翃寒食日卽事春城無處不飛花寒食東風御柳斜日暮漢宮傳蠟燭青烟散入五侯家
【原】

【寶鞏襄陽寒食寄宇文籍】烟水初銷見萬家東風吹柳萬條斜大隄欲上誰相伴馬踏春泥半是花

【武元衡陌上暮春】青青南陌柳如絲柳色鶯聲晚日遲何處最傷游客思春風三月落花時
【韓愈

晚春】草樹知春不久歸百般紅紫鬪芳菲楊花榆莢無才思惟解漫天作雪飛
【杜牧春晚題韋家

亭子】擁鼻侵襟花草香高臺春去恨茫茫蕙紅半落平池晚曲渚飄成錦一張
【温庭筠三月十八

日雪中作】芍藥薔薇語早梅不知誰是豔陽才今朝領得東風意不復饒君雪裏開
【方干寒食日】

百花香氣傍行人。花底垂鞭日易曛。野父不知寒食節。穿林轉壑自燒雲。【成彥雄暮春日宴溪亭】寒食尋芳遊不足。溪亭還醉綠楊烟。誰家花落臨流樹。數片殘紅到檻前。【宋邵雍禁烟題錦屏山下二

首】寒食風烟錦屏下。凭高把酒興何如。滿川桃李風妍媚。不忍重爲風破除。無涯桃李待清明。經歲方能開得成。不念化工曾著力。狂風何故苦相陵。【秦觀三月晦日】節物相催各自新。癡心兒女挽留

春。芳菲歇去何須恨。夏木陰陰正可人。【張耒晚春】睡足高簷春日斜。碾聲初破小龍茶。樓邊綠樹飛

紅盡。春色牆陰老薺花。【范成大三月四日驟暖】日脚融晴晚氣暄。睡餘初覺薄羅便。如何柳絮沾泥

處。暖似槐陰轉午天。【春晚】客去鉤窗詠小詩。遊絲撩亂柳花稀。微風盡日吹芳草。蝴蝶雙雙貼地飛。

夕陽槐影上簾鉤。一枕清風夢昔遊。夢見錢塘春盡處。碧桃花謝水西流。【楊萬里三月廿七日送

春】只餘三日便清和。儘放春歸莫恨他。落盡千花飛盡絮。留春肯住欲如何。【王鑑深春】夾泥花上

舊巢邊。翠箔桑空蠶又眠。天氣乍晴風候別。坐看盆藕出雙錢。燕子來時春又休。暖風吹綠上枝頭。繡

簾不隔茶蘼月。香影無人自入樓。【僧道潛春晚】曉風池沼水瀾翻。春盡淮南麥秀寒。院落無人日停

午。柳花如雪滿闌干。【金高士談寒食】燕泥半落烏衣巷。柳色全添綠綺窗。且伴丁香過寒食。弄晴蝴

蝶一雙雙。【元宋裴春詞】嬌春楊柳暗藏鴉。掩映文窗一樹花。寒食清明都過了。悄無車馬問農家。

【詩散句】【增】齊邢子才【芳春時欲遽。覽物惜將移。新萍已冒沼。餘花尙滿枝。】唐王維【年光三月裏。

宮殿百花中。【李嘉祐】清明桑葉小。度雨杏花飛。【韋應物】清明寒食好。春園百卉開。【賈島】

晴風吹柳絮。新月起廚烟。【白居易】三月草萋萋。黃鶯歇又啼。【溫庭筠】晚風楊葉社。寒食杏花

村。【司空圖】人家寒食月。花影午時天。【宋徐鉉】東風不好事。吹落滿庭花。【韓琦】春寒芳意晚。

未見柳飛綿。【楊萬里】荔子園園花。寒食日日雨。【唐李白】江邊石上誰知處。綠戰紅酣別是春。

【杜甫】落花遊絲白日靜。鳴鳩乳燕青春深。【劉禹錫】草色淺深圍幄幕。花枝上下逐鞦韆。【胡

曾】金絡馬銜原上草。玉釵人折路傍花。【崔魯】杏酪漸香隣舍粥。榆烟欲變舊爐灰。【韓偓】惻惻

輕寒翦翦風。杏花飄雪小桃紅。【張泌】青草浪高三月渡。綠楊花發一溪烟。弱柳未勝寒食雨。好花

爭奈夕陽天。【韋莊】錦江風散霏霏雨。花市香飄漠漠塵。【宋韓琦】白楊花落眠蠶老。紅杏枝殘笑

靨圓。興慶池頭三月三。柳如拖綬草如衫。【晏殊】夾道桃花新過雨。馬蹄無處避殘紅。【蘇舜欽】

春陰垂野草青青。時有幽花一樹明。【歐陽修】杯盤錫粥春風冷。池館榆錢夜雨新。九門寒食多遊

騎。三月春陰正養花。【王安石】已著單衣猶禁火。海棠花下怯黃昏。蕭蕭三月閉柴荆。綠葉陰陰忽

滿城。【蘇軾】北城寒食烟火微。落花蝴蝶作團飛。藍尾忽驚新火後。遨頭要及浣花前。【謝逸】點

點花飛春事晚。青青芳草暮愁生。【范成大】桃杏滿村春似錦。踏歌椎鼓過清明。石門柳綠清明

市。洞口桃花上巳山。【元龔璚】今年石湖好清明。每樹梨花香雪晴。【周權】杜宇青山三月暮。桃花

流水一溪雲。【馬臻】潑火雨晴錫粥冷。落花風暖筍輿輕。【唐劉禹錫】楚香寒食橘花時。【陸

羽】人買山茶先穀雨。【李商隱】粥香錫白杏花天。【宋徽宗】茸母初生識禁烟。【邵雍】三月

初三花正開。上巳觀花花意濃。【蘇軾】火冷錫稀杏粥稠。

【詞】【宋謝懋】少年池塘綠遍。王孫芳草依依斜日。遊絲捲晴晝。繫東風無力。蜨趁幽香蜂釀蜜。

秋千外臥紅堆碧。心情費消遣。更梨花寒食。【劉克莊】憶秦娥。遊人絕。綠陰滿野芳菲歇。養蠶天氣采

茶時節。枝頭杜宇啼成血。陌頭楊柳吹成雪。吹成雪。淡烟疏雨。江南三月。【趙長卿】畫堂春。小亭烟

柳水溶溶。野花白白紅紅。惱人池上晚來風。吹損春容。又是清明天氣。當年小院相逢。凭欄幽思幾千

重。殘杏香中。【賀鑄】柳梢青。子規啼血。可憐又是春歸時節。滿院春風。海棠鋪繡。梨花飛雪。丁香

露泣殘枝。悄未比愁腸寸結。自是休文多情。多感不干風月。【李清照】怨王孫。帝里春晚。重門深院。草

綠堦前。暮天鴈斷。樓上遠信誰傳。恨綿綿。多情自是多沾惹。難拚捨。又是寒食也。鞦韆巷陌。人靜。皎月

初斜。浸梨花。【明王世貞】玉樓春。是誰約勒東君去。枝上曉聲寒杜宇。柔綠猶能抵死留。妖紅不解遂

巡住。灞陵一陣飄香雨。宛轉玉驄蹄下土。記他含蕊拆苞時。總有千金無贖處。【宋趙令時】蝶戀花

欲減羅衣寒未去。不捲珠簾。人在深深處。紅杏枝頭花幾許。啼痕止恨清明雨。盡日水沉香一縷。宿酒

醒遲。惱破春情緒。飛燕又將歸信誤。小屏風上西江路。【趙善扛】十拍子。柳絮飛時綠暗。茶蘼開後

春酣花外青帘迷酒思。陌上晴光收翠嵐。佳辰三月三。解佩人逢游女。踏青草鬪宜男。醉倚畫欄欄檻。

北夢繞清江。江水南。飛鸞與共驂。園明葉道。卿鳳凰閣。遍園林綠。暗渾如昨。翠幄下無一片是花萼。

可恨狂風橫雨。忒煞情薄。盡底把韶華送却。楊花無奈。是處穿簾透幕。豈知人意正蕭索。春去也。這般

愁。沒處安著。怎奈何。黃昏院落。王世貞青玉案。鴨頭波染濃于耐。風起處。紅香青皺。乳燕雙雙。簾幙

透。梨花未雪。綠楊猶絮。蠶飽桑陰瘦。無端釀出清明候。忽憶城南乍分手。十二闌干寒更陡。踏青人遠。

鬪茶時近。滋味如中酒。宋辛棄疾祝英臺近。寶釵分。桃葉渡。烟柳暗南浦。陌上層樓。十日九風雨。斷

腸點點飛紅。都無人管。倩誰喚。流鶯聲住。鬢邊覷。試把花卜歸期。纔簪又重數。羅帳燈昏。哽咽夢中語。

是他春帶愁來。春歸何處。又不解帶將愁去。滿江紅。家住江南。又過了清明寒食。花徑裏一番風雨。

一番狼籍。紅粉暗隨流水去。園林漸覺清陰密。算年年落盡刺桐花。寒無力。庭院靜。空相憶。無處說。閒

愁極。怕流鶯乳燕。得知消息。尺素如今何處也。綠雲依舊無踪跡。謾教人羞去上層樓。平蕪碧。李

琳六么令。淡煙疎雨。香逕渺啼鳩。新晴畫簾閑卷。燕外寒尤力。依約天涯芳草。染得春風碧。人間陳迹。

斜陽今古。幾縷遊絲趁飛蝶。誰向尊前起舞。又覺春如客。翠袖折取。薦紅笑與簪華髮。回首青山一點。

簷外寒雲疊。梨花著雨。柳花飛絮。夢繞闌干滿園雪。施岳曲游春。畫鼓西泠路。占柳陰花影。芳意如

織。小楫衝波。度麴塵扇底。粉香簾隙。岸轉斜陽隔。又過盡別船簫笛。傍斷橋翠繞紅圍。相對半篙晴色。

頃刻千家暮碧。向沽酒樓前。猶繫金勒。乘月歸來。正梨花夜縞。海棠烟幕。院宇明寒食。醉乍醒。一庭春寂。任滿身露濕。東風欲眠未得。

【別園占候】三月有三卯宜豆。無則麥不收。月內有暴水。謂之桃花水。主多梅雨。無則無。清明有

水而渾。主高低田大熟。雨水調。朔日值清明。草木茂。值穀雨。主年豐。上巳聽蛙聲。上晝叫。上鄉熟。下

晝叫。下鄉熟。終日叫。上下齊熟。聲啞。低田熟。聲響。低田澇。【種植】穀黍。芝蔴。薏苡。黑豆。御麥。棉花。白扁

豆。蠶豆。刀豆。紅豆。葫蘆。茄。豇豆。落花生。生菜。菠菜。苾菜。茼蒿。葱。山藥。稗。瓠子。茭。筍。稍瓜。香芋。蘿蔔。韭。王瓜。

南瓜。冬瓜。菜瓜。蕹荷。茴香。薑。大豆。銀杏。葡萄。薤。土瓜。荸薺。芋。香菜。櫻桃。枸杞。椒。紫蘇。白蘇。天茄。望江南。梨。

菊。牛旁。鳳仙。薄荷。玫瑰。十樣錦。藕。栗。百合。雞冠。山丹。紅花。紫草。薇。獨帚。草。麻子。石竹。罌粟。商陸。葵。決明。麻。

【移植】石榴。地黃。楊梅。木瓜。梧桐。柑。橘。夜合。冬青。寶相。檜。桑。海棠。橙。菱。木槿。麗春。玉簪。杉。槐。芙蓉。薔薇。

秋海棠。芭蕉。楮。梔子。木香。醒頭香。紫萼。【貼接】柑。柚。橙。橘。玉蘭。棗。香櫞。柿。接桃。桐。接栗。杏。接梅。【收

採】筆管菜。藤花。椿芽。萸蒿。蒲公英。槐芽。菊芽。金雀花。薺菜。黃棟芽。牛膝。蕨芽。葵菜。藜菜。看麥娘。黃連芽。

葛花。灰。萹。薇菜。斜蒿。老鸛嘴。蓬蒿芽。水苔。紫草。車前葉。牛舌科。厚朴。紫花。王瓜。鉤藤。天茄苗。鴈兒腸。狗脊。

土瓜。荆芥。碎米薺。天門冬。芫花。白附子。澤蘭。川芎芽。紫參根。防葵。穀精草。艾。紫葛根皮。紫背浮萍。夏枯草。

【整頓】開

溝渠犁秧田。埋花棚。浸稻出。菖蒲鋤。蒜拔蓬。【製用】千金月令。三月三日。採艾挂戶。風乾以備醫藥。
【四時纂要】三月三日。取桃花片。至七月七日。和烏雞血塗面與身。【萬花谷】三月三日。宜沐枸杞。
【便民要纂】三月採夏枯草煎汁熬膏。治遠年損傷。【田忌】天火午。地火申。九焦戌。荒蕪丑。糞忌辰。湯。

廣羣芳譜卷第四

天時譜

夏

【禮記鄉飲酒義】南方者夏。夏之爲言假也。養之長之。假之仁也。【爾雅】夏爲朱明。【註】氣赤而光明。夏爲長贏。【尸子】南方爲夏。夏興也。南任也。萬物莫不任興蕃殖充盈也。【原】梁元帝纂要【夏

曰朱夏炎夏三夏九夏。天曰昊天。風曰炎風。節曰炎節。草曰茂草。雜草。木曰蔚林。茂林。密樹。茂樹。

【原】禮記王制【夏薦麥。【周禮秋官】雍氏掌殺草。春始生而萌之。夏日至而夷之。【原】晉書嵇

康傳【康性絕巧而好鍛。宅有一柳樹甚茂。乃激水環之。夏月居其上以鍛。【山海經】朱提郡堂狼山

多毒草。盛夏之月。飛鳥過之。亦不得去。【淮南子】武王蔭暍人于柳下。而天下懷。【原】淮南子【夏取

果。【注】有核曰果。無核曰蔴。薺麥夏死。而人曰夏生生者衆。【尚書考靈曜】夏火星昏中。可以種

黍。【原】括地圖【天毒國最熱。夏則草木皆乾。【語林】陸機在洛。夏月忽思東頭竹篠飲。語劉寶曰。吾

思鄉轉深矣。【原】敍聞錄【嵇昌蓄探星盆。夏月漬果則倍冷。【原】杜陽雜編【李輔國夏月堂中。設迎

涼草。其色碧。幹似苦竹。葉細於杉。刺之牕戶間。舉室皆涼。【原】熙朝樂事【西湖夏夜。觀荷最宜。風露舒

涼。清香徐細。傍花淺酌。如對美人倩笑款語也。【清閒供】夏時晨起。芰荷爲衣。傍花枝吸露。午後剝椰子杯。浮瓜沉李。搗蓮花。飲碧芳酒。日晡浴罷。掉小舟。垂釣於古藤曲水邊。薄暮籜冠蒲扇。立層岡。看火雲變現。【林下盟】暑月晚涼浴罷。杖履逍遙。臨池觀月。乘高取風。採蓮剝芡。剖瓜雪藕。白醪三杯。取醉而適。其爲樂殆未可以一二數也。

【集韻】文賦散句【梁江淹四時賦】炎雲峯起。芳樹未移。臯蘭生坂。朱荷出池。憶上國之綺樹。想金陵之蕙枝。【唐王勃夏日登韓城門樓序】驚花亂下。戲鳥平飛。荷葉滋而曉露繁。竹院靜而炎氣息。

【宋王炎夏日郊行賦】麥稊稊而餅餌。桑陰陰而繭絲。麻旆旆而沒人。秧芄芄而布畦。

【五言古詩】梁江總夏日還山庭【獨於幽棲地。山庭暗女蘿。澗漬長低篠。池開半卷荷。野花朝暝落。盤根歲月多。停尊無賞慰。狎鳥自經過。】梁簡文帝納涼【斜日晚駸駸。池塘生半陰。避暑高梧側。輕風

時入襟。落花還就影。驚蟬乍失林。遊魚吹水沫。神蔡上荷心。翠竹垂秋采。丹棗映疎碁。無勞夜遊曲。寄此託微吟。】隋薛道衡梅夏應教【長廊連紫殿。細雨應黃梅。浮雲半空上。清吹隔池來。集鳳桐花散。騰龜

蓮葉開。幸逢爲善樂。頻降濟時才。】唐韋應物園亭覽物【積雨時物變。夏綠滿園新。殘花已落實。高笋

半成筠。守此幽棲地。自是忘機人。】宋秦觀田居【入夏桑柘稠。陰陰翳虛落。新麥已登場。餘蠶猶占箔。

隆曦破層陰。霽靄收遠壑。雌蜺臥淪漪。鮮颿泛叢薄。林深鳥更鳴。水漫魚知樂。羸老厭煩敲。解衣屢磅礴。

蔭樹濯涼颺。起行遺帶索。冢婦餉初還。丁男耘有託。倒筒備青錢。鹽茗恐垂囊。明日輸絹租。鄰兒入城郭。
【七言古詩】【唐】宋歐陽修歸田樂南風原頭吹百草。草木叢叢茅舍小。麥穗初齊稚子嬌。桑葉正肥蠶食飽。老翁但喜歲年熟。餉婦安知時節好。野棠梨密啼晚鶯。海石榴紅囀山鳥。田家此樂知者誰。我獨知之歸不早。乞身當及強健時。顧我蹉跎已衰老。
【原】【唐】梅堯臣夏熱六龍銜火燒寰宇。魏王冰井若湯煮。松枝桂葉凝若癡。喘殺溪頭嘯風虎。北冥融却萬丈冰。千觔凍鼠忙如蒸。我聞北土長飛雪。此時日噉地皮裂。仙芝瑤草不敢茁。湘川竹焦琅玕折。西郊雲好雨不垂。堆青疊碧徒爾爲。
【原】【元】薩都刺新夏曲紅泣香枯怨流水。夜放籀龍千尺尾。風生宮樹曉層層。涼綠一簾收不起。煙乾寶鴨白晝清。祝融緩轡行且停。薔薇花深霧冥冥。碧牕睡起香滿肱。
【原】【明】何中山中樂隄柳綠搖新罨畫。石榴紅摺嬌裙衩。蓮蕩風閒翡翠欹。菱塘雨定鴛鴦下。溪女浣紗朝出村。行官飲水暮歸舍。瓦餅手挈隔年醅。石下坐圍明月夜。山中之樂誰得知。我獨知之來何爲。空裏烏蟾飛影過。桑麻課效勝書帷。
【原】【明】鄭奎妻夏月詞芭蕉葉展青鸞尾。萱草花含金鳳嘴。一雙乳燕出雕梁。數點新荷浮綠水。困人天氣日長時。鍼線慵拈午漏遲。起向石榴陰畔立。戲將梅子打鶯兒。

【五言律詩】【唐】唐駱賓王夏日遊目暫屏塵囂累。言尋物外情。致逸心逾默。神幽體自輕。浦夏荷香滿。田秋麥氣清。詎假滄浪上。將濯楚臣纓。
【夏日遊山家】返照下層岑。物外狎招尋。蘭徑薰幽佩。槐庭落

暗金谷靜風聲微。山空月色深。一遣樊籠累。唯餘松桂心。【杜審言夏日過鄭七山齋】共有樽中好。言尋谷口來。薜蘿山徑入。荷芰水亭開。日氣含殘雨。雲陰送晚雷。洛陽鐘鼓至。車馬繫遲回。【韋應物夏

花明】夏條綠已密。朱萼綴明鮮。炎炎日正午。灼灼火俱燃。翻風適自亂。照水復成妍。歸視窗間字。熒煌滿眼前。【許渾長興里夏日南鄰避暑】侯家大道傍。蟬噪樹蒼蒼。開鑣洞門遠。下簾賓館涼。欄圍紅藥

盛。架引綠蘿長。永日一欵枕。故山雲水鄉。【宋韓琦夏景卽事】槐耳籠前檻。雲峯透曲櫺。涼風卽峴闕。

煩思入滄溟。荷弱翻青蓋。榴新倒綠餅。晚來收驟雨。一枕夢魂醒。【邵雍春盡後園閒步】綠樹成陰日。

黃鶯對語時。小渠初澱澹。新竹正參差。倚杖閒吟久。攜童引步遲。好風知我意。故故向人吹。【張耒夏

日】過雨芰荷亂。繁陰竹樹多。雛聲知鳥哺。萍動見魚過。細逕饒苔蘚。陰牆引薜蘿。角巾從倒側。疎懶欲

如何。蚓壤排晴圃。蝸涎印雨階。花鬚嬌帶粉。樹角老封苔。問字病多忘。過鄰慵却迴。晚涼還盥櫛。對竹

引清杯。細徑依原僻。茅蓬四五家。山田來雉兔。溪雨熟桑麻。竹籠晨收果。茅菴夜守瓜。頗知農事樂。從

此問生涯。【金龐鑄喜夏】小暑不足畏。深居如退藏。青奴初薦枕。黃妳亦升堂。鳥語竹陰密。雨聲荷葉

香。晚涼無一事。步履到西廂。【明仁宗池亭納涼】夏日多炎熱。臨池憩午涼。雨滋槐葉翠。風過藕花香。

舞燕來青瑣。流鶯出建章。援琴彈野操。民物樂時康。

【七言律詩】唐錢起避暑納涼。木槿花開畏日長。時搖輕扇倚繩牀。初晴草蔓緣新筍。頻雨苔衣染

舊牆十旬河朔應虛醉。八柱天台好納涼。無事始知禪靜勝。深垂紗帳詠滄浪。【宋陸游消暑小飲熟睡至暮】桑落香浮榭葉杯。甘瓜綠李亦佳哉。虛堂頓解汗揮雨。高枕俄成鼻殷雷。靜聽風聲生檻竹。徐看日影轉庭槐。晚涼更動扁舟興。北渚紅蕖已半開。槐影桐陰欲滿廊。綸巾羽扇自生涼。新篔玉窟陳雙榼。平展風漪可一牀。馳騎遠分丹荔到。大盆寒浸碧瓜香。湖邊誰謂幽居陋。也愛迢迢夏日長。【明王象晉夏日】祝融司令繼芳春。四望郊原樂事均。翠浪翻池荷蓋綠。黃雲布壠麥痕新。榴花焰焰紅噴火。葵葉翩翩影應辰。偃仰茂林逃酷暑。呼朋酌酒莫辭頻。

【五言排律】唐楊巨源夏日裴尹員外西齋看花。笑向東來客。看花枉在前。始知清夏月。更勝豔陽天。露濕呈妝汗。風吹畏火燃。葱蘢和葉盛。爛熳壓枝鮮。紅綵當鈴閣。清香到玉筵。蝶棲驚曙色。鶯語滯晴煙。得地殊堪賞。過時倍覺妍。芳菲遲最好。唯是謝家憐。

【五言絕句】御製橋望。郊原浮麥氣。池沼漾青蘋。夏日臨橋望。薰風處處新。

【金宇文虛中迴文】翠密圍窗竹。青圓貼水荷。睡多嫌晝永。醒少得風和。草徑迷深綠。蓮池浴膩紅。早蟬鳴樹曲。鮮鯉躍潭東。

【七言絕句】唐皮日休藥名離合夏日卽事。桂葉似茸含露紫。葛花如綬蘸溪黃。連雲更入幽深地。骨錄閒攜相蠟郎。【高駢山亭夏日】綠樹陰濃夏日長。樓臺倒影入池塘。水精簾動微風起。滿架薔薇

一院香。【宋司馬光夏日西齋書事】榴花映葉未全開。槐影沉沉雨勢來。小院地偏人不到。滿庭鳥迹

印蒼苔。【范成大夏日田園雜興】梅子金黃杏子肥。麥花雪白菜花稀。日長籬落無人過。惟有蜻蜓蛺

蝶飛。五月吳江麥秀寒。移秧披絮尚衣單。稻根科斗行如塊。田水今年一尺寬。二麥俱秋斗百錢。田

家喚作小豐年。餅爐飯甑無饑色。接到西風熟稻天。晝出耘田夜績麻。村莊兒女各當家。童孫未解供

耕織。也傍桑陰學種瓜。槐葉初勻日氣涼。葱葱鼠耳翠成雙。三公只得三株看。閒客清陰滿北窗。千

頃芙蕖放棹嬉。花深迷路晚忘歸。家人暗識船行處。時有驚忙小鴨飛。采菱辛苦廢犁鉏。血指流丹鬼

質枯。無力買田聊種水。近來湖面亦收租。【楊萬里夏日】不但春妍夏亦佳。隨緣花草是生涯。鹿葱解

插纖長柄。金鳳仍開最小花。【戴昺夏晝小雨】小牀蘄篔展琉璃。窗外新篁一尺圍。正午雲橋陣雨過。

冬青花上蜜蜂歸。【元僧善住夏日】中庭日午橘花開。蜂蝶何知故故來。一陣南薰生殿角。亂飄香雪

點蒼苔。【明吳寬夏日】綠陰松蘿暑氣涼。清泉瀉入小池塘。人間晝永無聊賴。一朵荷花滿院香。

【黃氏幼藻夏日】深院塵消散午炎。篆煙如夢晝淹淹。輕風似與荷花約。爲送香來自捲簾。

【詩散句】【周庾信】槐庭垂綠穗。蓮浦落紅衣。【陳徐陵】嫩竹猶含粉。初荷未聚塵。【隋李德林】

桐枝覆玉檻。荷葉滿銀塘。【唐杜甫】公子調冰水。佳人雪藕絲。【嚴維】蕙風清水殿。荷氣雜天香。

【張籍】竹月泛涼影。萱露澹幽叢。【宋邵雍】夏木無重數。叢陰翠樹低。【李顥】浦夏荷香滿。田風

麥氣清。【唐方干】樹影興賒侵枕簟。荷香坐久著衣巾。巖溜噴空晴似雨。林蘿礙日夏多寒。

【宋陸游】池塘潏潏荷浮葉。門巷陰陰筍放梢。【元方夔】棟花零落魚初發。梅子青黃雨不乾。早麥

熟隨芹菜餉。晚茶香和樹芽蒸。【蘇澹】林塘乍迸翁孫竹。籬落齊開姊妹花。【晉謝朓】夏木轉

成帷。【周庾信】夏餘花欲盡。【唐韓偓】暑退松篁健。【李顥】垂藤引夏涼。【李咸用】雲水沉沉

夏亦寒。【宋陸游】簷前桐影偏宜夏。

【詞】原【宋秦觀如夢令】門外綠陰千頃。兩兩黃鸝相應。睡起不勝情。行到碧梧金井。人靜人靜。風弄一

枝花影。【明陳繼儒攤破浣溪紗】梓樹花香月半明。棹歌歸去蟬姑鳴。曲曲柳灣茅屋矮。挂魚罾。

笑指吾廬何處是。一池荷葉小橋橫。燈火紙窗修竹裏。讀書聲。【宋蘇庠臨江仙】獵獵風蒲初暑過。

瀟然庭戶秋清。野航渡口帶煙橫。晚山千萬疊。別鶴兩三聲。秋水芙蓉聊蕩槳。一樽同破愁城。蓼花灘

土白鷗明。暮雲連極浦。急雨暗長汀。【明文徵明青玉案】庭下石榴花亂吐。滿地綠陰亭午。午睡覺來

時自語。悠揚魂夢。黯黯情緒。蝴蝶過牆去。鬢髮嬌眼開仍帶。悄無人欲出。還疑竚。團扇不搖風自舉。盈

盈翠竹。纖纖白苧。不受些兒暑。

【別錄】原【芸窗類記】凡收藏書畫。於未梅雨前曬極燥。頓匣櫃中。厚以紙糊門及小縫。令不通風。卽不黴。

古人藏書。多用芸香。卽今之七里香也。匣櫃須用楸梓杉秘之類。忌油松。內不用漆。【占候】夏冰歲饑。

五穀不成。【製用】夏月凡制一切果蔬俱用臘雪水最佳。

四月立夏小滿附見

【增】禮記月令【孟夏之月】日在畢昏翼中旦婺女中【註】日月會於實沈而斗建巳之辰也。王瓜生苦菜秀。命野虞出行田原爲天子勞農勸民毋或失時。農乃登麥天子乃以餗嘗麥先薦寢廟。聚畜百藥靡草死麥秋至。【原】梁元帝纂要【是月曰孟夏亦曰首夏】。【增】花月令【是月也杜鵑翔木香升新篁敷粉罌粟滿芍藥相木筆書空】。【瓶史月表】花盟主芍藥薔薇夜合花客卿石巖罌粟玫瑰花使令刺牡丹粉團龍爪垂絲海棠虞美人棟花。

【增】詩豳風【四月秀萋】。【增】夏小正【四月囿有見杏】。王荳莠取茶【傳】茶也者以爲君薦蔣也。

【晉書樂志】四月之管名爲仲呂者呂助也謂陽氣盛長陰助成功也。四月之辰謂爲巳巳者起也。物至此時畢盡而起也。四月官田其樹桃。孟夏之月以熟穀禾。律受夾鐘夾鐘者種始莢也。

【四民月令】四月可種黍謂之上時。【禮斗威儀】孟夏驅獸無害五穀。【秦中歲時記】長安四月已

後自堂廚至百司廚通謂之櫻筍廚。【高僧傳】摩歌利頭四月八日浴佛以都梁香爲青色水鬱金香

爲赤色水丘隆香爲白色水附子香爲黃色水安息香爲黑色水以灌佛頂也。【景龍文館記】四年四

月上幸司農少卿王光輔莊駕還朝後中書侍郎南陽岑羲設茗飲葡萄漿與學士等討論經史。【東

坡詩註】成都太守自正月十日至四月十九日浣花乃止。【水衡記】麥黃水。四月水名。【賞心樂事】四月芳草亭鬪草。芙蓉池新荷。藥珠洞茶蘼。滿霜亭菊芽。玉照堂青梅。豔香館長春花。安閒堂紫芙蓉。仙繪幅樓前玫瑰。餐霞軒櫻桃。詩禪堂盤子山丹花。南湖雜花。鷗渚亭五色鷲粟花。【清閒供】四月十四菖蒲誕。【史纂】馬珏居華陽亭。牆外有來禽一株。枯已久矣。師四月十四日汲水沃之。曰。純陽來年是日生於此樹之下。【帝京景物略】四月八日捨豆兒曰結緣。十八日亦捨。先是拈豆念佛。一豆佛號一聲。有念豆至石者。至日熟豆人徧捨之。其人亦一念佛啖一豆也。是月榆初錢。麪和糖蒸食之。曰榆錢糕。【立夏】禮記月令。是月也。以立夏。先立夏三日。太史謁之天子曰。某日立夏。盛德在火。天子乃齋。立夏之日。天子親帥三公九卿大夫。以迎夏於南郊。【三禮義宗】四月立夏爲節。夏大也。至此之時。物已長大。故以爲名。【說林】立夏日俗尙啖李。時人語曰。立夏得食李。能令顏色美。故是日婦女作李會。取李汁和酒飲之。謂之駐色酒。一曰是日啖李。令不疰夏。【熙朝樂事】立夏之日。人家各烹新茶。配以諸色細果。餽送親戚比鄰。謂之七家茶。富室競侈。果皆雕刻。飾以金箔。而香茶名目。若茉莉。林檎。桂蕊。薔薇。丁香。檀蘇杏。盛以哥汝瓷甌。僅供一啜而已。【嘉吳記】俗於立夏日噉青梅。云令人終歲神清。不昏睡。【小滿】禮記孝經緯。立夏後十五日。斗指巳爲小滿。【物類相感志】青梅過小滿黃。蜀葵過小滿則長。

【集韻】文賦散句【原】晉傅玄述夏賦【四月惟夏運臻正陽和氣穆而扇物麥含露而飛芒清微泛於琴瑟朱鳥感於炎荒鹿角解於中野草木蔚其條長【梁昭明太子錦帶書】節屆朱明暑鍾丹陸依依聳蓋俱臨帝女之桑鬱鬱丹城並掛陶潛之柳梅風拂戶牖之內麥氣擁宮闕之前【唐許敬宗麥秋賦】葉幄垂秀條帷泛光鶯傳枝而嬾娜蜂散蕊而芬芳對銀縵而偶稔並金縷而分芒改炎炎之鑠石若懷懷之懷霜

【五言古詩】原【晉陶潛讀山海經】孟夏草木長遶屋樹扶疎衆鳥欣有託吾亦愛吾廬既耕亦已種時還讀我書窮巷隔深轍頗迴故人車歡言酌春酒摘我園中蔬微雨從東來好風與之俱泛覽周王傳流觀山海圖俯仰終宇宙不樂復如何【梁簡文帝和湘東王首夏】冷風雜細雨垂雲助麥涼竹水俱蔥翠花蝶兩飛翔燕泥含復落鷓吟斂更揚臥石藤爲纜山橋樹作梁欲待華池上明月吐清光【唐劉禹錫初夏曲】時節過繁華陰陰千萬家巢禽命子戲園果墜枝斜寂寞孤飛蝶窺叢覓晚花【白居易首夏南池獨酌】春盡雜英歇夏初芳草深薰風自南至吹我池上林綠蘋散還合蘋鯉跳復沈新葉有佳色殘鷺猶好音依然謝家物池酌對風琴慚無康樂作乘筆思沈吟境勝才思劣詩成不稱心【宋梅堯臣孟夏二日通判太博惠庭花】前日已春盡夏卉抽嫩青唯君所植花餘紅猶滿庭常惜畏景逼贈未及飄零欲插爲之醉但慙髮星星

【七言古詩】唐李賀四月樂詞。曉涼暮涼樹如蓋。千山濃綠生雲外。依微香雨青氛氳。膩葉蟠花照曲門。金塘閑水搖碧漪。老景沈重無驚飛。墜紅殘萼暗參差。

【五言律詩】御製夏日迎薰亭。苑啓時初夏。亭陰午未闌。雨過池藻碧。日綻海榴丹。水木含清景。禽魚得靜觀。薰風能解愠。試取玉琴彈。

【夏日郊行】節變春方去。清和助麥秋。蔚林乘早夏。茂草接新流。柳絮隄邊起。荷錢水上浮。風光殊舊日。此意未曾休。

【初夏玉泉山二首】別館依丹麓。疎簾映碧莎。泉聲當檻出。花氣入垣多。路轉溪橋接。舟沿石竇過。薰風能阜物。藻景已清和。

山翠引鳴鑣。湖光漾畫橈。野雲低隔寺。沙柳暗藏橋。百囀黃鸝近。雙飛白鷺遙。今年農事早。時雨足新苗。

【唐韋應物始夏南園思舊里】夏首雲物變。雨餘草木繁。池荷初貼水。林花已掃園。縈叢蝶尙亂。依閣鳥猶喧。對此殘芳月。憶在漢陵原。

【白居易早夏遊平泉迴】夏早日初長。南風草木香。肩輿頗平穩。澗路甚清涼。紫蕨行看採。青梅旋摘嘗。療饑兼解渴。一盞冷雲漿。

【宋司馬光首夏呈諸鄰】首夏木陰薄。清和自一時。筍抽八九尺。荷生三四枝。新服裁蟬翼。舊扇拂蛛絲。莎徑熱未劇。晨昏來往宜。

【陸游幽居初夏】梅塢青黃子。草陂紅紫花。雙鵝朝戲浦。羣鴨暮還家。赤脚挑殘筍。蒼頭摘晚茶。出門逢野老。滿意說桑麻。

【元白珽餘杭四月】四月餘杭道。一晴生意繁。朱櫻青豆酒。綠草白鵝村。水滿船頭滑。風輕袖影翻。幾家蠶事動。寂寂畫門關。

【明陳憲章四月】四月陰晴裏。山花落漸稀。雨聲寒月桂。日色煖酸

醺病起初持酒。春歸尙掩扉。午風吹蛺蝶。低趁乳禽飛。生意日無涯。乾坤自不知。受風荷柄曲。擎雨柏枝垂。靜坐觀羣妙。聊行覓小詩。臨階愛新竹。抽作碧參差。

【七言律詩】唐皮日休四月十五日。和陸龜蒙道室書事。望朝齋戒是尋常。靜啓金根第幾章。竹葉飲爲甘露色。蓮花鮓作肉芝香。松膏背日凝雲磴。丹粉經年染石牀。剩欲與君終此志。顏仙惟恐鬢成霜。

【宋蔡襄四月池上】風下平池水暈開。池邊露坐水風來。草香苒苒生吟席。雲影飛飛度酒杯。荷葉偶成雙翠蓋。荔枝纔似小青梅。人閑物靜兩相得。月色蒼涼始肯迴。【陸游初夏閒居】城上朱旗夏令初。

溪頭綠水蘸菰蒲。花貪結子無遺萼。燕接飛蟲正哺雛。簫鼓賽蠶人盡醉。陂塘移稻客相呼。長安青蓋金羈馬。也有農家此樂無。【戴昺四月卽景】茶歌纔了又田歌。節物真成一鳥過。蒼竹颭風涼意足。碧梧留雨夜聲多。瓜綠茅屋抽長蔓。藕過蔬畦出矮荷。最喜白鷗相狎久。對人自在浴清波。【真山民初夏】

一葉薰風帶暑回。雨天濃翠與庭槐。不隨春去鶯猶在。好競時妝榴又開。翦尺旋裁新白苧。杯盤聊薦舊青梅。篋中敝扇投閒久。依舊團團入手來。

【五言排律】唐太宗賦得夏首啓節。北闕三春晚。南榮九夏初。黃鶯弄漸變。翠林花落餘。瀑流還響谷。猿啼自應虛。早荷向心卷。長楊就影舒。此時歡不極。調軫坐相於。【白居易春末夏初閒遊江郭二首】

閒出乘輕屐。徐行蹋軟沙。觀魚傍溢浦。看竹入楊家。林迸穿籬笋。藤飄落水花。雨埋釣舟小。風颭酒

旗斜嫩剝青菱角。濃煎白茗茶。淹留不知夕。城樹欲棲鴉。柳影繁初合。鶯聲澀漸稀。早梅迎夏結。殘絮

送春飛。西日韶光盡。南風暑氣微。展張新小簞。熨帖舊生衣。綠蟻杯香嫩。紅絲鱸縷肥。故園無此味。何必

苦思歸。【首夏猶清和聯句】記得謝家詩。清和卽此時。白居易餘花數種在。密葉幾重垂。裴度芳謝人人惜。

陰成處處宜。劉禹錫水萍爭點綴。梁燕共追隨。白居易亂蝶憐疎蕊。殘鶯戀好枝。張籍草香殊未歇。雲勢漸多奇。

白居易單服初寧體。新篁已出籬。裴度與春爲別近。覺日轉行遲。劉禹錫繞樹風光少。侵階苔蘚滋。白居易唯思奉

歡樂。長得在西池。張籍

【七言絕句】御製夏日閒坐。雲斂風微紫燕飛。春光已去夏初歸。清襟贏得天然處。暗覺花香到玉扉。

【宋司馬光初夏】首夏清和新雨晴。綠荷細軟不妨行。園夫遮道白何事。梔子花開斑笋生。【王安

石初夏卽事】石渠茅屋有彎碕。流水濺濺度雨陂。晴日暖風生麥氣。綠陰幽草勝花時。【東坡】荷葉

初開筍漸抽。東陂南蕩正堪遊。無端隴上脩脩麥。橫起寒風占作秋。【陳造早夏】安石榴花猩血鮮。涼

荷高葉碧田田。鱗魚入市河豚罷。已是江南打麥天。【范成大初夏四首】清晨出郭更登臺。不見餘春

只麼回。桑葉露枝蠶向老。菜花成莢蝶猶來。晴絲千尺挽韶光。百舌無聲燕子忙。永日屋頭槐影暗。微

風扇裏麥花香。東君不解惜芳菲。料峭寒中一夢非。翦盡牡丹梅子綻。何須風雨送春歸。一簾芳樹

綠葱葱。蝴蝶飛來覓綺叢。雪白茶蘂紅寶相。尙攜春色見薰風。【陸游初夏】紛紛紅紫已成塵。布穀聲

中夏令新夾路桑麻行不盡始知身是太平人。槐柳成陰雨洗塵。櫻桃酪乳併嘗新。古來江左多佳句。夏淺勝春最可人。【楊萬里初夏】麥黃秧碧百家衣。已熟猶寒四月時。雨後覓春無一寸。薔薇花發釀燕脂。手種琅玕劣十年。今年新笋不勝繁。不知明早添多少。日暮閒來數一番。【戴敏遊張園】乳鴨池塘水淺深。熟梅天氣半晴陰。東園載酒西園醉。摘盡枇杷一樹金。

【詩散句】**晉謝靈運**首夏猶清和。芳草亦未歇。**原**謝朓麥候始清和。涼雨消炎燠。**唐太宗**

一朝春夏改。隔夜鳥花遷。**張說**庭柳餘春駐。宮櫻早夏催。**杜甫**摘荷纔首夏。驄馬尙餘春。

【錢起】花萼敗春多寂寞。葉陰迎夏已清和。**宋謝伯初**園林換葉梅初熟。池館無人燕學飛。

【蘇軾】吳國晚蠶初斷葉。占城早稻欲移秧。**陸游**采茶歌裏春光老。煮繭香中夏景長。風和柳岸

吹綿後。雨足瓜畦引蔓時。梅子生仁已帶酸。棟花墮地尙微寒。

【詞】**原**明陳繼儒攤破浣溪沙蜂欲分衙燕補巢。清和天氣綠陰嬌。一陣窗前風雨到。打芭蕉。驚起

幽人初睡午。茶煙繚繞出花梢。有箇客來琴在背。度紅橋。【葉夢得黃金縷】睡起流鶯語。掩蒼苔房櫳

向曉。亂紅無數。吹盡殘花無人問。惟有垂楊自舞。漸煖靄初回。輕暑寶扇重尋。明月影。暗塵尙有乘鸞

女。驚舊恨。鎮如許。江南夢斷衡臯渚。看黏天蒲菰漲綠。半空煙雨。無限樓前滄波意。誰採蘋花寄取。空

惆悵蘭舟容與。萬里雲帆何時到。送孤鴻目斷千山阻。誰爲我唱金縷。

別錄 **占候** 月內有三卯宜麻無則麥不收月內寒主旱諺云黃梅寒井底乾 諺云有穀無穀且看四月十六立一丈竿量月影月當中時影過竿雨水多沒田夏旱人饑長九尺主三時雨水八尺七尺主雨水六尺低田大熟高田半收五尺主夏旱四尺蝗三尺人饑 **農政全書** 分龍之日農家於是日早以米篩盛灰藉之紙至晚視之若有雨點迹則秋不熟穀價高人多閉糶 諺云二麥不怕神共鬼只怕四月八日雨大抵立夏後雨多便損麥蓋麥花夜吐雨多花損 **種植** 秋王瓜麥門冬芝麻蘿蔔扁豆粟紫蘇菱莧小豆絲瓜枇杷葱瑞香芡 **移植** 石菖蒲櫻桃茄秋海棠茉莉梔子秋牡丹枇杷葱翠雲草菊芋 **壓插** 玉繡毬木樨梔子錦葵玉蝴蝶木香茶蘼芙蓉 **收採** 豨薟草白蘚根菜子析冥子桃杏仁蠶豆柴胡筭乾楮實黃葵花蒼耳子紅花蕤仁桑椹 **整頓** 防露傷麥剪菖蒲鋤葱素馨斫楮皮埋蠶沙伐樹絡麻 **田忌** 天火酉九焦未地火未糞忌寅荒蕪申

五月芒種夏至端午附見

禮記月令 仲夏之月日在東井昏亢中旦危中 **註** 日月會於鶉首而斗建午之辰也 農乃登黍天子乃以雛嘗黍羞以含桃先薦寢廟令民毋艾藍以染 半夏生木堇榮 **原** **梁元帝纂要** 五月曰仲夏亦曰暑月皐月 **花月令** 是月也葵赤紫薇葩薔薇始馨夜合交榴花照眼紫楸降於桑 **瓶史月表** 五月花盟主石榴番萱夾竹桃花客卿蜀葵洛陽花午時紅花使令川荔枝梔子花火石榴

孩兒菊。一丈紅。石竹花。

【周禮秋官】仲夏斬陰木。【註】陰木秋冬生者。若松柏之屬。【夏小正】五月乃衣瓜。【傳】瓜者

急瓜之辭也。瓜者始食瓜也。初昏大火中。種黍菽糜。煮梅蓄蘭。【傳】大火者心也。心中種黍菽糜時也。

煮梅爲豆實也。蓄蘭爲沐浴也。【晉書樂志】五月之辰。謂爲午。午者長也。大也。言物皆長大也。五月

之管。名爲蕤賓。蕤蕤垂下貌也。賓。敬也。謂時陽氣下降。陰氣始起。相賓敬也。【風俗通】五月落梅風。江

淮以爲信風。【風土記】五月有霖霖。號爲梅雨。霑衣皆敗。謂之送梅雨。【歲時雜記】仲夏多大雨。名

濯枝雨。【水衡記】五月瓜蔓水。五月瓜延蔓。故以名。【夢溪筆談】五月草木茂盛。逾於初生。故曰勝

先。【賞心樂事】五月聽鶯堂摘瓜。重午節泛蒲。煙波觀碧蘆。南湖萱花。綺互亭火笑花。水北書院采蘋。

鷗渚亭五色蜀葵。清夏堂楊梅。叢奎閣榴花。豔香館林檎。摘星軒枇杷。【清閒供】五月十三竹醉日。

【芒種】【癩】嬾真子錄。陝州夏縣士人樂舉明遠。嘗云。二十四氣。其名皆可解。獨小滿芒種。說者不一。僕

因問之。明遠曰。皆爲麥也。小滿四月中。謂麥之氣至此方小滿而未熟也。芒種五月節。種該數類之種。謂

種之有芒者麥也。至是當熟矣。僕因記周禮稻人澤草所生。種之芒種。註云。澤草之所生。其地可種芒種。

稻麥也。僕近爲老農。始知過五月節。則稻不可種。所謂芒種五月節者。謂麥至是而始可收。稻過是而不

可種也。古人名節之意。所以告農候之早晚深哉。【夏至】【癩】周禮秋官。柞氏掌攻草木及林麓。夏日

至。令刊陽木而火之。【疏】夏日至。謂五月夏至之日爲之也。令刊陽木而火之。謂先削以去其皮。乃燒之。【管子】夏至而麥熟。天子祀太宗。其盛以麥。穀之始也。【荆楚歲時記】夏至日。食糴。取菊爲灰。以止

小麥蠹。按干寶變化論云。朽稻爲蠶。朽麥爲蚘蝶。此其驗乎。【風土記】夏至前。芒種後。雨爲黃梅雨。田

家初插秧。謂之發黃梅。【端午】圖【玉燭寶典】洛陽人家。端午造朮羹艾酒。以花絲作樓閣插鬢。贈遺

辟瘟扇。【荆楚歲時記】五月五日。四民並蹋百草。又有鬪百草之戲。採艾爲人。懸門戶。以禳毒氣。按宗

則嘗以五月五日。鷄未鳴時。採艾。見似人處。攬而取之。用灸有驗。是日競渡。採雜藥。【風土記】端午

烹鷺。進筒糴。一名角黍。以菰葉裹黏米栗棗。以灰煮令熟。蓋取陰陽包裹未散之象。【千金月令】端午

以菖蒲或鏤或屑以泛酒。【採蘭雜志】杜羔妻趙氏。每歲端午午時。取夜合花置枕中。羔稍不樂。輒取

少許入酒。令婢送飲。羔卽歡然。當時婦人爭效之。【酉陽雜俎】五月進五時圖。五時花。施帳之上。

【歲時雜記】端午刻菖艾爲小人子。或葫蘆形帶之。辟邪。【吳中歲時記】端午簪艾葉榴花以辟邪。

【乾淳歲時記】端午禁中插食盤架。設天師艾虎意思。山子數十座。五色蒲絲百草霜。以大盒三層。飾以

珠翠葵榴艾花蜈蚣蛇蝎蜥蜴等。謂之毒蟲。又以大金瓶數十。遍插葵榴梔子花。環繞殿閣。及分賜后妃

諸閣大璫近侍。翠葉五色葵榴。金絲翠扇。眞珠百索釵符。經筒香囊。軟香龍涎佩帶。及紫練白葛紅蕉之

類。大臣貴邸。均被細葛香羅。蒲絲艾朶。彩團巧粽之賜。而外邸節物。大率效尤焉。【熙朝樂事】端午爲

天中節。家家買葵榴蒲艾。植之堂中。或採百草。以治藥品。【東京夢華錄】端午節物。百索艾花。銀樣鼓兒。花花巧畫扇。香糖果子。糉子。白團。紫蘇。菖蒲。木瓜。並皆葺切。以香藥相和。用梅紅匣子盛裹。自五月一日及端午前一日。賣桃柳蒲葉葵花佛道艾。次日。家家鋪陳於門首。與糉子五色水團茶酒供養。又釘艾人於門上。士庶迎相宴賞。【歲華紀麗譜】五月五日。宴大慈寺。設廳。醫人鬻艾。道人賣符。朱索綵縷。長命辟災之物。筒飯角黍。莫不成在。【遼志】五月五日。午時採艾葉與綿相和。絮衣七事。國主著之。臣僚各賜艾衣三事。國主及臣僚飲宴渤海。廚子進艾糕各點。大黃湯下。北呼此時爲討賽離。又以雜絲或綠。結合歡索纏於臂膊。婦人進長命縷。宛轉皆爲人像帶之。

【文散句】**圓**魏文帝與吳質書。蕤賓紀時。景風扇物。天氣和煖。衆果具繁。【梁昭明太子錦帶書】麥隴移秋。桑律漸暮。蓮花泛水。豔如越女之頰。蘋葉漂風。影亂秦臺之鏡。炎風以之扇戶。暑氣於是盈樓。凍雨洗梅樹之中。火雲燒桂林之上。

【五言古詩】**周庾信奉和夏日應令**朱簾捲麗日。翠幕蔽重陽。五月炎氣蒸。三時刻漏長。麥隨風裏熟。梅逐雨中黃。開冰帶井水。和粉雜生香。衫含蕉葉氣。扇動竹花涼。早菱生軟角。初蓮開細房。願陪仙鶴舉。洛浦聽笙簧。【宋陸游時雨】時雨及芒種。四野皆插秧。家家麥飯羹。處處菱歌長。老我成惰農。永日付竹牀。衰髮短不櫛。愛此一雨涼。庭木集奇聲。架藤發幽香。鬻衣濕不去。勸我持一觴。卽今幸無事。海際

皆農桑野老固不窮。擊壤歌虞唐。

【七言古詩】宋陸游怡齋東湖仲夏草樹荒。屋古無人亭午涼。萱房微呀不見日。筍籜自解時吹香。野藤蟠屋入窗罅。濕菌扶疎生屋梁。跨溝數椽最幽翳。漲水及檻雨敗牆。靜涵青蘋舞藻荇。閒立白鷺浮鴛鴦。芙蕖雖瘦亦瀾漫。照眼翠蓋遮紅妝。水紋珍簟欲卷却。團團素扇嬾復將。天風忽送塔鈴語。喚覺清夢遊瀟湘。

【五言律詩】御製午日令序當重午。南臺日正中。玉階鳴瀑水。瑤軫奏薰風。菖葉浮杯綠。榴花照檻紅。臨流看競渡。轉憶濟川功。
【途次端午】蕤賓逢夏律。午日俯澄流。黃鳥林中變。新蒲岸外稠。宮筵傳綵糗。仙酒泛丹榴。遙憶蓬萊上。垂楊蔭御溝。
【宋陸游重五】重五山村好。榴花忽已繁。糗包分兩髻。艾束著危冠。舊俗方儲藥。羸軀亦點丹。日斜吾事畢。一笑向杯盤。

【七言律詩】唐李德裕嶺南道中嶺水爭分路轉迷。桄榔椰葉暗蠻溪。愁衝毒霧逢蛇草。畏落沙蟲避燕泥。五月畬田收火米。三更津吏報潮雞。不堪腸斷思鄉處。紅槿花中越鳥啼。
【元成廷珪夏日過萬蓬菴】愛汝東菴暑氣薄。解衣盤礴坐莓苔。一林綠竹盡可數。五月白蓮猶未開。捉麈談禪知獨往。買魚沽酒待重來。滄江日落山更好。且放輕舟緩緩迴。
【明虞堪午日訪沈元圭席上次韻】一簾葵錦爛晴霞。五色絲虹映臂紗。玄藥自消頭上雪。絳榴誰插鬢邊花。茶烹石鼎從施禁。詩寫蠻箋學破邪。不是

西山黃石叟難逢東老地仙家。【原】何景明午日【五月五日天氣鮮艾葉榴花對眼前鄉土歲時殊不

惡閭閻風俗自堪鄰鄰人角黍能相送野老蒲觴得共傳回首十年車馬地每逢佳節淚潸然【文徵

明仲夏有懷】五月江南櫻筍殘疎花吹盡綠漫漫雨來却及梅黃候春去猶餘麥秀寒白日幽深茆屋

靜野情蕭散苧袍寬美人何處經時別滿耳新蟬獨倚闌

【五言絕句】宋蘇軾端午皇帝閣帖子詞【採秀擷羣芳爭儲百藥良太醫初薦艾庶草驗蕃昌

【皇太妃閣端午帖子詞】雨細方梅夏風高已麥秋應憐百花盡綠葉暗紅榴【太皇太后閣端午帖

子詞】日永蠶收簇風高麥上場朝來藉田令菰黍獻時芳【夫人閣端午帖子詞】肅肅槐庭午沈沈

玉漏稀皇恩樂佳節鬪草得珠璣

【六言絕句】宋鼂補之仲夏卽事【紅葵有雨長穗青棗無風壓枝溼礎人霑汗際蒸林禪烈號時

【七言絕句】宋王安石五月與和叔同遊齊安【縑成白雪桑重綠割盡黃雲稻正青他日玉堂揮翰

手芳時同此賦林垌【蘇軾皇太后閣端午帖子詞】祕殿扶疎夏木深雨餘初有一蟬吟應將羸女乘

鸞扇更助南風長棘心上林珍木暗池臺蜀產吳包萬里來不獨盤中見盧橘時於糗裏得楊梅

【皇太妃閣端午帖子詞】玉盆沈李灑清泉金鴨噓空裊細煙自有梧楸障畏日仍欣麥黍報豐年

【陸游重午】葉底榴花蹙絳繪街頭初賣苑池冰世間各自有時節蕭艾著冠稱道陵【原】僧道潛臨

平道中】春蒲獵獵弄輕柔。欲立蜻蜓不自由。五月臨平山下路。藕花無數滿汀洲。【金趙秉文夏

至】玉堂睡起苦思茶。別院銅輪碾露芽。紅日轉階簾影薄。一雙蝴蝶上葵花。【馬定國村居】五月南

風化螻蛄。野塘晚筍未成蒲。榴花落盡紅英細。沙渚鴛鴦半引雛。【元迺賢月湖竹枝詞】五月荷花紅

滿湖。團團荷葉綠雲扶。女郎把釣水邊立。折得柳條穿白魚。

【詩散句】原唐李白】大火五月中。景風從南來。數枝石榴發。一丈荷花開。五月梅始黃。蠶稠桑柘空。

山花異人間。五月雪中白。【宋李邦直】艾葉成人後。榴花結子初。【唐陳羽】池上樓臺五月涼。

百花開罷水芝香。【方干】長潭五月來冰氣。孤檜中宵學雨聲。【宋章得象】五日看花憐並蒂。今朝

鬪草正宜男。花陰轉午清風細。玉燕釵頭艾虎輕。【陸游】瓜蔓水生初抹岸。梅黃雨細欲遮樓。

【戴履古】海榴花上雨蕭蕭。自切菖蒲泛濁醪。【元周權】人家綠艾端陽節。天氣黃梅雨細時。【顧

瑛】梧竹一庭涼欲雨。池臺五月氣涵秋。【明唐順之】榴吐千花承雨蓋。莫開五葉拂瑤墀。【唐韓

翊】寒水浮瓜五月時。【薛能】槐柳陰陰五月天。【宋王珪】瑤墀九御薦菖華。【秦觀】菡萏吹風

五月秋。【章得象】菖蒲泛酒堯樽綠。【元馬士熙】曲闌五月櫻桃紅。

【詞】原宋蘇軾阮郎歸】綠槐高柳咽新蟬。薰風初入絃。碧紗窗下水沈煙。碁聲驚晝眠。微雨過。小荷

翻。榴花開欲然。玉盆纖手弄清泉。瓊珠碎又圓。【吳禮之喜遷鶯】梅霖初歇。正絳色海榴。爭開佳節。角

黍包金。香蒲切玉。是處玳筵羅列。鬪巧已輸年少。玉腕綵絲雙結。艤畫舫。見龍舟兩兩。波心齊發。奇絕。難畫處。激起浪花。翻作湖間雪。畫鼓轟雷。紅旗掣電。奪罷錦標方徹。望中水天日暮。猶自珠簾高揭。棹歸晚。載荷香十里。一鉤新月。

【劉克莊賀新郎】思遠樓前路。望平隄十里湖光。畫船無數。綠蓋盈盈紅粉面。葉底荷花解語。鬪巧結同心雙縷。尙有經年離別恨。一絲絲總是相思處。相見也。又重午。清江舊事傳荆楚。歎人情千載如新。尙沈菰黍。且盡樽前今日醉。誰肯獨醒。弔古。泛幾盞菖蒲綠醕。兩兩龍舟爭競渡。奈珠簾暮捲西山雨。看未足。怎歸去。

【別錄】占候【博雅】月內有三卯。宜稻及大小豆。無則宜早豆。五月大種瓜不下。五月小種秧必須早。

五月小瓜果吃不了。【田家五行志】夏至在月初。主雨水調。諺云。夏至端午前。坐了種田年。夏至

在月中。耽閣糶米翁。夏至值甲寅丁卯。粟貴。朔日值芒種。六畜災。值夏至。冬米大貴。十日得辰。早

禾半收。十一日得辰。五穀不收。【歲時記】夏至在初二三。主米麥貴。初五米貴。諺云。夏至連端午。家家

賣兒女。初七八米麥平。二十大饑。上旬米賤。中旬大豐。米大賤。末旬大歉。米大貴。【便民圖纂】五月暴

熱之時。看窠草忽自枯死。主有水。【種植】晚大豆。夏蘿蔔。黑豆。黃豆。晚菘菜。赤豆。菘豆。瓜。【移植】枇

杷。月季。茶藨。薔薇。木香。櫻桃。石榴。錦帶。棠棣。玉堂春。西河柳。橘。瑞香。寶香。素馨。剪春羅。竹。橙。【收採】菖

蒲。蒜。臺麥。諸菜子。馬齒莧。青葙子。卷柏。藤花。莧。天茄苗。白花菜。大小薊。旋覆花。紅花。萱花。杜仲。蛇牀子。馬

蘭子酸漿草黃柏槐花浮萍蒲公英益母草車前子金銀花天麻艾水仙根豨薟草罌粟子藤黃澤瀉
【整頓】割苧蔴砍桑枝糞桑採練葛【製用】金門歲節重午日午時有雨則急砍一竹竹節中必有
神水瀝取和獺肝爲圓治心塊腹聚等病【田忌】天火子地火酉荒蕪巳九焦卯糞忌午

六月伏附見

【禮記月令】季夏之月日在柳昏火中且奎中【註】日月會於鶉火而斗建未之辰也 溫風始至

命澤人納材葦 樹木方盛命虞人入山行木毋有斬伐 【花月令】是月也萱宜男鳳仙來儀菡萏

百子凌霄登茉莉來賓玉簪搔頭 【瓶史月表】六月花盟主蓮花玉簪茉莉花客卿百合山丹山礬

水木槿花使令錦葵錦燈籠長雞冠仙人掌蘋桐鳳仙花

【詩豳風】六月食鬱及藟 【夏小正】六月煮桃【傳】桃也者拖桃也拖桃也者山桃也煮以

爲豆實也 【晉書樂志】六月之辰謂之未未者味也言時萬物向成有滋味也 六月之管名爲林鍾

林者林茂也謂時物茂盛於野也 【雲仙雜記】房壽六月召客坐湘竹簾凭狐文几編香藤爲俎列椰

子爲杯搗蓮花製碧芳酒調羊酪造含風酥皆涼物也 【內觀日疏】六月廿四日爲觀蓮節鼈采與其

夫各以蓮子饋遺爲歡 【夢溪筆談】六月萬物小盛故曰小吉 【暇日記】六月山礬水 【賞心樂

事】六月蒼寒堂後碧蓮碧宇竹林避暑芙蓉池賞荷花約齋夏菊清夏堂新荔枝霞川食桃 【吳郡

【記】荷花蕩在葑門之外。每年六月廿四日。遊人最盛。畫舫雲集。露幃則千花競笑。舉袂則亂雲出峽。揮扇則星流月映。聞歌則雷輶濤趨。蘇人遊冶之盛。至是日而極矣。【伏】原【四民月令】初伏。薦麥瓜於祖禰。【東京夢華錄】都人最重三伏。蓋六月中別無時節。往風亭水榭。峻宇高樓。雪檻冰盤。沈李浮瓜。流杯曲沼。苞鮮新荷。遠邇笙歌。通夕始罷。【清閒供】六月初伏。薦麥瓜。中伏。碧筒勸竹篠飲。二十四日蓮誕。

【文散句】原梁昭明太子錦帶書。三伏漸終。九夏將謝。螢飛腐草。光浮帳裏之書。蟬噪繁柯。影入機中之鬢。濯枝遷潦。溢芳槿茂而發榮。山土焦流。金海水沸而漂爍。

【五言古詩】補宋龜補之夏季。夏季百果繁。兔葵亦成實。獨有野石榴。幽花時熠熠。熠熠非獨好。芳榮賴午日。翩翩彼白蜨。髣髴采挹。睡餘起對此。嘉興亦蕭瑟。良非阡陌麗。敢競陽春出。無言以成蹊。上愧桃李質。幸當飽霜餘。萬顆富君室。

【七言古詩】補宋蔡襄甲辰初伏。快雨涼風晝眠。初覺庭前小欄。花木各有意氣。【效柏梁體】閏夏天氣熱。焰烘崇朝快雨。隨清風。晝軒夢覺開前櫺。畫欄花草意氣雄。側枕遙聞數異同。如此微物煩化工。盍各言爾之所從。繁葩富豔生朱紅。川海 枯條大蕊千萬重。桃緋 修榦點綴赤日中。蜀 蠲去憂忿誰與功。草 採摘烹煮祛煩胸。百 秋霜巨實垂如甕。木 橫柯遠引交加叢。紅 玫瑰葉抽綠劍端黃茸。山 直立開披泉貨通。錢

疊繞翠羽翻虬龍。薛荔誤入畦町非余公。麻助滌渴肺思匪躬。麥門冬物物自名詞不窮。願當我意乃汝容。負

汝不飲慙衰翁。【歐陽修初伏日招王幾道小飲】北園數畝官牆下。嗟我官居如傳舍。淖沱北渡馬踏冰。西山病歸花已謝。落英不見空繞樹。細草初長猶可藉。空園一鎖不復窺。不覺芳蹊繁早夏。隔牆時時聞好鳥。如得嘉客聽清話。今朝試去繞園尋。綠李橫枝礙行馬。蒲萄憶見初引蔓。翠葉陰陰還滿架。紅榴最晚子已繁。猶有殘花藏葉罅。人生有酒復何求。官事無了須偷暇。古云伏日當早歸。況今著令許休假。能來解帶相就飲。爲子埽月開風榭。

【七言律詩】唐王維積雨輞川莊作。積雨空林煙火遲。蒸梨炊黍餉東菑。漠漠水田飛白鷺。陰陰夏木嘯黃鸝。山中習靜觀朝槿。松下清齋折露葵。野老與人爭席罷。海鷗何事更相疑。【宋韓琦六月六日雨後過嶽廟遊從封寺觀稼】暑雨頻經信宿休。近郊方出釋潛憂。雖妨麥始二停獲。且見苗知一半收。神嶽怖民藏電雹。老松憑寺偃蛟虬。佳遊況遇從豐識。好飾千倉待有秋。

【七言絕句】宋蘇軾西湖。畢竟西湖六月中。風光不與四時同。接天蓮葉無窮碧。映日荷花別樣紅。【詩散句】宋蘇軾。遶郭荷花一千頃。誰知六月下塘春。【元龔璠】六月涼如冰熨齒。枇杷移陰碧書几。【梁庾信】六月蟬鳴稻。

【詞】明陳繼儒浪淘沙。風雨霎時晴。荷葉青青。雙鬢捧著小紅燈。報道綠紗廊底下。蕉月分明。枕

簞嫩涼生茉莉香清蘭花新吐百餘莖。撲得流螢飛去也。團扇多情。

【占候】六月無蠅。主米價平。諺云。六月無蠅。新舊相登。三伏宜熱。諺云。六月不熱。五穀不結。蓋當槁稻之時。又當下壅。晴熱則苗旺。涼雨則苗沒。立秋在晦。旱稻遲。【種植】秋赤豆。秋菘豆。豇豆。蘿蔔。胡蘿蔔。素馨。芥菜。晚瓜。蔓青。小蒜。【壅培】麥冬。橙。芋。韭。橘。【灌溉】菊。牡丹。芍藥。茉莉。【收採】花椒。苧竹。青箱子。紫草。槐花。藕。天仙子。蓮鬚。蓮花。松香。杜仲。鳳仙花。莖菱科。苜蓿。蓮房。茅根。乾漆。藿香。白芷。葛。芎藭。葦。草菌。郁李根。野白薺。地踏菜。燈草。旋覆花。眼子菜。澤瀉。【整頓】鋤竹園。漚麻。耕麥地。【製用】漆器物。若黃金。其光奪目。【田忌】天火卯。九焦子。糞忌子。地火巳。荒蕪辰。

著者 Author (清) 聖祖 書碼 571
Call No. 624
1:1

書名 Title 廣群芳譜

登錄號碼
Accession No. 211855

月日	借閱者	月日	借閱者
Date	Borrower's Name	Date	Borrower's Name
6 4	楊子 0592503		
8 9	林小雅 591506		

國立政治大學圖書館

書碼 571
624
1:1

登錄號碼 211855

2386



571
624
1:1

政治大學圖書館



A211855